

“আমরা প্রেম পাই না ; কেবল প্রেম দেই না বলিয়া। * * আমাদের যদি প্রেমই থাকিত, ঘরে ঘরে দশটা করিয়া উমান জলিত না, বিশটা করিয়া জাতি হইত না, ধর্ম'কর্ম—সব ভাতের হাঁড়িতে যাইয়া প্রবেশ করিত না।”

“এক একটা করিয়া বিপদের পাথর দিয়া যে বিরাট, বিস্তৃত মন্দির নির্মিত হয়, তাহারই মধ্যে কীর্ত্তি দেবতার প্রতিষ্ঠা।”

“পরকে ভাল বাসিয়াছ কি ? নিজের কথা ভুলিয়া যাইয়া মুখের গ্রাস ক্ষুধিতেরে ভুলিয়া দিয়াছ কি ? একটা ছাগ শিশুকে বাঁচাইতে চাহিয়া আপনার শির যুগকাঠে পাতিয়াছ কি ? যদি করিয়া থাক; উপাসনায় তোমার কিসের প্রয়োজন ?”

এই জাতীয় অভ্যুত্থানের দিনে আশা করি পুস্তিকাখানি সকলের নিকট আদৃত হইবে।

খুকুর জন্ম।

(শ্রীসুধীরচন্দ্র রায়)

কামনা-বাসনা-রূপে হৃদয়ে লুকায়ে ছিল
আনন্দ মুরতি ল'য়ে খুকু হ'য়ে দেখা দিলি।
সন্ধ্যার সে মেঘমাঝে একেছিন্ন ছবি তোর
জাগিত মা তোর তৃষা রজনী হইলে ভোর।
সাগরের ঢেউমাঝে দেখেছিন্ন তোর মুখ
জীবনে সাধনা মোর তুই মোর সব স্মৃথ।
বিশ্বের মঙ্গল রাশি তুই মোর মা আমার
তুই মোর ব্রতপূজা বস্ত্র ধ্যান ধারণার।
অঁাখি তোর আনে প্রাণে বিশ্বের বারতা রাশি
স্বর্গসুধা চালে প্রাণে তোর ক্ষুদ্র কল হাসি।
অমৃত সমান মাগো কোমল পরশ তোর
শব্দে ফুটে কত ভাষা শুনিয়া আপনা ভোর।
স্মৃথে তুই স্মৃথরবি ছুথে তৃপ্তি সাধনার
নারীত্বের সার্থকতা বিধাতার উপহার।

নারায়ণ

৭ম বর্ষ, ১১শ সংখ্যা]

[আশ্বিন, ১৩২৮ সাল।

আগমনী

[শ্রীকালিদাস রায়]

এস মা নবনী-হৃদয়া জননী মণিমঞ্জুষা করে,
হরষ ধারায় সরস করিয়া এস মা বরষ পরে ॥
এস শারদ গগন মগন করিয়া শুচি জ্যোছনার বানে
বন-প্রান্তরে হরিত অরণ ঘন তরুণিমা দানে।
এস প্রকটিয়া তারাপুঞ্জ—
এস গুঞ্জে ভরি' কুঞ্জ—
কল কুঞ্জে ভরিয়া নমেরুকুলায়, রঞ্জিয়া জলধরে ॥
এস পয়স্বিনীর আপীন ভরিয়া মধুর গোরস রসে,
নিঃশ্বের গৃহ শশ্বে ভরিয়া, বিশ্ব ভরিয়া যশে।
এস পুষ্প ভরিয়া গন্ধে—
চাক মঞ্জুতা মকরন্দে—
এস হ্রদ-সরোবর ভরি কোকনদে কুমুদে ইন্দীবরে ॥
এস নদনদী ভরি মীন-বৈভবে, কান্তার ভরি কাশে—
তরুলতা ভরি ফল-গৌরবে, তড়াগ ভরিয়া হাঁসে।
ভরি' শালি-সম্পদে ক্ষেত্র—
স্নেহ করুণায় ভরি নেত্র—
এস মুখরিত করি গিরিকন্মর নিব' র বরঝরে ॥

এস শিশুর আশ্র হাশ্বে ভরিয়া, লাশ্বে আঙিনা ভরি,
নব স্বাস্থ্যে ভরিয়া শীর্ণ অঙ্গ জীর্ণ জড়তা হরি'।
মাগো " বিতরি' অন্ন-স্তন্য—
কর সন্তানগণে ধন—
এস বিশ্বস্তরা সন্তাপহরা বঙ্গের ঘরে ঘরে ॥

সত্য ও সৌন্দর্য্য বোধ

(পূর্বাশ্রিতের পর)

[অধ্যাপক শ্রীরামপদ মজুমদার]

রবীন্দ্রনাথ তাঁহার গুরু সন্ধ্যায় যে সত্য ও সৌন্দর্য্যাত্মক জাগাইয়া তুলিতে চাহিয়াছেন, ভাবের পর ভাবের রূপ দিয়া প্রাণের যে গতি নির্দেশ করিবার চেষ্টা পাইয়াছেন, তাহা ত শেষে ব্যাকুল হৃদয়ের অক্ষরবর্ণনে, নির্বাক অন্তরের সৌম্য সমাধিতে লয় পাইয়া গিয়াছে,—জ্ঞানের কথায়, সত্যালোচনায় ইহাতে ধরিবার বুঝিবার কি আছে? যে নিভৃত আনন্দ ইহাতে উচ্ছ্বসিত হইয়া উঠিয়াছে, গতির দিকে ছাড়া তাহার সম্যক উপভোগ আর কেমন করিয়া হইতে পারে? কোনও একটা উৎকৃষ্ট কবিতার প্রত্যেক অংশ খণ্ড খণ্ড ভাবে বিশদরূপে ব্যাখ্যাত হইলেও তাহার এই আভ্যন্তরিক গতিটা সহজে হৃদয়ঙ্গম হয় না। মানব-মনের যে সূক্ষ্ম গতি, প্রাণের যে অব্যাহত স্ফূর্তি ভাবার মধ্য দিয়া রূপে, রূপের মধ্য দিয়া ভাবে স্বতঃই প্রবাহিত হইতেছে, তাহাকে সঙ্গীতে, ছন্দে মুক্তিমান করিয়া তোলা কাব্য-রচনারই অল্পরূপ। কবির মনের স্বচ্ছন্দ গতি পারিপার্শ্বিক অবস্থা ও সংস্কার হইতে স্বলিত হইয়া নিজের বেগেই ধাবিত হয়, সত্য এবং তথ্য ইহাকে সংযত করিলেও রুদ্ধ করিতে পারে না। কবিতার এইরূপ একটা অন্তর্গত স্বাভাবিকত্ব আছে। এবং ভাবের গভীরতা অথবা প্রজ্জ্বলিত দৃষ্টি যতই থাকুক না কেন, কবি যদি তাঁহার কবিতায় ভাব-ব্যঞ্জনার স্বাভাবিক গতিটা ফুটাইয়া তুলিতে না পারেন, তাঁহার মনের গতি যদি—তাঁহার কাব্যে স্বতঃ স্ফূর্তিত না হয় তাহা হইলে তাঁহার কবিতায় সৃষ্টির আনন্দ পাওয়া যায় না। ব্যবহারিক

জীবনের আড়ষ্ট ভাব কবিতায় নাই, জানাজ্ঞানের কষ্টসাধ্য চেষ্টা হইতে ইহা সজ্জত নহে, কল্পনার উদ্দাম চাঞ্চল্য ইহাকে শ্রীভ্রষ্ট করিয়া দেয়। কবির ওয়ার্ডস্‌ওয়ার্থের কবিতা আজি কালি এত যে সমাদৃত—তাহা তাঁহার তত্ত্বালোচনার জন্ত নহে। যুক্তির আলোকে এ সব তত্ত্ব এক মুহূর্ত্তও টিকিতে পারে না। ওয়ার্ডস্‌ওয়ার্থ এত মর্দস্পর্শী কারণ সমস্ত তত্ত্ব ভেদ করিয়া প্রকৃতির মূলে চিন্ময় শক্তির যে সাক্ষাৎ অল্পভূতি তাঁহার হইয়াছে—তাঁহার সরল হৃদয় স্বাভাবিক ভাব ব্যঞ্জনা আমরা পাই তাঁহার কাব্যে। বাহিরের সামান্য সামান্য ঘটনাগুলি কেমন করিয়া ধীরে ধীরে অন্তরে প্রতিষ্ঠিত হইয়া নিত্য সত্য ও সৌন্দর্য্যরূপ ধারণ করে, তাঁহার এক একটা কবিতায় ভাবের গতির মধ্যে যেন তাহা ধরা পড়িয়াছে এবং জগতের চঞ্চল প্রকাশের ভিতর দিয়া অধ্যাত্ম চেতনার প্রসারিত সৌন্দর্য্য ক্ষণেকের জন্ত প্রতিভাত হইতেছে। সেই একই কারণে রবীন্দ্রনাথও বড়, তিনি মরমী কবি বলিয়া নহে,—তাঁহার অধ্যাত্মিক তত্ত্বালোচনার জন্ত নহে,—কারণ ইহারাও আধ্যাত্মিকই হউক আর আধিভৌতিকই হউক বাস্তব তত্ত্বের আলোচনা,—তিনি বড়, কারণ তাঁহার কবিতায় সমস্ত তত্ত্ব ও সত্যের ভিতর দিয়া তিনি অনন্ত সৌন্দর্য্য স্পর্শ করিয়াছেন। সাহিত্যে তত্ত্ব ও সত্য মিথ্যা, ভাব ও সৌন্দর্য্যই সত্য—সৌন্দর্য্যকে গভীরতা দিবার জন্তই সত্যের প্রয়োজন। আমাদের তত্ত্ব ও সত্য আজ আছে কাল নাই, ইহারা তখনই নিত্য যখন ভাবের সহিত, বিজড়িত হইয়া সৌন্দর্য্যে প্রস্ফুটিত, সে কালের কত শত সত্য বিস্মৃতি-মাগরে নিমজ্জিত হইয়া গিয়াছে, কিন্তু রামায়ণ ও মহাভারতের কথা আজও ভারতের হৃদয়ে স্পন্দিত হইতেছে।

সেইজন্ত কোনও একটা উৎকৃষ্ট কবিতা গদ্যে পরিণত করিলে তাহার অন্তর-শ্রী থাকে না এবং অল্পবাদে ইহার সৌন্দর্য্য রক্ষিত হইতে পারে না। প্রত্যেক অংশ সমগ্রের মধ্যে নিহিত, এবং সমগ্র ভাবটা প্রত্যেক অংশে প্রতিফলিত। কবিতা যেন নিয়তির নিগড়ে বাঁধা, সৃষ্টির রহস্যে ঢাকা, প্রাণের স্পন্দন হইতে কেমন করিয়া যে ইহা ভাষা, ভাব ও রূপের মধ্যে মুক্তি পরিগ্রহ করে তাহা বুঝিয়া উঠা যায় না। জোর করিয়া কবিতা লেখা চলে না। সত্য এবং তথ্যকে কল্পনায় ফলিত করিলেও তাহা উৎকৃষ্ট কাব্য নহে, যদি প্রাণের অল্পভূতি না থাকে, যদি মনের স্বচ্ছন্দ বিলাস আপন মাধুর্য্যে আপনি বিমোহিত না হয়। ইংরাজ-কবি পোপের ত সত্যের

কোনও খ্যাতি ছিল না, কল্পনারও প্রাচুর্য ছিল—কিন্তু তাঁহার শ্রেষ্ঠ কাব্য কোথায়? এবং তাহা হইলে রবীন্দ্রনাথের ‘কণিকা’ই তাঁহার সর্বশ্রেষ্ঠ কাব্য বলিয়া গৃহীত হইত, আর তাঁহার আধুনিক আধ্যাত্মিক গবেষণা আমাদের হৃদয়ে এত নৈরাশ্রের সঞ্চার করিত না। যে গভীর অহুভূতি কবিকে পাগল করিয়া তুলে, তাহা সব সময়ে তাঁহার নিজের নিকটেই পরিস্ফুট হয় না। কল্পনী যুগের ছায় নিজের সৌরভে নিজে মত্ত হইয়া কবির মন গতিমুক্ত হইয়া যায়। কত মায়াজাল বিস্তার পূর্বক, কত ছন্দোবন্ধে কত আকারে ও ইচ্ছিতে তিনি সেই সৌরভকে ধরিতে চেষ্টা করেন,—প্রাণের বেদনা কথায় আধস্ফুট হইয়া প্রাণেতেই গিলাইয়া যায়, তাঁহার মনের তুষ্টি কিছুতেই হয় না, ব্যাকুলতা ব্যাকুলতাই রহিয়া যায়। সেই জন্ম কবিতার যেন শেষ নাই, ইহার কথা বলিয়াও বলা হয় নাই। ইহা যে ভাবের রেখাপাত করিয়া চলে, তাহা ঈশ্বরের মধ্যে আলোকের স্পন্দনের মত প্রাণ হইতে প্রাণে চিরকালই স্পন্দিত হইতে থাকে। অহুভূতি মূলক * কবিতাকে জ্ঞানের দ্বারা বিশেষ সম্পৃষ্ট করা যায় না; এবং সামাজিক নীতিবাদ তাহাতে খাটে না। এই শ্রেণীর কবিতা আমাদের দেশে সাধারণ পাঠকের নিকট এখন পর্যন্ত স্থপরিচিত হয় নাই বলিয়া ইহা লইয়া—এত বাগবিতণ্ডা উপস্থিত হয়। বাস্তবিক অহুভূতি মূলক কবিতা কোনও দেশেই শিক্ষিত সম্প্রদায় ছাড়া জনসাধারণের উপভোগ্য নহে। ইহা চন্দ্রালোকের স্বচ্ছ আবরণের মত বাস্তবের সম্পৃষ্টতার উপর অলৌকিক কিরণ সম্পাতে অপরূপ সৌন্দর্য ফুটাইয়া তুলে। কবির সত্য যতই তাঁহার নিকট স্পষ্ট হইয়া উঠে, যতই ইহা অহুভূতির বিষয় না হইয়া জ্ঞানের বলিয়া বোধ হয়,—কবি যখন তাঁহার বিষয়কে ভিতর হইতে না দেখিয়া বাহির হইতে দেখিবার চেষ্টা করেন, ইহাকে বিশ্লেষণ করিয়া অত্যাচ্ছ জাগতিক ব্যাপারের, স্থির নির্দিষ্ট জ্ঞানের,—সমস্তমিতে আনিয়া ফেলেন ততই তাঁহার কাব্য গণ্ডের রূপান্তর হইয়া পড়ে। এমন কি যখন কোনও কবিতায় একটা স্থনিশ্চিত মহৎ উদ্দেশ্যের পরিচয় পাওয়া যায়, তখনও সেই কাব্যের উৎকর্ষ উদ্দেশ্যের মহত্বের উপর ততটা নির্ভর করে না, এই উদ্দেশ্যকে ঘেরিয়া তাহার চতুর্দিকে যে ভাবের জ্যোতিঃ বিকীর্ণ হয়, যতটা ইহা তাহার উপর নির্ভর করে। কোন

* Romantic Poetry অহুভূতিমূলক কবিতা। আমি আমার “সাহিত্যে অহুভূতি” নামক প্রবন্ধে দেখাইতে চেষ্টা করিয়াছি কেন ইহাকে বাস্তবিক অহুভূতিমূলক কবিতা বলা যাইতে পারে এবং কেন Classical Poetry কে আদর্শ প্রধান বলা উচিত।

কবির আদর্শ কত উচ্চ ইহা লইয়া কল্পনা-কল্পনা অথবা সমালোচনার উদ্ভেজনা প্রায়শই নিরর্থক কারণ আদর্শের উচ্চতা সব সময়েই সাহিত্যের শ্রেষ্ঠত্বের পরিমাপক নহে। আদর্শ-হিসাবে রামায়ণ—‘ওডেসি’ অপেক্ষা বহু উচ্চ মনে করিলেও বাস্তবিক হোমার হইতে শ্রেষ্ঠ প্রতিপন্ন হয় না কিম্বা কেবল আধ্যাত্মিকতার দোহাই দিয়া রবীন্দ্রনাথকে মাইকেল হইতে উচ্চাসনে প্রতিষ্ঠিত করা চলে না। একদিকে যেমন উদ্দেশ্যবিহীন কবিতা শুধু কল্পনার খেলা,—পাগলের প্রলাপোক্তির মত বোধ হয় আর একদিকে তেমনই আদর্শকেই এক মাত্র মাপকাঠি ধরিয়া কাব্যের বিচার করিলে তাহাকে নীতি শাস্ত্রের সহিত একত্র করিয়া দেখিতে হয়। প্রকৃত কাব্য-সৃষ্টিতে একটা নিলিপ্তভাব আছে,—ইহাতে ভোগ বিরতিরও আভাষ পাওয়া যায়। জ্ঞান ও চেতনার সংঘাতে কবির মনে যে অহুভূতি প্রজ্বলিত হয়, তাহার উপর তাঁহার যেন কোনও হাত নাই; সে নিজের ইচ্ছা নিজেই জোগাড় করিয়া লয়। অধ্যাত্মসত্ত্বার গভীরতার মধ্যে ভাষা ও ভাব তাহার সহিত আপনিই যুক্ত হয়। একটা কণাকে কেন্দ্র করিয়া স্ফটিক যেমন প্রাকৃতিক নিয়মে গড়িয়া উঠে, তেমনই করিয়া সেই—অহুভূতির চতুর্দিকে ভাব-সম্পদ সৃষ্ট হয়। সত্য ও সৌন্দর্য্যকে স্বেচ্ছাপ্রণোদিত জ্ঞানের দ্বারা জমাট করিলে কাব্য রচিত হয় না।

আমার মনে হয় এই জন্ম রবীন্দ্রনাথের আজিকালিকার কবিতায় জীবনী-শাক্তির হ্রাস উপলব্ধি হইতেছে। যে প্রাণের বেগে, অহুভূতির খরশ্রোতে একদিন তাঁহার কবিতা উথলিয়া উঠিয়া “আকুল পাগল পারা” জগৎ প্লাবিত করিতে চাহিয়াছিল, আজ তাহার যেন আর সে শক্তি নাই,—এখন তাহার সার্থকতা জ্ঞানে ও তত্ত্বে। যেখানে তাঁহার কাব্যের মূলে অহুভূতি বিস্তারিত, সেখানে ভাষা ও কল্পনার সামঞ্জস্য, ভাব-ব্যঞ্জনার স্বাভাবিক একটা স্নিগ্ধ শাস্ত্র কমনীয়তা সমস্ত সম্পৃষ্টতা ও চাঞ্চল্য সংযত করিয়া তাঁহার কবিতাকে একটা দিব্যশ্রী প্রদান করিয়াছে। কারণ রবীন্দ্র-প্রতিভা মুখ্যতঃ অহুভূতিমূলক এবং তাঁহার কাব্যের ভাব ও ভাষা, রচনা-ভঙ্গী বা প্রকাশ-প্রণালী অহুভূতি-ব্যঞ্জক, অর্থাৎ অহুভূতির দ্বারা অহুসরণ করিয়া ইহার স্বভাবতঃই স্ফুরিত হইয়াছে। কিন্তু যখন তিনি তাহা না বুঝিয়া জ্ঞানের কথা, দর্শন-তত্ত্ব সেই একই প্রণালীতে প্রকাশ করিবার চেষ্টা করেন; একথা তুলিয়া যান যে জ্ঞানের প্রকৃতিই এই, যে ইহাকে স্পষ্ট, নির্দিষ্ট করিয়া দেখিতে হয়;—ইহা যুক্তির কার্য কারণ পরস্পরের অপেক্ষা রাখে,—জ্ঞানকে কল্পনার আবছায়ায়

ফেলিলে অথবা রূপকের অস্পষ্টতায় ঘেরিলে তাহা অল্পভূতিতে পরিণত হয় না,—তখন তাঁহার রচনাতে দুইটি পরস্পর-বিরোধী ভাবের উৎপত্তি হইয়া এমন একটি স্বাভাবিকর আসিয়া পড়ে যে পাঠকের মন স্বতঃই তাহা হইতে প্রত্যাকৃষ্ট হয়। রবীন্দ্রনাথের অনেকগুলি কবিতা ভিন্ন ভাষায় অনূদিত হইলে যেমন সুন্দর ফুটিয়া উঠে এবং সহজেই বোধগম্য, মূলে তাহাদিগকে তেমন স্পষ্ট ও সুন্দর বলিয়া বোধ হয় না। কারণ ভাব ও ভাষার মধ্যে এই অসামঞ্জস্য অল্পবাদে অনেকটা ঢাকা পড়ে। কিন্তু তাঁহার অল্পভূতিমূলক কবিতাগুলি অল্প ভাষায় রূপান্তরিত হইলে, তাহাদের প্রায় সমস্ত সৌন্দর্য্যই নষ্ট হইয়া যায়, মূল ভাবটির ছায়া মাত্র অবশিষ্ট থাকে,—জ্ঞানের কথা যত সহজে অনূদিত হইতে পারে, অল্পভূতির কথা তত সহজে হয় না।

ভাবের সৌন্দর্য্য, প্রকাশের স্বাভাবিকত্বের উপর নির্ভর করে। এবং আমাদের দেশের অবস্থাই এমন যে আমাদের সাহিত্য-রচনার মধ্যে স্বতঃই যেন একটি প্রকাশের বিকৃতি আসিয়া পড়ে। প্রত্যেক দেশের সাহিত্যই যদিও মুখ্যতঃ ব্যক্তিগত প্রতিভার প্রকাশ তাহা হইলেও এই প্রকাশের রীতি বহুল পরিমাণে পাঠক সমাজের রুচি ও আদর্শের দ্বারা নিয়ন্ত্রিত হয়। লেখক যে শুধু নিজের অন্তর্গত আনন্দের প্রাচুর্য্য হইতেই লিখেন তাহা নহে,— তাঁহাকে অনবরতই এইটি কাল্পনিক পাঠককে তাহার মনের সম্মুখে প্রোতা ও বিচারকরূপে দাঁড় করাইয়া রাখিতে হয়। সাহিত্য-রচনা একাধারে সৃষ্টি ও সমালোচনা। সাহিত্যিক শ্রুতি ও বটে, সমালোচকও বটে, যে অল্পভূতির দ্বারা প্রণোদিত হইয়া তিনি সাহিত্য-সৃষ্টিতে নিয়োজিত হ'ন,— ভাষায় লিপিবদ্ধ করিবার সময় তাহাকেই আবার বিশ্লেষণমূলক জ্ঞানের সাহায্যে তাঁহার কল্পিত পাঠকের রুচি ও আদর্শ অল্পসারে একটু ভিন্ন আকারে গড়িয়া তুলিতে হয়। কবির অল্পভূতির সম্পূর্ণতা কখনই কাব্যে প্রতিফলিত হইতে পারে না। সাহিত্যে আমরা যাহা পাই তাহার সমস্তটাই লেখকের ব্যক্তিত্বের অভিব্যক্তি নহে। কালের গতি ছুই দিক দিয়া লেখককে চালিত করে। একদিকে যেমন তাঁহার ব্যক্তিত্বের উন্মেষ এই গতির দ্বারা নিয়ন্ত্রিত হয়, আর একদিকে তেমনই এই ব্যক্তিত্বের প্রকাশকে তাঁহার সমসাময়িক সমাজের জ্ঞান, রুচি ও অবস্থা একটি বিশেষ রীতির মধ্যে আনিয়া ফেলে। যেখানে এই দুইটির মধ্যে যত সামঞ্জস্য আছে, সেখানে লেখকের রচনা তত স্বাভাবিক ;—ততই আমাদের মনে হয় যেন স্বয়ং কাল লেখকের হইয়া তাঁহার

লেখনী চালনা করিয়াছেন ; সাহিত্যের কথা কালের স্বাক্ষী-রূপ হইয়া দাঁড়ায়। সেই জন্ত এক এক যুগের সাহিত্য এক একটি বিশেষ রূপ ধারণ করে এবং কালের গতি হইতে বিচ্ছিন্ন করিয়া সাহিত্যকে ঠিক বুঝা যায় না। আধুনিক বঙ্গ সাহিত্যে যে বিশৃঙ্খলতা ও অনেক সময়েই যে প্রকাশের বিকৃতি দৃষ্ট হয়, তাহার একটি কারণ এই যে, লেখকের নিকট এখন পর্য্যন্ত সেই কল্পিত পাঠকের মূর্তিটি স্পষ্ট হইয়া উঠে নাই। তিনি ঠিক বুঝিয়া উঠিতে পারিতেছেন না যে তাঁহার পাঠকের রুচি ও আদর্শ কি? প্রাচ্য ও প্রতীচ্যের সংঘাতে আমাদের দেশে কোনও নূতন সভ্যতা অথবা আদর্শের সূচনা সর্বজন সমাজে এখন পর্য্যন্ত সংক্রমিত হয় নাই।

সমগ্র সমাজের বিভিন্ন শ্রেণীর শিক্ষা দীক্ষা অথবা চিন্তা প্রণালী যদি এক না হয়,—সমাজের ভিন্ন ভিন্ন স্তরে যদি ভিন্ন ভিন্ন ভাব ও আদর্শ প্রবর্তিত থাকে,— তাহা হইলে সাহিত্য-রচনা সহজ স্বাভাবিক ও সরল হইতে পারে না। আবার ইহার উপর যদি লেখকের মনের অন্তরতম প্রদেশে জাতীয় জীবনের গৌরব-বোধ অথবা অতীতের প্রতি সন্তুষ্টি প্রণতি না থাকে,—যদি জীবনের দৈন্য তাঁহাকে এতই অভিভূত করিয়া ফেলে যে তিনি নিজের মধ্যে নিজে সোয়াস্তি না পান,—তাঁহাকে অনবরতই অল্প দেশের সাহিত্য ও সভ্যতাকে বড় করিয়া দেখিতে হয়,—তাহা হইলে সেই কল্পিত পাঠক লেখকের মনের অগোচরে বিদেশী সমালোচকে পরিণত হইয়া যায়,—তখন তিনি বুঝিতে পারেন না ভিতরকার যে স্রষ্টা তাঁহার সাহিত্য-চেষ্টা সম্বন্ধ করিয়া রাখিয়াছিল তাহা কাটিয়া গিয়াছে,—তখন সে সাহিত্য কেন্দ্রশ্রষ্ট, অসংযত ও অস্পষ্টতা দোষে ছুট। এইরূপ সাহিত্য যে সবসময়েই বিদেশী সাহিত্যের অল্পকরণ প্রয়াস-লক্ষ তাহা নহে, বরং ইহা তাহার উল্টাও হইতে পারে। ইহার মধ্যে কেমন যেন একটু উৎকর্ষ দেশীয়তার ভান আসিয়া পড়ে—দেশীয় বিশিষ্টতাসুলিকে অতিরঞ্জিত করিয়া, সংযমের সীমা ছাড়াইয়া, ভণ্ডতাপসের রূপে বিদেশীর নিকট প্রতিভাত হইতে চায়, এইরূপ সাহিত্য ও শিল্পে সৌন্দর্য্যের স্বাভাবিক সৃষ্টি হইতে পারে না কারণ ইহা অন্তরের সরল অভিব্যক্তি নহে। এবং এই ভাবটি আধুনিক বঙ্গ সাহিত্যে ও শিল্পে যে দেখা দিয়াছে, সে বিষয়ে কোনও সন্দেহ নাই। আমাদের বিশিষ্টতা, ভারতীয় আধ্যাত্মিকতা বিদেশীর নিকট ফলাইবার একটা উগ্র আকাঙ্ক্ষা, একটু অভিনয়-প্রয়াস ইহাতে লক্ষিত হয়। যে অভিনব বেশে রবীন্দ্রনাথ পাশ্চাত্য জগতে দেখা দিয়াছেন, তাহা যেন তাঁহার

আধুনিক সাহিত্যেই প্রতিষ্ঠিত। পাশ্চাত্য সমালোচকেরা যে তাঁহাকে মরমী কবি বলিয়া অভিহিত করিয়াছেন,—সেই গৌরবেই তাঁহার আত্ম-গৌরব অনেকটা ক্ষুণ্ণ হইয়া গিয়াছে। নিজের উপর অবিশ্বাস, আত্মার প্রতি উপেক্ষা সাহিত্যের কল্যাণকর হইতে পারে না। কিপলিং, মেটারলিক্, অথবা টুরগেনেভের সমকক্ষ হইলেই রবীন্দ্রনাথের জীবনের সার্থকতা হয় না, তিনি যে আমাদের অনেকের কাছেই নোবেল প্রাইজের বহু উর্দ্ধে, কারণ আমরা বিশ্বাস করি তিনি অন্তরের সাত্ত্বাঙ্গ্যে অধিষ্ঠিত হইয়া চির-মহিমাম্বিত হইয়া গিয়াছেন। তাঁহাকে জগতের নিকট যাইতে হইবে না, জগৎ আপনাই তাঁহার নিকটে আসিবে। সাধারণ লোকের পক্ষে না হউক, কবির পক্ষে সমুদ্র যাত্রা নিষিদ্ধ— তাঁহার গৌরব মুখ্যতঃ স্বদেশে, বিদেশে নহে। অনেক সময়েই রবীন্দ্রনাথের আজি কালিকার রচনায় 'রস' পাওয়া যায় না। এ গুলিতে সত্যের গভীরতা আছে, কল্পনার কমণীয়তাও যে নাই তাহা নহে, কিন্তু ভাবের গতি নাই। তিনি সত্যের হেঁয়ালি রচনা করিতেছেন,—রূপকের সাজ পরাইয়া দিতেছেন,— অধ্যাত্মজীবনের মন্ত্রপাঠ করিতেছেন, কিন্তু প্রাণের প্রতিষ্ঠা হইতেছে না। তাঁহার সাহিত্য-জীবনে যেন পৌত্তলিকতা আসিয়া পড়িয়াছে—নৈতিক ও মানসিক আড়ষ্টতা কাটাইয়া ভাবের যুক্ত প্রবাহে তিনি নিজেকে ছাড়িয়া দিতে পারিতেছেন না। ষাঁহার অল্পভূতি একদিন গুরুসঙ্ঘার সৌন্দর্যে অশ্রুবিগলিত হইয়া পড়িয়াছিল, গোপালির শুভলগ্নে হেমন্তের দিনে পশ্চিমের অন্তর্গামী সূর্য সাক্ষী করিয়া যিনি তাঁহার প্রাণ প্রকৃতিকে সঁপিয়া দিয়াছিলেন, কত জন্মজন্মান্তরের গভীর চেতনা ভাষায় গুঞ্জরিয়া উঠিয়া তাঁহার জীবন-কুঞ্জ এক অজানিত রাগিনীতে ভরিয়া দিয়াছিল, সাগরের খোলা হাওয়া বহিয়াছিল,— আজ তাঁহাকে কিনা অধ্যাত্ম কবিতার অলীক মোহে মুগ্ধ হইয়া, বিদেশী পাঠকের সাময়িক চিন্তাকর্ষণের জন্ত, বৈষ্ণব-কবিতার বিকৃত অলুকরণে অথবা মেটারলিকের পদ্যসুরগে প্রবৃত্ত হইতে হইয়াছে।

যেদিন হইতে তিনি পশ্চিমে সমাদৃত হইয়াছেন, সেই দিন হইতেই তাঁহার কবিত্বের উৎস শুকাইয়া আসিতেছে। অল্পবাদে যে সত্যের মর্যাদা রক্ষিত হইতে পারে তাহার প্রতি তাঁহার দৃষ্টি পড়িয়াছে। জ্ঞানের দিকে বুকিয়া পড়িয়া প্রাণের কথা ভুলিয়া যাইতেছেন। তাঁহার এখন কার কবিতাগুলি যত সহজে অল্পবাদ করা চলে, আগেকার কবিতা তত সহজে অল্পবাদ করা যায় না; কারণ সে গুলিতে ভাষা ও ভাবের সহিত প্রাণের যোগ আছে। বাস্তবিক

তিনি তাঁহার উৎকৃষ্ট কবিতা দিয়া পাশ্চাত্য জগতে পরিচিত হইয়েন নাই। যে সব কবিতায় পাশ্চাত্য ভাবেরই প্রতিধ্বনি, অথবা যাহাতে প্রাচ্যের আধ্যাত্মিকতার একটা বিকৃতি দেখা যায়,—সে গুলিই—সেখানে সমধিক প্রশংসিত হইয়াছে। ষাঁহার অপূর্ণ অল্পভূতি একদিন তাঁহাকে প্রাচ্য ও প্রতীচ্যের সম্মিলনে লইয়া গিয়াছিল, তাঁহার মানস-প্রতিমা নিত্য সৌন্দর্যে উদ্ভাসিত হইয়া অন্তরের চিরন্তন সামগ্ৰী করিয়া দিয়াছিল, আজ তাঁহার প্রতিভা আত্ম-বিস্মৃত এবং পাশ্চাত্যভিমুখে ধাবিত। আমাদের জাতীয় জীবনের এমনই অভিসম্পাত যে বর্তমানের পাণ্ডানাটুকু চুকাইয়া লইতে গেলেই ভবিষ্যৎকে হারাওয়া বসিতে হয়! আমরা এখন যাহা দিয়া আমাদের প্রতিভার নির্দারণ করিতে বসিয়াছি কালের সাক্ষী হয়ত তাহাকে মিথ্যা প্রতিপন্ন করিয়া দিবে। পরের মুখের দিকে তাকাইয়া সাহিত্য-রচনা হয় না, কারণ ইহা অল্পভূতির কথা, মরমের ব্যথা। সাগরের পরপারে যে স্নদূরের সত্যতা স্বমহিমায় সমুজ্জ্বল, আমাদের কর্তৃপক্ষ তথায় পৌঁছিবার পূর্বেই স্বাভাবিকত্ব হারাওয়া কেলে। কারণ সাহিত্য আমাদের অন্তরতম সত্য, ইহাতে মৌলিকতা থাকিলে, ইহার স্বদেশে প্রতিষ্ঠাই সময়-সাপেক্ষ, বহুকাল চর্চার পরে ইহার বিদেশে প্রতিষ্ঠা সম্ভব হইলেও হইতে পারে। সাহিত্য-সৃষ্টি করিতে হইলে চাই জ্ঞানের স্বচ্ছ দৃষ্টি, অধ্যাত্মচেতনার মেঘমুক্ত জ্যোতিঃ যাহাতে হৃদয়ে সমস্ত সত্য প্রতিভাত হইয়া ত্রিকোণাশ্রিত স্ফটিকের মধ্যে সূর্যরশ্মির মত বিচিত্র বর্ণচ্ছটায় জগতের মন মোহিত করিতে পারে। সত্যাল্পভূতি যত বাড়িতে থাকে, আমাদের সমস্ত সত্য স্পন্দিত করিয়া সাহিত্যেও তত শব্দে ধ্বনিত রণিত হইয়া, হৃদয়ের উচ্চস্বরগ্রামে প্রাণের মূক্ত মূর্ছনায় মিলাইয়া যায়। তাই অল্পভূতি ও ছন্দে ধর্মে ও সঙ্গীতে সাহিত্যের উৎপত্তি। যে ওকারধ্বনি ভারতে একদিন উঠিয়াছিল, তাহা যেন এক বিরাট সত্যাল্পভূতির নির্দীক স্পন্দন,—সাহিত্যের অন্তররূপ!

প্রাণিধান করিয়া দেখিলে বুঝা যায় যে সাহিত্যের চিত্রকলা ও সঙ্গীতের সহিত যেন একটু অন্তরের যোগ আছে এবং ইহা একাধারে এই দুইটির যত কাছে যাইতে পারে ততই উৎকর্ষলাভ করে। সাহিত্যে সত্যকে উপলব্ধি করিয়া শব্দের সাহায্যে তাহাকে রূপে ফলাইবার চেষ্টা করা হয় এবং সে বিষয়ে ইহা চিত্রকলার অল্পরূপ। এই রূপ-মাধুর্য সাহিত্যে যত থাকে তত তাহার চমৎকারিত্ব। আবার অপর পক্ষে সত্যাল্পভূতির গভীরতার দক্ষণ প্রাণের যে আবেগ,—ভাবের এই গতিকে ভাষার স্বকারে পরিণত করাও সাহিত্যের

একটা অংশ এ বিষয়ে ইহা সঙ্গীতেরই অল্পরূপ জ্ঞান, চিত্রকলা ও সঙ্গীত, এই তিনের পবিত্র সঙ্গমই সাহিত্যের পুণ্যতীর্থ। এই তীর্থোদকে স্নাত হইলে সাহিত্যের যে নিখলতা ও পবিত্রতা ফুটিয়া উঠে, তাহা যেন এক অব্যক্ত আদর্শের জ্যোতি স্মৃতিত করে,—কোন দূর স্বর্গের আভাষে হৃদয়ে পুলক সঞ্চার হয়। একদিকে যেমন অমূর্ত সত্যকে শব্দ-বিন্যাসে রূপে ফলাইতে হয়, মনশ্চক্ষে উদ্ভাসিত করিতে হয়, আর একদিকে তেমনই ভাষার ইঙ্গিতে ও স্বাক্ষরে সেইরূপকে লয় করিয়া প্রাণের আবেগে পরিণত করিতে হয়।

এইজগৎ কোনও বিদেশীয় সাহিত্যের শিল্পহিসাবে চর্চা এত কঠিন। বহুকাল হইতে ইংরাজী সাহিত্য আমাদের দেশে অধীত হইতেছে কিন্তু যে পর্যন্ত এ সাহিত্যকে আমরা রূপ দিতে না পারি, অথবা ইহাকে সঙ্গীতে, নাট্যে উপভোগ করা আমাদের পক্ষে যদি অসম্ভব হয়, তাহা হইলে এ সাহিত্যের ভিতরকার সঙ্গতি, অন্তরের স্বরূপ আমাদের নিকট সম্যক স্মৃতি হইবে না, ইহা কেবল শুষ্কজ্ঞান রহিয়া যাইবে, আমাদের চিত্তকে সরস করিবে না। আমরা ইংরাজী কবিতা পড়ি এবং মনে করি বৃষ্টি ব্যাখ্যা ও সমালোচনা দিয়া কবিত্বের মাধুর্য ধরা যায়। মিল্টনের কাব্য আমাদের নিকট বক্তৃত্য, শেলীর সঙ্গীতের বিগলিত ধারা আমাদের নিকট শুধু অধ্যাত্মবিদ্যা। ইংরাজী সাহিত্য পড়িবার সময় ভাবের সঙ্গে সঙ্গীতের ও রূপের যে সূক্ষ্ম ধোগ আছে তাহা আমাদের ধারণার মধ্যেই আইসে না। বিদেশী রচনার উৎকর্ষ বৃদ্ধিতে গিয়া আমরা সমালোচকের গবেষণায় ব্যথিত হইয়া পড়ি, কারণ ভাষার যে অল্পভূতি লইয়া সাহিত্য-সমালোচনা হইয়া থাকে, যে ভাব ও ছন্দোমাধুর্য ইহার মধ্যে ওতপ্রোতভাবে সংলিপ্ত, ইংরাজী ভাষার সেই অল্পভূতি আমাদের অনেকেরই হয় না। এ ঠিক সাহিত্য-চর্চা নহে, সাহিত্যের শরীর-বিজ্ঞানের চর্চা। সেইজগৎ আমাদের ইংরাজী সাহিত্যের সমালোচনা এতই হাঙ্গাম্পদ ও বিশেষত্ব-বর্জিত! ইংরাজী সাহিত্যের যে সমালোচনা বাঙ্গালীর নিকট হইতে বাহির হয় তাহাতে লেখকের ব্যক্তিগত অল্পভূতির কোনও প্রকাশ নাই, কতকগুলি পাশ্চাত্য সমালোচকের মতামত একত্রিত করিয়া আমরা আমাদের কৃতিত্ব জাহির করি। এইরূপ বিদ্যায় কি কেহ মাহুষ হইতে পারে? ভাষা ত আমাদের পোষাক নহে,—যেমন ইচ্ছা ছাটিয়া লইব, যখন ইচ্ছা ছাড়িয়া দিব,—ইহা যে মানব-মনের, সমস্ত অধ্যাত্মজীবনের দেহ,—রূপে অভিব্যক্তি। ইহার

ভিতরে যে প্রাণ, সেই প্রাণ যিনি ধরিতে না পারিয়াছেন, ইহার বাহিরে যে সত্য, সেই সত্যও তাঁহার নিকট পরিস্ফুট হইবে না,—এ কেবল ছায়াকে কায়া বলিয়া উপলব্ধি করিবার নিষ্ফল প্রয়াস!

ভাষার মধ্য দিয়া সৌন্দর্য্য-সৃষ্টি করিবার ক্ষমতা, বর্ণনার চমৎকারিত্ব, এবং শব্দের রণন মধুর মস্ত্র ধ্বনিত করিবার শক্তি বাঙ্গলায় মাইকেলের যত আছে, বোধ হয় আর কাহারও তত নাই। মাইকেল কল্পনাকেই আবাহন করিয়াছিলেন, এবং কল্পনাদেবী তাঁহাকে আপন বরণপুত্র করিয়া লইয়াছিলেন। রবীন্দ্রনাথ তাঁহার অনেক কবিতায় যেন কেবল স্বপন বাতাসে বপন করিয়াছেন, তাঁহার বাসনা-বাঁধনে কিছুই ধরা পড়িতে চাহেনা;—তিনি এতই আবেগভরে প্রাণপণে স্বাক্ষর দেন যে তাঁহার বীণার তার বৃষ্টি ছিঁড়িয়া যায়, তাঁহার আশার তরঙ্গী যেন কুল পায় না—রূপ অরূপের মধ্যে ডুবিয়া যায়। আর মাইকেল যখন একবার অরূপকে রূপের মধ্যে ধরিয়া ফেলেন তখন সেইরূপের দিকটাই বিশিষ্ট করিয়া ফুটাইতে চান, তাহাকে স্মৃতিতর করিয়া কত ভাবেই যে দেখেন বলা যায় না। কিন্তু ভাষার যে ইঙ্গিতে ও স্বাক্ষরে রূপের সৌন্দর্য্যকে কেবল ক্ষণিকের প্রকাশ বলিয়া বোধ হয়,—সমস্তরূপের পশ্চাতে ভাবের যে গভীর ব্যাপ্তি,—তাহা বড় অল্পভব করিতে পারেন না। সৌন্দর্য্যের স্বরূপ যে কি, মাহুষ তাহা বুঝে না, বিশ্লেষণে তাহা দেখান যায় না। কিন্তু যতদিন পর্যন্ত আমাদের আত্মাভূতি থাকিবে, ততদিন আমরা সৌন্দর্য্যের ভিতরে একটা ভাবের আভাস,—সত্যের একটা নিখল ভাতি,—সন্ধান করিয়া ফিরিব,—শুধু বাহ্যপ্রকাশ লইয়া আমাদের আত্মার তৃষ্টি হইতে পারে না। মাইকেল এই বাহ্যপ্রকাশেই মুগ্ধ হইয়া গিয়াছেন,—কোনও নিগূঢ় সত্যের সন্ধানে ধান নাই। বাস্তবিকী কথা হয়ত মিল্টনের নিকট হইতে যাহা পাইয়াছেন,—তাহাকে রূপে ধরিতে তাঁহার এতই উল্লাস, যে সেই মাদকতায়, রূপের সেই মোহে,—তাঁহার অধ্যাত্মচেতনা সম্যক জাগ্রত হয় নাই। মাইকেলের কল্পনাশক্তি, তাঁহার ভাষা কখনও মধুর কখনও গভীর, তাঁহার চিত্রাঙ্কন ক্ষমতা, ছকুল প্লাবিনী বর্ণনা,—এ সমস্ত বিষয়েই মেঘনাদবধ বঙ্গসাহিত্যে অতুলনীয়; এবং তাহার গুরুগভীর নির্ঘোষ বাঙ্গালীর হৃদয়ে চিরকালই ধ্বনিত হইবে। কিন্তু মাইকেলের কার্পণ্য তখনই অল্পভূত হয়, যখনই আমরা জিজ্ঞাসা করি,—এ সব কিসের জগৎ? এই যে রণসজ্জার ছন্দুভিনাদ,—কালমেঘাবৃত অধরে বিজুলীচমকের মত বীরাঙ্গনার এই যে রুদ্রমূর্তি এই যে সীতা-সরমার

করণ কাহিনী,—দিগন্তবিস্তৃত সমুদ্র-সৈকতে মেঘনাদের অস্তিম শব্দ্যার
হৃদয়াবরুদ্ধ শোকোচ্ছ্বাস,—একি কেবল কল্পনার মায়ামরীচিকা? কোনও
গভীর সত্যের মধ্যে যদি সৌন্দর্যের প্রকাশ না হয়, কবি যদি তাঁহার অন্তর্দৃষ্টি
ও সৌন্দর্য-বোধ লইয়া ঋষিপদ-বাচ্য না হইতে পারেন, তবে তাঁহার কবিতার
সার্থকতা কোথায়? সৌন্দর্যেরই এমন একটা মহীয়সী শক্তি আছে যে সে
অজ্ঞাত স্বর্গের রাগে হৃদয় রাঙিয়া তুলে, মনের গুপ্তকোণে অশ্রুত দৈববাণী
ভাষায় গুঞ্জরিয়া উঠে;—কিন্তু যে আভাসে ও ইঙ্গিতে, যে শিশির-স্নাত অমল
শোভায় হৃদয় পুলকিত করে,—তাহা যেন জ্যোৎস্নার আধআলো জাগরণ,
সত্যের পূর্ণ জ্যোতিঃ তাহাতে না পড়িলে তাহার স্বরূপ প্রাণে পরিস্ফুট হয় না।
ভাব ও সৌন্দর্য্য সত্য হইতে বিচ্যুত হইলে স্বপ্নলোকের সত্তাহীন-মূর্তির গায়
বোধ হয়, তাহাকে ধরিয়াও ধরী যায় না—ইন্দ্রিয়ের পুলকে প্রাণে দাগ
পড়ে না।

গোপন কথা

[শ্রীগিরিজাকুমার বসু]

কইব ভাবি কতই কথা, কাছে পেয়ে ব'লতে নারি কিছু,
কৈদে মরি চোখের আড়াল হ'লে,
চাইতে গিয়ে মুখের পানে, হ'য়ে আসে নয়ন ছুটি নীচু,—
কঠিন মোরে ভাবিসনি তা ব'লে;
সুধান যবে হাতটি ধরে, 'মনোমত নইকি তোমার আমি,
যোগ্য তোমার নই কি আমি মোটে?'
সরম ধরে অধর চেপে, হয় না বলা 'আমি তোমার, আমি'!
নীরবে প্রাণ চরণ-তলে লোটে।
জানিস্ তোরা যতই রাগি, যতই করি ভারি গলার স্বর,
সবি আমার লোক-দেখানো—ছল,
নয়তো তাঁরে তোরা যখন ডাকিস্ ব'লে 'ওগো, দিদির বর'
হৃদয় বলে 'আবার ফিরে বল্;

দিসনিক' ভাই আড়ি ক'রে, কপট কোপের করি বলে তান,
তোদের কাছে নেইত কিছু ছাপা,
চতুরতায় যায় কি প্রাণের লুকিয়ে রাখা সবার বড় দান,
স্নেহের কাছে প্রেম কি থাকে চাপা?

সুখের ঘর গড়া

[শ্রীঅতুলচন্দ্র দত্ত]

ত্রয়োদশ অধ্যায়

তিন বন্ধুতে আবার আলাপ আরম্ভ করিল। বিজয় জিজ্ঞাসা করিল
'আপনাদের কি আলোচনা হচ্ছিল?'

প। আইন-ভঙ্গ করছেন! 'আপনাদের' না 'তোমাদের'? আলাপ
হচ্ছিল গায়ের প্রজাদের হৃদশা—জমীদারদের কর্মচারীদের উৎপীড়ন বিনি
খরচায় বিনি ক্রেশে গরীবের দুঃখ ছর করছিলাম আমরা অন্ততঃ আমি
ভবানী সত্যই একটা হাতে কলমে কাজ করেছে—কি জান? ওদের মাছমারী
মহালে এক গুণধর নায়েব—কি নামহে ভবানী? পতিতপাবন, ইয়া ইনি
খুব প্রবল প্রতাপে প্রভুর কাজ করছিলেন—দুচার ঘর প্রজার বাসোচ্ছেদ
গৃহদাহ প্রভৃতি কাজে তাঁর প্রতাপের মাত্রা এতই বেড়ে ওঠে যে ভবানী
বলে কয়ে খুড়োকে দিয়ে তার জবাব করে দিয়েছে নতুন এক নায়েব আসছে—
এসেছে না হে?

ভ। আজকাল মধ্যেই আসবে—

প। ইনি আবার কেমন হবেন তা জানিনি! তুমি তাকে চেন?

ভ। শুনিছি খুব দক্ষ, তবে কিসে দক্ষ কাজে কলমে দেখলে বোঝা যাবে—

যাত্রী মহোদয় ওরফে এই স্তূতন নায়েব বাবু ক্রমশঃই হিমাদ্ধ
হইতেছিলেন। বিবর্ণমুখ থানা ব্যাচারী জানালার ভিতর দিয়া বাহিরে
ধানের ক্ষেত ও নীল আকাশের দিকে ঘুরাইয়া রাখিল। কলিকার আঙন
কলিকায় নিবিয়া গেল।

প। দেখ ভবানী তুমি এবার হতে মাঝে মাঝে incognito হয়ে মহালে
বেড়াতে যেও বাস্তবিক তোমারও তো ভাই কর্তব্য সেটা—

ভ। নিশ্চয়! তবে কি জান—থাক সে কথা—

গাড়ী যাত্রীপুঙ্খবের গন্তব্য ষ্টেশনে আসিল। ব্যাচারী তাড়াতাড়ি বোচকাবুচকি লইয়া নামিতে বাস্তু হইল। বন্ধুরা ধরাধরি করিয়া জিনিষ গুলা নামাইয়া দিল। পঙ্কু বলিল “মহাশয় আবার আসছেন কবে ?

নায়েব বাবু উত্তর না দিয়া ভিঁড়ে মিশিয়া গেলেন। ঘামদিয়া তার অর ছাড়িল কিন্তু জুঁতাখনার ভূত ছাড়িল না। যাত্রা করিবার সময় কাছারী বাড়ীর চালে টীকটীকি ডাকিয়াছিল ও বুড়া গোমস্তা হাঁচিয়াছিল সেটা তার মনে পড়িল।

ভ। (বিজয়কে) আপনি ক’দিন দেশে থাকবেন ?

বি। হয় দুদিন ; না হলে একেবারেই থেকে যাব—

ভ। তার মানে ?

বি। একটা কারণ ঘটেছে, মোট কথা হয়তো চাকরী করবো না—দেশে চাষ বাস করলে কেমন হয় ?

প। অনভ্যাসের ফোটা হলে কপাল চড়্ চড়্ করবে—

বি। চেষ্টা করা মন্দ কি ? অভ্যাস হতে কতক্ষণ ?

প। চাষ করতে হলে ভিতরে বাইরে চাষা হতে হবে। চাষা মানে uncultured boor নয় কৃষক কৃষিজীবী—

বি। বাঙ্গালী মধ্যবিত্তরা তো হাজার বছরের চাষী ; ছপুঙ্খবেই না হয় চাকরে বাবু হয়েছে—চাষী বলতে আমি বলছি gentleman farmer নয় কি ভবানী বাবু ?

ভ। বটেই তো—?

পঙ্কু হঠাৎ অর সহকারে গান হাকিল :—

আদম যখন ঠেলতো লাঙ্গল ইড্ ঘোরাতো চরকা

বংশ গুমর যার যা যত ঐ খানেতেই ফাঁকা

বারা ঐ খানেতেই ফাঁকা—

বি। বাঃ পঙ্কু বাবু আপনার খাসা গলাতো ?

প। গদলী বল-সাধু ভাষা বলবে।

ভ। গদলী কি ?

প। কলা যদি কদলী হয় তবে গলা কেন গদলী হবে না ?

বন্ধুরা এমনি করিয়া হাসি খুসি আমোদ আহ্লাদে সময় কাটাইতে লাগিল। পাড়ী আসিয়া হরিপালে খামিল। বন্ধুরা নামিয়া গেলেন। বুড়ী ও তার

নাংনিটীকে বিজয় সাবধানে নামাইয়া দিল। টীকটি দেবার সময় ভবানী ষ্টেশন মাষ্টারকে ডাকিয়া বুড়ীর ও তার নাংনির উপরি দেনা ভাড়া মিটাইয়া দিতে গেল। ষ্টেশন মাষ্টার ভবানীকে চিনিত। সন্ধ্যের সহিত বলিল “না না ও কেন ? এমন কত যাচ্ছে, আসছে—যেতে দেন।”

ভ। না মাষ্টার মশাই—তা হয় না ; একটা পয়সায় আমি গরীব হয়ে যাব না, আর রেলকোম্পাগী যে বড় লোক হয়ে যাবে তাও হবে না। তবে কথা হচ্ছে যে আইন বাঁচিয়ে চললে—

প। সব দিক রক্ষা হয়—এস এখন।

মাষ্টার মহাশয় অগত্যা একটা রসিদ দিয়া এক্সেস্ ভাড়া লইলেন।

ভবানীর অগ্র পালকী ও লোকজন লইয়া নিবারণ বকসী নামে একজন কর্মচারী ষ্টেশনে হাজির ছিল। ভবানী পালকীতে উঠিল না, পঙ্কুর দিকে তাকাইয়া বলিল “এই তো ক্রোশ দেড়েক—চল তিন জনে হেঁটে যাই কি বল—বিজয় বাবু ?

বি। আমাদের তো অপ্ সন নাই যেতে হবেই—আপনি পারবেন ? (হাসিয়া)

ভ। কেন আমি কি কোমলাঙ্গিনী পর্দানশিনী ? বড় লোকের বাড়ীর ছেলে হওয়া কি হান্দাম ! তারা যে-না লোকের দোষ নেই—চলুন বেশ খোলামাঠ পাকা ধানের গন্ধ আসছে—হ হ বাতাস, বাঃ কি স্বন্দর !

এই বলিয়া তিন বন্ধু মাথায় চাদর জড়াইয়া চলিতে উপক্রম করিবেন, এমন সময় নিবারণ বকসী ছদ্মের কোমলপদ পল্লবের ভবিষ্য অবস্থা কল্পনা করিয়া সন্ধ্য সকাতির কণ্ঠে বলিল :—

“আপনি কেন হেঁটে যাবেন ? পালকী তো আছে বৌ রাণী মা (নয়নতারা) আমায় বকবেন যে ?—”

ভ। না বকবেন না আমি হেঁটেই যাব, তোমরা দয়াময়ীর বাজারে গিয়ে অপেক্ষা কর না পারি তখন পালকীতে চাপবো—

নিবারণ অগত্যা কিছু কিছু পালকী লইয়া চলিল। তিন বন্ধু মাঠে গিয়া পড়িল। ধান জমির আল ভাঙ্গিয়া কিছু কিছু চলিতে লাগিল। ভবানী কথা পাড়িল—

কলকাতার ধোঁয়া-ধুলো ভরা বাতাসে আর গ্রামের এই তরতরে হালকা বাতাসে কত তফাৎ তা নিশ্বাস টেনেই বোঝা যাচ্ছে নয় কি ?

বি। তা আর বলতে ? কিছু দিন থাকলেই বেশ বোঝা যায় যে—

প। পিলে লিভারের সঙ্গে পল্লী বাতাসের কি নিবিড় ঘনিষ্ঠ আত্মীয়তা।
বিজয় ও ভবানী খুব হাসিয়া উঠিল।

ভ। কবি বধন গান তৈরি করলেন—

পল্লী আমার জননী আমার! আমার জন্ম-জন্মের দেশ!

প। একি মা তোমার মলিন বসন পিঁচুটা নয়ন রুম্ম কেশ?

ভ। পঞ্চর মত কুসন্তান আর ছুটা নাই নিজের দেশ নিয়ে ঠাট্টা বিক্রপ।
আচ্ছা, কবি ও কথা লিখে কি অতি স্তুতি করেছেন বলতে চাও?

প। যে কবি লিখেছিলেন তিনি কখনো পাড়া গাঁয়ে পা দেন নি আর
তিনি কলকতার তেতালায় ছাতে বিলাতী ফুলের টবের পাশে বসে চাঁদনি
রাতে ওটা লিখেছিলেন—তিনি মিছে কথা লিখেছেন—দাদা যে থাকে সপ্তমসর
পাড়া গাঁয়ে—

ভ। আমি তো ছিলাম—

প। তোমার কথা ছেড়ে দাও নবনী ভোজন করে ফুলেল তেল মেখে
ছুৎকেন বিছানায় শুয়ে রুইমাছের মস্তকভোজন করে অমনি থাকতে পাল্ল
তো? তা ক'জন পারে? যাঁহু তো বিজয় বাবু দেখবে, এইতো মড়কেশ্বরী
দেবীর busy season ঘরে কেমন উৎসব লেগে গেছে! সে কালের গল্প
শোনা যায় রাজা মাত্রেরই একটা ছদ্মবেশ ধরা রাক্ষসী রাণী থাকতো। সে
দিনে মনমোহিনী রাত এলেই হাতীশালের হাতি ঘোড়া সালের ঘোড়া
খেতো। এই ম্যালেরিয়াটা আমাদের সেই রকমের রাক্ষসী রাণী ছদ্মবেশ
দেশের মাটির ভিতর লুকিয়ে থাকে ছদ্মবেশে এসে চামুণ্ডা বেশে শ্মশান
লীলা লাগিয়ে দেয় তখন দেশময় মরারই কি একটা নেশা চেগে যায়।—

বলিতে বলিতে পঞ্চর উজ্জল চোখ দুটা যেন জলে ভরিয়া উঠিল; কণ্ঠস্বর
তীব্র হইতে পঙ্কীর হইয়া পড়িল। ভবানী ও বিজয় পঞ্চর কথার সত্যতা
বুঝিয়া শিহরিয়া উঠিল। বিজয়ের এমন অভিজ্ঞতা নাই তবে কল্পনায় সে
সে-চিত্র আঁকিতে পারিল।

পঞ্চু চুপ করিলে, আর কেহ কোনো কথা কহিল না। নিজে নিজে
নিজ অন্তরের সেই বর্ণনার সত্য ছবি আঁকিতেই ব্যস্ত। অসাবধানে
চলিতে চলিতে ভবানীর পা আল হইতে পিছলাইয়া মুচড়াইয়া গেল।
পিছনে বিজয় ছিল ধরিয়া না ফেলিলে ভবানী পাশেই সজলধানবনে পড়িয়া
যাইত। পঞ্চু বলিল খুব লেগেছে?

ভ। না

প। বলেইছিতো দাদা অনভ্যেসের ফোটা! (উচ্চস্বরে) ও বক্শী মশাই
পাক্কা আনতে বেলো।

বক্শী ব্যস্ত হইয়া কাহারদের ডাক দিয়া পাক্কা আনিতে হুকুম করিল।
নিরুটে একটা বট গাছ তলায় পঞ্চু ভবানীকে বসাইয়া তার পায়ের সেবা
আরম্ভ করিল। ভবানীর বড় লজ্জা হইল। আধ ক্রোশ না আসিতে আসিতে
এমন রসভঙ্গ হইবে সে ভাবে নাই। বাধ্য হইয়া সে পাক্কাতে চাপিয়া স্নানে
যাইতে বাধ্য হইল! ভবানী পাক্কা হইতে মুখ ঝাড়াইয়া বলিল “একেবারে
পিয়ে নেউগী ঘাটে নামবো, তোমরা সেই খেনে এস—”।

বিজয় ও পঞ্চু সরকারী সড়কে উঠিল। মাটির রাস্তা খুব চওড়া। গরুর
গাড়ীর যাতায়াতে স্থানে স্থানে চাকার চাপে কাটিয়া গভীর গর্ত হইয়া গিয়াছে।
ছধারে ধানের ক্ষেত, যতদূর চোখ যায় ততদূর কাঁচাপাকা ধানেভরা। তারি
বুকে দূরে কাছে ছায়াশীতল বনবেষ্টিত ছোট ছোট গ্রামগুলি সমুদ্রের উপর
ছড়ানো দ্বীপখণ্ডের মত দেখাইতেছিল। হুইবন্ধুতে কথা চলিল।

প। ব্যাচারী বড় অপ্রস্তুতে পড়ে গেছে—

বি। লেগেওছে খুব বোধ হয়?

প। সভ্যমানুষের কিন্তু লাগার চেয়ে অজ্ঞাটাই বেশী কষ্ট কর—

বি। জমীদারদের ছেলের মত তো চাল চলন নয়?

প। এইটেই আমাদের এখন পরম সাধনা ও আশ্বাসের কথা।

বি। কেন?

প। জনের পর রিচার্ড-রাজত্ব যে জগ্রে কামনা করেছিল লোকে—

বি। আপনার সঙ্গে আলাপ হলো, কিন্তু কেউ যদি আপনার পরিচয়
আমার কাছে চায় তা দিতে পারব না—আমি কি অজ্ঞ! সহরে আজন্ম বাস
করে কখনো হয়ে-গিইছি। দেশের এমন সব রত্নদের পরিচয় জানিনি! সত্যি
বড় লজ্জার কথা—

প। (হাসিয়া) খুব জহরী তো আপনি। আমি যে রত্ন তা জেনে
ফেলেছেন? তবে পরিচয় শুধুন;—“আমি শ্রীপঞ্চানন শর্মা, পিতা ঈশ্বর
গোপীকান্ত ভট্টাচার্য, উপস্থিত নিবাস চেতলা গ্রামে মাতুলালয়ে; মাতুল
শ্রীহরকালী তর্কসিদ্ধান্ত, ভিক্টোরিয়া টোলার গ্রায়ের অধ্যাপক। মদীয় জননী
দেবী জীবিত। শর্মা দেশের টোলে প্রায় অষ্ট বৎসর পর্যন্ত অষ্টাধ্যায়ী পাণ্ডিত্য

সঙ্গে কুস্তি কসরৎ করে শেষে হাল ছেড়ে দিয়ে ঠেকশোরে রাজধানীতে গিয়ে সংস্কৃত কলেজে বিজ্ঞানভাষ্য করতে আরম্ভ করেন। এখনও তাই চলছে; সঙ্গে সঙ্গে ইংরাজী বিজ্ঞানও লাভ হচ্ছে। সত্যি ভাই আমার বোঁক না হলে আমাকে জন্মটা কালু ব্যাকরণের লোহার কড়াই চিবিয়ে মরতে হতো! খুব বেঁচে গেছি, ভাই—ভাব দেখি একবার, ৮ বছর ধরে ‘সহর্গেঘঃ স্তম্ভিতুশ্চ চাকে-টপ্’ এই-ই করছি! এদিকে বাঙ্গলায় লিখছি সপরিবার সহ, ~~সুশল~~ সংবাদ প্রাপ্তি হইয়া, গঙ্গাস্তীর।—

বি। আপনার মামা বুঝি ইংরাজী পড়ার খুব পক্ষে?—

প। খুব! বলেন,—‘জ্ঞান আবার দিশি বিলিতি কি? জ্ঞান হাওয়া জলের মত; খাঁটী হলেই হলো; যাতে মাল্লুষের মন বাড়বে, যে জ্ঞানে জীবনে কাজ হবে তাই অর্জন করতে হবে; তিনি ছঃধ করেন—কতকগুলো বাজে অকেজো কথার চালাকি শিখে জীবনটা নষ্ট করলাম! ছেলে পূলে যেন ও ভুল না করে। তাইতো মশাই বেঁচে গেছি।

বি। কিন্তু সংস্কৃত সাহিত্যের দর্শন ও কাব্য সম্পদ খুবই সুভোগ্য।

প। তা কে ভোগ করতে মানা করেছে? শাঁস খেতে হবে বলে ছাল ছোবড়া চিবোনা থেকে আরম্ভ করতে হবে তার কি কথা আছে?

হঠাৎ উভয়ের কথা খামিল। অদূরে একটা গরুর গাড়ীর গাড়োয়ান গাড়ী লইয়া যুদ্ধিলে পড়িয়াছে। গাড়ীর চাকা মাটিতে পুঁতিয়া গিয়াছে। গাড়ীতে ধান্ধা বস্তা ঠাসা বোঝাই। একটা গরু ননকোঅপারেশন ব্রত লইয়া জোয়াল হইতে ঘাড়ুসরাইয়া দাঁড়াইয়াছে।

চাবী গাড়োয়ান বোঝাই বস্তার উচ্চাসন হইতে প্রাণপণে তাহাকে ঠেপাইতেছে। এবং তাহার জীব-কৌলিঙ্ঘের একমাত্র সনাতন চিহ্নরূপ ল্যাজটিতে ঘনঘন নির্ধম মোচড় দিয়া চতুর্পদ ব্যাচারীর উর্ধ্বপুরুষ ও অন্তঃ-পুরিকাদের সহিত নানারূপ নিকট সম্বন্ধ পাতাইয়া তিরস্কার তাড়না করিতেছে; কিন্তু গো বেচারী প্যান্ডিত রেজিষ্ট্রান্সের চরম ধৈর্য দেখাইয়া বাঙ্গালীকে লজ্জা দিতেছে। সে অনড় এবং অচল।

বন্ধুঘয় দূর হইতে অবলাজন্তুর প্রতি এই উৎপীড়ন দৃশ্য দেখিয়া ক্ষুণ্ণ ও জ্রুঙ্ক হইল। পক্ষু তাহার বিপুল মাংসল দেহখানা সঞ্চালিত করিয়া প্রথমে গাড়োয়ানকে বলিল—“তুমি কি রকম লোক হে? ব্যাচারীজন্তু পারছে না, আর তুমি তাকে নির্দয়ভাবে মারছ? নিজে চাকা ঠেল না?”

গাড়োয়ান প্রথমটা ধতমত খাইয়া কথায় কাণ না দিয়া প্রহার চালাইতে লাগিল। পক্ষু তার ছড়িটা কাড়িয়া লইয়া তাহাকে টান দিয়া নামাইল; এবং বিজয়কে যোগ দিতে বলিয়া চাকা ঠেলিতে আরম্ভ করিল। দুইজনের সমবেত চেষ্টায় চাকা উঠিল। চাষা তখন গরুকে জোয়ালে ঠিক করিয়া গাড়ীতে উঠিল, গাড়ী আবার চলিতে আরম্ভ করিল। গাড়োয়ান একটা রুতজ দৃষ্টিদ্বারা সাহায্যকারী বাবুদের খাতির করিয়া বিনা বাক্যে গাড়ী চালাইতে লাগিল।

দেখিতে দেখিতে দুই জনে দয়াময়ীর বাজার পার হইয়া চলিল। বেলা তখন ১১টা হইবে।

অশ্রুত

[শ্রীশুরেশচন্দ্র চক্রবর্তী]

আঁখিবারি,—আঁখিবারি, ওরে আঁখিবারি!—

কেমন লগনে তোরে কি ভাবি বিধাতা রে,

সজিয়া সাজায়ে দিল আঁখে সারি সারি!

দুখে স্বখে মিশাইয়া

করণা মাথায় দিয়া,

নিভুতে বসিয়া তোরে শাস্তি মাঝে ভারি

গড়েছিল এক মনে ওরে আঁখি-বারি!

ওরে আঁখি-বারি ওরে শাস্তির কণিকা,

স্বদিমাঝে চূর্ণকরা দুখ-ধূলিকায়

ঢেলে দিস স্নানীতল পীযুষ রেণুকা,

উদ্দাম সিন্ধুর প্রায়

হিয়া মাঝে, শাস্তি-ছায়

ধৌত করি' রেখে ঘাস দুখ—কুহেলিকা।

ওরে আঁখি-বারি তুই শাস্তির কণিকা!

নয়নে উথলি' যাক্ ছল ছল ছলে
হিয়া হ'তে কাড়ি' নিয়া ছুখের বীজাঙ্গ
গগনে ছড়ায়ে দিস্ পবন হিল্লোলে,
তোহার তরুণ গায়
দুখ যে তরলি' যায়
গলিয়া মিশিয়া তোর তপত পঙ্কলে
সমাহিত হয় যত ছুখের কল্লোলে।

উঠরে ফুটিয়া মোর আঁখি তারকায়
শতে শতে বিন্দু বিন্দু ওরে আঁখি-বারি ;
দুখ যে লাগিয়া আছে আমার হিয়ায়
প্রক্ষালি' সে দুখ রাশি
ফুটায় শান্তির হাসি
রজনী বিগতে ফুটা স্নিগধ উষায়
ওরে আঁখি-বারি স্নেহ-রশ্মির রেখায়।

গন্ধ দুটা বহি মোর ওরে আঁখি-ধারা
মন্দাকিনী-শ্রোত সম আয় বেগে নামি'
প্রলেপি হৃদয়ে যত জ্বালা রুদ্ধ-করা।
স্নিগ্ধ শান্ত সমাহিত
প্রীত শীত রুদ্ধ চিত
তোহার প্রভাবে হবে রুদ্ধ হৃদি-কারা।
ওরে ও কল্যাণ-ময় ওরে অশ্রু-ধারা!

জগতজুড়ে ইঙ্গিত

[শ্রীবারীন্দ্রকুমার ঘোষ]

আজ কাল মানুষ জড়বাদের মায়া কাটিয়ে উঠে যে এক নতুন সত্যময় জগতের সম্মুখীন, সে কথা নানাদিক দিয়ে প্রকট হয়ে উঠছে। যুরোপের জড়বিজ্ঞান এখন শুধু জড় বা শক্তিরই কথা বলে না, আরও অনেক দূর যায়। জগতটা যে এক অনির্বচনীয় তত্ত্বের প্রকাশ, তা' একরকম অভ্রান্ত বিশ্বাসে দাঁড়িয়েছে। বহু বড় বড় বৈজ্ঞানিক ও পণ্ডিতেরা স্বল্প জগতের অনেক ব্যাপার নিয়ে পরীক্ষায় লেগেছেন। মানুষ যে জড়ের গণ্ডিতে এতটুকু দীন হয়ে ক্রমশঃ ক্ষুদ্র ভোগের ক্ষুদ্রতায় নিঃশক্তি হয়ে পড়ছিল, এবার বুঝি সে শ্রোত ফিরলো। অনন্তের ব্যক্ত স্বরূপের প্রতি পরমাত্মটির বৃকো অনন্তই বিরাজিত, পূর্বে যে পূর্ণেই মূর্তিমান তা' একবার বুঝতে পারলে মানুষের দেবজীবন ফিরে আসবে; তার সভ্যতার ভিত বিশাল সত্যের মাঝে প্রতিষ্ঠিত হয়ে নতুন রূপ নতুন শক্তি ও বিচিন্তায় ভরে উঠবে।

য়ুরোপ বাহির থেকে খুঁজে খুঁজে অন্তরের রাজ্যে এগিয়ে চলে; যুরোপের মনের গতি—প্রকৃতির ধারাই এই রকম। তাই স্বল্প ও কারণ জগতের সত্য ধরতে সহজই তাদের অনেক ভুল ভ্রান্তি হয়। কিন্তু সে ভুল অচল হয়ে তাদের জীবন পন্থু করতে পারে না, ভুল কেটে যায়, কারণ তাদের জ্ঞানের সংযম ও সত্য পিপাসা Scientific spirit অসীম। যোগ শক্তিতে (spiritual powers) তারা বহির্দৃষ্টি জাতি বলেই বড় দীন, এ শক্তি আমাদের দেশে অনেক আধারে স্বভাবতঃই আছে, কিন্তু পাশ্চাত্যের সত্য আবিষ্কারের প্রেরণা আমাদের মধ্যে নাই। এই দুইটি একাধারে যার মধ্যে প্রকাশ পাবে সেই মানুষই পরা বিজ্ঞান জগতের সত্যের ছন্দে বাহিরকে বেঁধে দেবে।

ফ্রান্সের (Le Martia) ল মার্ত্যা কাগজে এই সম্বন্ধে যে অপূর্ব ব্যাপার প্রকাশ পেয়েছে তা আমরা ছবছ অল্পবাদ করে দিলাম।

“দিনে চল্লিশবার করে বলো, যে আমি সব রকমে ক্রমশঃ ভাল হয়ে যাচ্ছি, তা' হলেই তুমি সম্পূর্ণরূপে নিরাময় হবে।” এই হচ্ছে নাসি সহরের ফরাসী ডাক্তার মুগিয়ে ফুএর শাস্ত্র। এই বিধান অল্পসারে সহস্র সহস্র ভক্ত তাঁকে অল্পসরণ করে চলেছেন। মুগিয়ে ফুএ একজন অদ্ভুত মানুষ; ফ্রান্স, ইংলণ্ড

এমন কি এমেরিকা থেকে যে সব রোগী তাঁর কাছে আসে তাঁদের তিনি চিকিৎসাই মাত্র করেন না, তিনি করেন তার চেয়েও অনেক বড় একটি ব্যাপার; এক মুহূর্তেই তিনি তাদেরই নিজের নিজের রোগের ডাক্তার বানিয়ে ফেলেন। এই সৌম্য শুভ্রকেশ উজ্জ্বলকান্তি বৃদ্ধ তাঁর চিকিৎসা প্রণালী আমাদের কাছে নিম্নলিখিত ভাবে ব্যক্ত করেছেন, তাঁর আশার অন্ত নাই। “আমি বিশ বৎসর থেকে এই যে auto-suggestion অভ্যাস করছি, এ সত্যটির বল অস্বাভাবিক। আমি যে ব্যাধি বা পীড়ার চিকিৎসক সে ধারণা তোমরা মনে আনো করো না, পীড়ার চিকিৎসক বলে কোন জিনিষই জগতে নেই। লোককে আমি auto-suggestion দিয়ে নিজেই নিজের সব রকম ব্যাধীর চিকিৎসা করতে শেখাই। কিন্তু অল্পগ্রহ করে সব কথার গোড়ায় আমাকে একটি বিশেষ সত্যের ওপর তোমাদের দৃষ্টি আকর্ষণ করতে দাও। লোকে কিন্তু এ সত্য এখনও তেমন স্বীকার করতে চায় না। লোকে যাই-ই বলুক না কেন, ইচ্ছাশক্তি (will power) আমাদের চালায় না, চালায় কল্পনা শক্তি (imagination)। আমাদের মধ্যে দু’টি সত্তা আছে, একটি সচেতন (conscient)—যেটি হচ্ছে আমাদের ইচ্ছাশক্তির নিয়ামক; আর একটি হচ্ছে অচেতন (inconscient) যেটি আমাদের কল্পনাশক্তিকে চালায়। এখন এই দুইটির মধ্যে যদি দ্বন্দ্ব হয় তবে কল্পনা শক্তি চিরদিন জয়ী হয়। মাটির উপর যদি একখানা দশ মিটার (metre) লম্বা ও ২৫ মিলিমিটার চৌড়া তক্তা পাতা যায়, তা’ হলে তার উপর দিয়ে সহজেই তোমরা স্বচ্ছন্দে হেঁটে যেতে পার। এখন মনে কর যে তক্তাখানা একটা বিরাট গহ্বরের উপর পাতা আছে; তা’ হলে তোমরা আর একপাও অগ্রসর হ’তে পারবে না। এর অর্থ তোমাদের ইচ্ছাশক্তির বিরুদ্ধে দাঁড়াচ্ছে তোমাদের কল্পনাশক্তি। তুমি চাও কিন্তু পার না। লোকে ইচ্ছাশক্তির চর্চার কথাই প্রায় বলে থাকে কিন্তু আমার মনে হয় কল্পনা শক্তিকে কি রকমে কি ভাবে চালাতে হয় তাই জানা বেশী দরকার। মনে রেখো আমাদের ভিতরের অচেতন সত্তাটিই আমাদের সকল ইঞ্জিয়কে চালায়। সুতরাং যদি ঠিক ঠিক কল্পনা করা যায়, যে, আমাদের প্লীহাটি অথবা পাকস্থলীটি তাদের কাজ ভাল রকম করছে তবে সেই কল্পনার জোরে নিশ্চয়ই তাদের কাজ তারা ভাল রকম করবে। এটা দ্রব সত্য।”

auto-suggestion এর শক্তি দেখাবার জন্তে মুশিয়ে ফুএ তাঁর রোগীদের কাছে এই সহজ পরীক্ষাটি করেন। তিনি তাদের জোর করে মুঠো বন্ধ করে

হাত লম্বা করে দিতে বলেন; তারপর বলেন, “ভাব, মুঠো আমি খুলতে চাই কিন্তু পারি নে।” রোগী শ্রদ্ধা সহকারে এই কথা ভাবে আর সত্য সত্যই আঙ্গুল খুলতে পারে না। মুশিয়ে ফুয়ে তখন আবার বলেন “ভাব, এখন পারি।” রোগী তৎক্ষণাৎ সহজেই মুঠো খুলে। তাঁর উপদেশ এই যে “auto-suggestion অভ্যাস খুব সহজ জিনিষ, রোজ সকালে ও বিকেলে বিছানায় শুয়ে চোখ বন্ধ করবে আর মনকে একাগ্র করবে। পর পর কুড়িবার মনে মনে বলবে, আর সঙ্গে সঙ্গে একটা দড়িতে কুড়িটা গেরো গুণে যাবে (mechanically), যে, “রোজ রোজ আমি সব রকমে ক্রমে ভাল হয়ে উঠছি।”

মুশিয়ে ফুয়ে অবশ্য স্বীকার করেন যে তিনি সব রকম রোগ সারাতে পারেন না। কিন্তু তাঁর রোগীরা যে সব রোগ নিজেরাই সারিয়েছে তা’ খুব অদ্ভুত রকম ব্যাপার। কয়েকজন হুরারোগ্য ছুই ব্রণ (cancer) আরোগ্য করেছে, হু’জন যুবতী মেয়ের ঝাড়া মাথায় নতুন করে চুল গজিয়েছে। এক জন মহিলা এই auto-suggestion দিয়েই তাঁর দাঁত তুলে ফেলেছেন, অথচ কোনই কষ্ট পান নি আর কয়েক second এর মধ্যেই রক্তশ্রাবও বন্ধ করতে পেরেছিলেন। অনিদ্ৰা রোগে এ ওষুধের মার নেই। সময়ে সময়ে আমার এখানে বাস্তবিক ভেক্সির কাণ্ডই (miracle) ঘটে। একজন বৃদ্ধা চাষীর মেয়ে কত বৎসর ধরে হাঁটতে অপারগ ছিল। তাকে নাকি সহরে গাড়ীতে করে নিয়ে আসা হয়। ফিরে কিন্তু সে হেঁটে নিজ গ্রামে চলে গেছে।” মুশিয়ে ফুয়ে এই ভেক্সির ব্যাখ্যা এই ভাবে দেন, “মেয়েটির সত্যি সত্যিই পক্ষাঘাত হয়েছিল, পরে তার অজ্ঞাতেই রোগটা সেরে যায়। কিন্তু অভ্যাসের ফলে সে মনে করতো, যে, তার পক্ষাঘাত তখনও আছে। সেই জন্তেই auto-suggestion এমন সহজে ও অবিলম্বে কার্যকরী হতে পেরেছিল।” auto-suggestion এর উপর মুশিয়ে ফুয়ের অসীম বিশ্বাস। তিনি ভবিষ্যৎ বাণী করছেন যে এর দ্বারা যত্নকে জয় না করতে পারলেও বার্কক্যাকে অবশ্যই জয় করা যাবে। নিজের ইচ্ছামত পুত্র বা কন্যা লাভ করা যাবে এবং শুধু তাই নয়, যা যেমন চাইবে সন্তানও ঠিক তেমনই মানসিক ও শারীরিক গুণ নিয়ে জন্মাবে। কিন্তু যদি “দেখি পারি কিনা” এ কথা বললে চলবে না, বলতে হবে, “সন্তান নিশ্চয় এই রকমই হবে।”

তাঁর হাজার হাজার শিষ্যরা মুশিয়ে ফুয়েকে সাক্ষাৎ ভগবান বলে বিশ্বাস করে; কিন্তু তিনি সরল ভাবেই বলেন যে তিনি সামান্য নগণ্য মানুষ।

মুশিয়ে ফুয়ে যে তত্ত্বকে কল্পনাশক্তি নাম দিয়েছেন তা' প্রকৃতপক্ষে Faith বা বিশ্বাস ছাড়া আর কিছুই নয়। ফুয়ের শক্তি আছে কিন্তু জ্ঞান খুব বিরাট নয়, তাই তিনি ব্যাপারটি তলিয়ে বুঝতে গিয়ে বড় গোল বাধিয়েছেন। ভোগ পাগল বহির্শূন্য মানুষের এই স্বভাব; বুদ্ধি ও মনের গুণীর মাঝে সে সব তত্ত্বের রহস্য খুঁজে মরে। বিশ্বাসে অসম্ভব সম্ভব করে, কারণ মানুষের হৃদয়ের শক্তি এই বিশ্বাস তার সংস্কারের গুণী ভেঙে দিয়ে কিছুক্ষণের জ্ঞান অনন্তের মাঝে তার সত্তার ছয়ার খুলে দেয়। "আমি এতটুকু" "এই আমার সীমাবদ্ধ শরীর" "এই এই আমার সামর্থ্য, তার বেশী নেই" এই রকম সব জড়বুদ্ধি আমাদের সত্তার সুকণ ধামের সংযোগ ছিন্ন করবে রাখে। মানুষ একবার সংস্কার মুক্ত হতে পারলেই শক্তি জ্ঞান আনন্দ শান্তি সবই তার অন্তরে বাহিরে ওতপ্রোত ভাবে বহিতে পায়; বিশ্বের জ্ঞান ও শক্তি অন্তরে স্বতঃই আসে। যোগ মানে মানুষের মন বুদ্ধির সংস্কার ভাঙা ও অনন্তের মাঝে মানুষকে মুক্ত ও বিগত করা। এ ক্ষেত্রে বিশ্বাস খণ্ডভাবে তাই করে, কিন্তু শক্তিমান ফুয়ের সঞ্চিত বিশ্বাসের তরঙ্গ দুর্বল রোগীর চিত্তে সঞ্চারিত হয়েই তারা এত সহজে বল পায়; ফুয়ের মত শক্তিমানের কাছে না গেলে আপন ঘরে বসে রোগীকে বহু আয়াসে বহু সাধনায় শক্তি সঞ্চয় করে তারপর সাফল্য পেতে হবে।

ফুয়ের পাশ্চাত্য মন-কিন্তু এ কথা মানতে চায় না, যে, এক মানুষ থেকে অপর মানুষে শক্তি বা তত্ত্ব সঞ্চারিত হতে পারে। তাই পক্ষাঘাত গ্রন্থা রোগিনীর বিষয়ে তাঁর অমন অদ্ভুত ব্যাখ্যা। বিশ্বাসের বল অনেক, কিন্তু তার সঙ্গে জ্ঞান না খুললে সে বিশ্বাস বৃহৎ জীবনে কার্যকরী হয় না, পঙ্গু হয়ে থাকে এবং অশুদ্ধ আধারে মনের বাসনাময় মানুষে সহজেই জগতের অহিতকর হতে পারে।

পশ্চাত্য মনের সত্য অনুসন্ধিৎসার ফলে জড় ও সূক্ষ্ম জগতের অনেক সত্যের প্রকাশ ক্রমে হচ্ছে; কিন্তু যোগশক্তির অভাবে পরা জ্ঞান না থাকায় অনেক ক্ষেত্রে তার গতি বড় এলোমেলো ও হাশ্বকর। দি ফোরামের (The Forum) ১৯২১ সালের মার্চের সংখ্যায় রিচার্ড এল্ গার্নার (Richard L. Garner) কল্পনায় ভাবী মানুষের যা ছবি এঁকেছেন তা' এমনি সত্যমিথ্যার এক অপূর্ণ খিচুড়ি। তিনি বলেন, "আহার কমে গিয়ে মানুষের গলনালী ক্ষীণ হয়ে যাবে। প্যালিওলিথিক যুগে মানুষ এখনকার চেয়ে চের সহজে নিজের খাণ্ড পাক করতেন। এখন আহার যেমন জটিল ও ভোগ্যবহুল ব্যাপার রোগ ও ত্রিমনি

বেড়েছে। ঝোলা নামক বাদামে দেহ পোষণের সার ঘনীভূত ভাবে আছে, এই সব দেখে মানুষ বৈজ্ঞানিক উপায়ে একটি গুলি বা বড়িতে সার একত্র করে আজ কালু কৃত্রিম খাণ্ড তৈয়ারী করছে। এখনই desiccated soups ও নানা রকম মাংস ও দুগ্ধ-সার পাওয়া যায়, এক রকম আগেই হজম করা predigested সহজপাচ্য খাবারও বাজারে দেখা দিয়েছে; এখন তা' রোগীতে খায়, পরে স্বস্থ মানুষেরই তাই আহার হবে। ভবিষ্যতের মানব জাতির মধ্যে উৎসবে নিমন্ত্রণে তুরিভোজনের ঘটা থাকবে না, যে ঘরে নিমন্ত্রিতরা বসবে সেই ঘরে ফুলের তোড়া থেকে স্বধার সার (ambrosial proteides) স্বেগন্ধে বাতাস ভরে রাখবে। মানুষের স্নায়ু স্পর্শ করে এই স্বধাসার আনন্দে সর্বলকে মত্ত করবে সঙ্গে সঙ্গে পুষ্টি সাধনও করবে; নূতন দৈহিকশক্তি সম্পন্ন শক্তিমান মানুষ সেই সার দেহে আকর্ষণ করে নেবে।

কথা বলতে গিয়ে শ্রোতার কানের কাছে শব্দে ঝড় না তুলে সে যুগে মানুষ telepathy বা ভাব সঞ্চার শক্তিতে বহুদূরের মানুষের সঙ্গেও সচ্ছন্দে কথা বলবে। শরীরের বহু রোগ জয় হয়ে যাবে, আহার সহজ হওয়ায় প্রাণ শক্তির অপচয় স্বতঃই নিবারণ হবে। দূরস্পর্শ ও দূরশ্রুতির মত অনেক শক্তিই মানুষ অর্জন করে দেহে ও মনে সুন্দর ও শক্তিমান হয়ে উঠবে। আকাশবাণী ও দিব্যগীত তার নূতন কর্ণে সদাই বাজবে, বহু নূতন বর্ণ ইন্দ্রধনুর শোভায় জেগে চোখের তৃপ্তি সাধন করবে। নিমন্ত্রিত মানবমণ্ডলী পুষ্পাবৃত চক্ষে স্বধাসার গ্রহণ করিতে করিতে এইরূপ দিব্যগীত ও দিব্য জ্যোতির বর্ণ ধ্বনতে আনন্দ পাবে।"

গার্নারের এই স্বপ্ন-জগত অধিকাংশই কল্পনার আতিশয্য ও খেয়ালের গাঁজা-খুরি ব্যাপার। মানুষে অনন্ত শক্তি লীন আছে তা সত্য, হয় সবই; কিন্তু সত্য দেহ কিম্বা জীবনকে পঙ্গু করে না, আরও পূর্ণ করে। শুধু রোগ কেন মৃত্যু অবধি মানুষ জয় করতে পারে। অরবিন্দ—বলেন, "রোগ যখন বাহির থেকে আসে তখন প্রথমে তাকে সূক্ষ্ম ও প্রাণ শরীরেই ধরা যায় ও সে অবস্থায় তা সহজেই নিবারণ হতে পারে। মানুষ স্থূল দেহের জ্ঞান ছাড়া আর সমস্তই হারিয়ে রোগের আক্রমণের কাছে অসহায় হয়ে আছে।" যে বৈজ্ঞানিক এডিশন বিতারা খবর, টেলিফোন, ইত্যাদির আবিষ্কারী তাঁরা তিন পুরুষে মিতাহারী ও দীর্ঘজীবী ছিলেন। মিতাহারের ফলে তাহার ঠাকুরদাদা ১২০ বৎসর অবধি সবল স্বস্থ কণ্ঠ দেহে বেঁচে থেকে জীবনের সব সাধ পূর্ণ হওয়ায় দেহ ধারণে বিরক্তির জন্ম সহজে স্বেচ্ছায় দেহত্যাগ করেন।

জগত ভরে এইভাবে মানুষের অভিব্যক্তি তার অজ্ঞাতেই মানুষকে যে অভিমারের পথে বের করে তার চরণ ছুঁটিকে যে কুঞ্জ অভিমুখে নিয়ে যাচ্ছে তা' আত্ম-রতির অভিসার, সে কুঞ্জও তার গহন আনন্দময় আত্মলোকের কুঞ্জ। মানুষ এবার আপনাকে নিঃশেষ করে পাবে, নিজের স্বরূপের সূহৃৎ বিকৃতির মাঝে অটল আসন নেবে, স্বতঃস্ফূর্ত জ্ঞানে তা' উজ্জ্বল, স্বভাবের আনন্দে তা' বিপুল বিশ্বময়, শক্তির শান্ত পূর্ণতায় তা' অবলীলায় সৃষ্টিমুখর।

এ যুগান্তরের আভাস জগতভরেই এসেছে। সকল দেশেই এই বাণী বহন করে আত্ম-জ্ঞানী সাধক চক্র গড়ে ভাগবত আসন রচনায় রত। জার্মানিতে ডার্মস্ট্যাট-অন-মেনের কাছে ড্রাম্‌ষ্টাডে (Darmstadt near Frankfurt-on-Main) কাউন্ট কৈসারলিং (Count Keyserling) তাঁর জ্ঞান-পীঠ বা School of wisdom খুলে বসেছেন। তাঁর প্রভাব জার্মানিতে এখন প্রবল হয়ে উঠে নব-জার্মানী নিৰ্মাণের কাজে বহু তরুণ স্ত্রী পুরুষকে সজ্জবদ্ধ করেছে। ঐহিক ভোগী কৈসারলিং এখন কবি ও দার্শনিক, তাঁর প্লেটো কনফিউসিয়াস বুদ্ধ ও ক্যান্টের ভাব থেকে আহরিত নতুন সত্য তরুণ জার্মানীর নিকট জীবনের নতুন ভিত্তি, নতুন ছন্দ এনে দিতে চায়। গত যুদ্ধে বহু রাজ্য ও সম্পদ হারিয়ে আজ সে দেশের তরুণেরা জড়বাদ ও পশুশক্তির ওপর আস্থা হারিয়েছে এবং আত্মার অন্তলোকে আত্মপ্রতিষ্ঠ জীবনের সন্ধানে বেরিয়েছে।

চীন দেশেও জেন (Zen) সম্প্রদায়ের এক শক্তিমান যোগী কঠোর তপস্বী করে আজ এই অধ্যাত্ম সভ্যতার নতুন ভিত দেবার জয় প্রচার ও সাধনা আরম্ভ করেছেন; তারও চারিদিকে চীনের চিন্তাশীল যুবক ও নারীরা একত্র হচ্ছে। চীনের ভবিষ্যত যে এই দলের হাতে তা' ক্রমশঃই জগতে প্রকাশ হবে; এখন নীরব নিৰ্মাণের যোগমগ্ন অবস্থা চলেছে।

ভগবানের নবজগত নিৰ্মাণের ভাগবত মানুষ গড়ার বহু ইঙ্গিত বহুদিক থেকেই নিত্যই আসছে; চারিদিকে এতকালের অসাধ্য যা' তাই অলৌকিক ব্যাপারে সিদ্ধ হয়ে শক্তির ব্যাপক রাজ্য মানবনেত্রের কাছে খুলে যাচ্ছে। সুকারি (Tsukeari) জাপানী যোগী, তাঁরও মুশিয়ে ফুয়ের মত অলৌকিক বিশ্বাসের বল আছে। তাঁর ব্যবস্থা মতে চলে ২৫১৩ জন মেয়ের মধ্যে ১২০৮ জন ইচ্ছাশক্তির বলে পুত্র সন্তানের মা হয়েছে। সুকারী বলেন, অন্তঃসম্বা হবার দেড় মাস পর থেকে নিত্য গর্ভিণীকে মনে মনে খুব বিশ্বাসের জোরে ভাবতে হবে, যে, "আমি পুত্র সন্তান কোলে পাব।" তা' হ'লেই মায়ে

মনস্কামনা পূর্ণ হবে। এ সকলই মানুষের অমানুষ শক্তির ইঙ্গিত। মানুষ মন বুদ্ধির চেয়েও ঢের বড় বড় শক্তিতে শক্তিমান, সে খণ্ড নয়, ক্ষুদ্র নয়।

মানব জাতি বহুবার বহুদেশে পশুর প্রাণপ্রবণ জীবন ছাড়িয়ে হৃদয়ের ও মনের অহুশীলনে জ্ঞানের সভ্যতা গড়েছে। বিবেক বিচার ও জ্ঞানেতে উঠেই মানুষ প্রকৃত মানুষ এই উঁচু ভূমি থেকেই প্রাণ ও দেহের পশুপ্রবৃত্তি ও অন্ধ-জীবন অতিক্রম ও আয়ত্ত্ব করা যায়। দেহ থেকে বুদ্ধি ও জ্ঞান অবধি ওঠা নামাই মাত্র এত দিনের মানব ইতিহাস। আজই যে আমরা এই জ্ঞান গর্ভের জীবন ভিত গড়েছি তা' নয়, অনেকবারই গড়ে গড়ে হারিয়েছি। তার নিদর্শন ভূগর্ভ থেকে কত জায়গায়ই না আমাদের চোখের সামনে ব্যক্ত হয়ে পড়ছে।

Martres-de-Vayre জেলার Clermont Ferrand থেকে ২৫ মাইল দূরে আঠার শতাব্দির আগেকার রোমান গল জাতির কবর বেরিয়েছে। তা' যখন প্রথম খোলা হয় তখন তার মধ্যে সুন্দরী যুবতীর রূপললাম দেহ বসন ভূষণ পাড়কায় সাজান ও নিখুঁৎ অবস্থায় পাওয়া যায়। এতকালেরও কোমল মাংসের লালিমাও তার নষ্ট হয় নি। বাহিরের বাতাস ও স্বর্ঘ্যতাপের সংস্পর্শে কিন্তু কয়েক মিনিট পরেই সে অল্পম দেহ ধূলা হয়ে কঙ্কালাবশেষ রেখে রাখে যায়। কাছে কোথায় কার্বনিক এসিডের উৎস থাকায় এ সকল শরীর এমন নিখুঁৎ ভাবে কাল প্রভাব কাটিয়েও টিকে ছিল। সেই যুগের গলদের তৈয়ারী ছুতার কারুকার্য নাকি অতি অল্পম, সমাধীতে যে সব ফুলদান, চুবড়ি, বাসন-পত্র পাওয়া গেছে তা'তে বেশ বোঝা যায় যে, মানুষ কত যুগেই না আমাদেরই মত উন্নত ছিল। তাই বলি মানবের জ্ঞানগর্ভিত এ মানস-সভ্যতা বহু পুরাতন। মনের উপরে মানুষের আর এক বৃহত্তর সম্বা আছে, যুগে যুগে সাধকেরা যোগবলে সেই ভূমিতে উঠে জীবনকে রূপান্তর করবার প্রয়াস করেছেন। যুগে যুগে সেই ভাগবত ভূমি হতে জ্ঞান আনন্দ ও শক্তির জ্যোতি নামিয়ে এনে সাধকেরা বহু ভঙ্গিম মানব সম্বার এক এক ধাম আলোয় আলো করে গেছেন; এ সকলই ছিল নব-মানব গড়বার প্রেরণা, মানুষকে তার পূর্ণ বৈচিত্রে সকল সম্বায় রূপান্তর করে ভাগবত জীবনে সার্থক করবারই ক্রম ইতিহাস। এ যুগে সকল অতীত যুগের সেই অভিব্যক্তি ও রূপান্তরকে একই আধারে সামঞ্জস্য দিয়ে ভগবান মানুষকে দেবতা করেই গড়বেন। জগতকে সে বাণী শুনতে হবে, আজ হোক কাল হোক সত্যের যুগ প্রেরণা সফল না হয়ে ফিরবে না।

বাঁধনহারা

[শ্রীশুবোধচন্দ্র রায়]

আজকে আমার হৃদয়-বীণে
 মীড়টেনেছে তারে তারে,
 হৃদয়-বীণার সুরে সুরে
 মন নেচেছে বারে বারে।
 বাঁধনটুটে প্রাণ জেগেছে
 ভুল ভেঙেছে ভয় ভেঙেছে
 মুক্তি এসে ডাক দিয়েছে
 আমার প্রাণের দ্বারে দ্বারে।
 এতদিনের ঘুমের আবেশ
 কাঁটল আজি নয়ন হ'তে,
 মুক্তি পেলাম ব্যর্থ কাজের
 অলসরাজের এ দাস খতে।
 হঠাৎ আজি নয়ন খুলে
 উঠল পরাণ হর্ষে ছলে
 বাহির হ'লাম সকল ভুলে
 যাত্রী নবীন জীবন পথে।
 দুর্বলতা কাঁদে কোথায়
 অত্যাচারের পাষাণ বুকে,
 দুঃখীদীনের রক্ত ধারা
 শোষণ করে করাল মুখে।
 ভা'য়ে ভা'য়ে করছে হেলা
 খেলছে সদাই মরণ খেলা
 হিংসাদেবের পক্ষ-মেলা
 স্বার্থ-শকুন হাসছে সুরে।

পিষ্ট হুখে ক্রিষ্ট যা'রা
 তা'দের বোঝা বইব শিরে,
 তা'দের পায় লুটিয়ে দেব
 অর্ধ্য দিব হৃদয়টীরে ;
 স্নান করায় নয়ন জলে
 বিজয়মালা দিব গলে
 পরাজয়ের মর্শতলে
 জয়শ্রীটি আসবে ফিরে,
 সমাজের এই বন্দীশালের
 সকল শিকল খুলতে হ'বে
 মরণের ভয় ভুলেই আজ
 জীবন দোলায় ছলতে হ'বে,
 পিছের কথা মিছে গাওয়া
 সামনে কেবল এগিয়ে যাওয়া
 কাঁদন-ভরা ভিক্ষা চাওয়া
 সকলি আজ ভুলতে হ'বে।
 প্রাণের ধারা বাঁধন-হারা
 ছুটবে জগৎপ্রাবন করে'
 আলোর গানে প্রেমের তানে
 সকল আঁধার দিবে ভরে'।
 মায়ের মুখে ফুটবে হাসি
 প্রাণে প্রাণে বাজবে বাঁশী
 জীবন-মরণ পাশাপাশি
 চলবে হাতে হাতে ধরে'।

খেয়ানী

[শ্রীপূর্ণচন্দ্র ভট্টাচার্য্য]

(১)

হরি খেয়া দিত

ছোট নদী, অগাধ জল তাহাতে প্রথর শ্রোত। নদীর অনতি দূরে পল্লীতে
হরি থাকিত। সে সেই সকালে বৈঠা আর লগী লইয়া নৌকায় যাইত,
দুপুরে ঘরে আসিয়া রান্নাবান্না করিয়া আহার করিত, আবার নৌকায় গিয়া
বসিত। এই তার কাজ। হরি একলা মানুষ,—কোন দায় চিন্তা তার ছিল
না। দিনমানে নৌকায় বসিয়া মানুষজন পার করাই তাহার কৰ্ম ছিল।
খেয়া দিয়া যাহা পাইত, তাহাতেই হরির দিন গুজরাণ হইত। পয়সা
জমাইবার চিন্তা তাহার ছিল না। পয়সা জমাইবার কথা উঠিলেই হরি গান
ধরিত—

যখন ছিলাম মা'র উদরে

অন্ধকার ঘোর কারাগারে—(হায় রে)

তখন, আহার দিয়ে বাতাস দিয়ে

কে আমায় বাঁচালে—

সুতরাং কেহ হরিকে আর সে প্রশ্ন করিত না। কেহ জিজ্ঞাসা করিত,—
“দু'মাস ছ'মাস বেয়ারাম হয়ে যদি পড়ে থাক”—হরি গায়িত,—

“এই হরিনাম নিদান গুণধি

এতে, হরে কালভয় হবি পার, ভবজলধি।”

হরি খেয়া দিত, কেহ তাহাকে কড়ি দিত, কেহ পয়সা, আধলা দিত;
কেহ ধান চাউলের বাষিক চুক্তি করিত। কেহ কেহ কড়ির কড়ার করিয়া
পার হইত, পরে কড়ি দিত না, আবার আসিত, আবার পার হইত এবং
কড়ি দিতে ভুলিয়া যাইত। এই দলের মধ্যে ভদ্রলোকেরই আধিক্য। দেশের
ভদ্রলোকেরা যাহা পরিপাক করিতে পারেন, সাধারণে তাহা পারে না।

হরি অক্ষমের নিকট পয়সা লইত না। ব্রাহ্মণ, বৈষ্ণব বা ভিক্ষকের নিকট
কখনো কড়ি চাহিত না। ইহারা পয়সা সাধিলে সসন্ত্রমে জিভ কাটিত।

হরির বয়স চল্লিশের কিছু উপরে। তাহার বলিষ্ঠ স্তন্যর চেহারা, ভাবে
চলচল সরল মুখখানি, স্বচ্ছদেশ পর্য্যন্ত আবৃত স্ববিগ্নস্ত কৌকড়ান কেশদাম

দেখিলে হরিকে ভালবাসিতে ইচ্ছা হইত। তাহার সরল স্মৃষ্টি কথায় সবাই
মুগ্ধ হইত। হরির স্মৃষ্টি গলা ছিল,—অনেক সময়ই গান করিত, যে শুনিত,
সেই আরো শুনিবার জন্য দাঁড়াইত। হরি তাহা লক্ষ্য করিত না, হয় ত
একটা বেশ জমট গান—মধ্যখানেই শেষ করিয়া সে হো হো করিয়া হাসিয়া
উঠিত। হাসিটা তার সম্পূর্ণ নিজস্ব ছিল।

হরি কাহাকেও উঁচু কথা কহিত না। পান বা তামাকের নেশা তাহার
ছিল না। হরির কোন শত্রু ছিল একথা কেহ বলে না। সে স্বপ্ন ভ্রমেরও
ধার বড় ধারিত না। বাজে কথায়, বাজে দরবারে, তাহাকে কদাচিত পাওয়া
যাইত। সমাজের বিচার, পঞ্চায়েতী কারবার, নিষ্কর্মার তর্ক, গায়ের সুই
সালিশীর ছায়ায়ও হরি পা দিত না। সে নৌকায় বসিয়া গান গায়িত,—

বাহাত্তর বছরের পাড়ি,

বেলা আছে দণ্ড চারি,

কেমনে হইবে পার (মন আমার)

কখনো বা বৈঠায় মাথা রাখিয়া অলস বিহ্বলে গায়িত,—

দিন যাবে দিন রবে না,

দীনের দিন যাইবে হরি,

রবে কেবল ঘোষণা।

কোনদিন বা হরি ভরসার সুরে গায়িত—

এ ভব সাগর, হবে বালুচর

হাটিয়া হইব পার (নামের গুণে)।

(২)

মধ্যে মধ্যে কৃষ্ণদাস বাবাজী হরির নৌকায় পার হইয়া যাইতেন।
বাবাজীর উপর হরির অগাধ শ্রদ্ধা। তিনি নৌকায় আসিলে হরি নিজের
আঁচল দিয়া খানিকটা জায়গা বাড়িয়া তাঁহাকে বসাইত। তারপর সাষ্টাঙ্গে
প্রণাম করিয়া কহিত,—“প্রভু একটু দয়া কর্তে হচ্ছে।” বাবাজী খঞ্জনীতে
ঘা দিয়া স্তল্লিত কণ্ঠে কৃষ্ণনাম বিতরণ করিতেন,—হরি হাঁ করিয়া শুনিত।
তাহার চক্ষু দিয়া দরদর ধারে জল পড়িত। কোনদিন বাবাজী গায়িতেন,—

“তারা, কোন অপরাধে এ দীর্ঘ মেয়াদে

সংসার গারদে ধাকি বল।

দিয়া, মায়া বেড়ী পদে, ফেলেছ বিপদে

... ..
দারা স্তূত পায়ের শৃঙ্খল।”

জীবন চক্রবর্তী নৌকায় ছিলেন। “তিনি হাসিয়া কহিলেন, কি বাবাজী
“হরি ছেড়ে যে তারা বুলি—”

সহাস্রে বাবাজী কহিলেন—সবই এক রে বাবা—সবই এক। মহাপুরুষ
রামপ্রসাদ ব্রহ্মচারী বলে গেছেন—

“কালী কৃষ্ণ শিব রাম সবাই আমার এলোকেশী

মন করো না ছেবাছোবা

যদি হবি রে বৈকুণ্ঠবাসী।”

ভেদজ্ঞান ছেড়ে দাও বাবা।

বাবাজী গান ধরিলেন—

দূরে যাবে সব ভেদাভেদ

ঘুচে যাবে মনের খেদ

শত শত শত বেদ, তা’রা আমার নিরাকারা।”

চক্রবর্তী কি ভাবিতে ভাবিতে চলিয়া গেলেন।

(৩)

বাদগীদের অনেকই ছিল গরীব। তারা হাট বাজারে দোকান লইয়া
যাইত। পাড়ার বৌঝিদের মধ্যে যাদের বয়স একটু বেশী তারা বেসান্তি
লইয়া গাঁয়ে যাইত। এ রীতি এখনো এ দেশে আছে। তখন একটু বেশী
ছিল। বেশী রকম ঠেকার পড়িলে সোমন্ত মেয়েরাও গাঁ করিত। তখন
দেশে আইনের কড়াকড় না থাকিলেও মানুষের দেহে প্রচুর শক্তি ছিল,
দৃষ্টি সরল ছিল, ধর্মের দিকে একটবার চাহিয়া সকলেই কাজ করিত। তখন
পাপের শাসন ছিল বেজায় কড়া আর ধর্ম ছিলেন সহস্র চক্ষু। মানুষ ছোট
বড় সবাই ধর্ম আর পাপ দুটার ভয়ে তটস্থ থাকিত। রাস্তা ঘাটে মেয়েদের
মর্যাদা সর্বত্রই রক্ষিত হইত।

তখন মেয়েরা আবশ্যক মত গাঁয়ের হাটেও বেসান্তি লইয়া যাইত।
একধারে একটু পাশ কাটিয়া একটু জড় সড় হইয়া তাহারা বসিত। সেখানে
ক্রেতারা প্রয়োজন মত যাইত ভিড় করিত না। সকলেই একটু সমীহ করিয়া
চলিত।

যে সব মেয়েরা বেসান্তি লইয়া ওপারে যাইত, তারা একটু সকাল সকাল
আহারাদি করিয়া দিনমানের জঘ বাহির হইত। হরি তাহাদিগকে পার করিয়া
দিত। আপন জাতি গোষ্ঠী স্বজনের নিকট সে পারের কড়ি লইত না।

মেয়েরা সন্ধ্যার আগেই ফিরিয়া আসিত। হরি তাহাদিগকে পার করিয়া
আনিত। পটলি আসিত সকলের পরে, সে তার আয়ীকে সঙ্গে লইয়া যাইত
প্রহরী স্বরূপ। তার ভরা ঘোবন ফুটন্ত চাঁপার রূপ তাহার একাকী যাওয়া ভাল
বোধ হইত না। বড়ী বেশী হাটিতে মজবুত ছিল না, কাজেই গাঁ ঘুরিয়া আসিতে
পটলির বিলম্ব হইয়া যাইত। সন্ধ্যার সূর্য যখন আধখানা নদীর ঐ পশ্চিমের
মাথায় ডুবিয়া যাইত, তখন পটলি নদীর তীরে দাঁড়াইয়া মধুর কণ্ঠে গায়িত—

“হরি, দিন ত গেল সন্ধ্যা হলো—

পার কর আমারে—”

হরি পটলিকে পার করিয়া আনিত। পটলি নৌকায় পশরা নামাইয়া
গায়িত—

“আমি দীন ভিখারী, নাই গো কড়ি

দেখ ঝোলা বেড়ে।”

হরি শ্রিতমুখে কহিত, পটলি, তোরা যে আমার নায়ে পার হয়ে ছটা
পয়সা করিস এই আমার পুণ্য। এই আমার বাপ দাদার আশীর্বাদ। আমি
কড়ি চাই না—দরকার কি? তারপর গুণ্ গুণ্ স্বরে গাইল—

“সম্পদে হারালেম মোক্ষফল।”

পাড়ে আসিয়া পটলি হাত মুখ ধুইত। হরি নৌকা বাঁধিয়া লগী বৈঠা
ঘাড়ে তুলিয়া দাঁড়াইত। পটলি ছিল তার শেষ পারের যাত্রী। পটলিকে
সন্ধ্যাবেলা একাকী নদীর ঘাটে ফেলিয়া যাওয়া হরি যুক্তিযুক্ত বিবেচনা করিত
না। কারণ তাহার শুনা ছিল “সন্ধ্যার বাতাসে ভর করিয়া নানা ছুঁ জিন
পরী ঘুরিয়া বেড়ায়। তাই-ইত ভদ্রলোকের মেয়েদের হিষ্টিরিয়ার বেরাম হয়।”

হরি পথে গায়িত—

“তারা কোন অপরাধে এদীর্ঘ মেয়াদে

সংসার গারদে থাকি বল।

(৪)

পাড়ার গণেশ আসিয়া ডাকিল—“হরিদা—ও হরিদা—কি কর—”বলিতে
বলিতে সে আঙ্গিনায় উঠিয়া আসিল।

হরি তখন তুলসী তলায় ধূপ দীপ দিয়া একমনে নাম জপিতে ছিল,—কোন উত্তর দিল না। গণেশ আসিয়া তুলসী তলায় গড় করিয়া এক পাশে বসিয়া রহিল।

আপন কার্য শেষ করিয়া হরি গণেশকে লইয়া ঘরে গিয়া বসিল।

গণেশ কহিল “এখন কি করবে দাদা?”

“কি আর করব—তুমি বস থানিকটা গল্প শুভব করি বা কীর্তন গাই! রামায়ণটাও পড়তে পারি। তার পর যদি মন রোচে চাট্টি চাল চড়াব—আর মাল্শী গাইব।”

“আচ্ছা দাদা, তুমি নিত্য দিন রেঁধে খাও—একটা বিয়ে কর না কেন?”

“দরকার কি?”

বিস্ময়ে দুই চক্ষু কপালে তুলিয়া গণেশ কহিল—“বল কি দাদা, বিয়ের দরকার নাই?—আশ্চর্য্য করে দিয়েছ কিন্তু! আচ্ছা একটাবার ভেবে দেখেছ?”

“ভাবি নি—ভাববার মতন কারণও পড়ে নি।”

“আশ্চর্য্য কথা বটে—কোন দিন এটা ভাব নি?”

“একবার ভেবেছিলাম পনের বছর আগে—যখন মা ছিলেন। তাঁর পীড়াপীড়িতে একবার কথাটা মনে উঠেছিল। সহসা মা চলে গেলেন,—কথাটাও পাথর চাপা রইল। আর মনেও উঠে নি।”

“যাক—একটাবার ভেবে দেখ না কেন?”

“কেন ভাই। সখ করে জীবন ভরা একটা নীরস গোলামীর চেয়ে স্বাধীন বন বিহঙ্গের মত গেয়ে দিন কাটিয়ে দিই—এটা কি বেশী বাঞ্ছনীয় নয়?”

“এই গোলামী স্বীকার করেই ত হুনিয়ার জীব বিয়ে করে আসছে—ভাই রীতি।”

“তা দেখেই আমার হৃৎ হয়ে গেছে।”

“আচ্ছা দাদা, বিয়ে না কর—দেখে শুনে একটা কণ্ঠি বদল টদল করে নাওনা।—রাঁধা বাড়ার হেঙ্গামাটা একটু বাঁচবে।” গণেশ অল্পকূল উত্তরের ভরসায় আশ্বস্ত ভাবে হরির মুখ চাহিল।

হরি তেমনই সরল উত্তর দিল—“ভায়া তোমার মতলব এই—যে একটা মুখরাধা বোঝা ঘাড়ে রাখতেই হবে—তা সেটা সোনা ভর্তিই হউক আর মাটা ভরাই হোক—এই ত?”

“তবে মেয়ে মাহুষ জন্মায় কেন?”

“অত ভাবি নি দাদা। আমি আমার বিবেচনায় যা আসে—তেমনই ভাবে কাজ করি—যুক্তি তর্কের ধারেও যাই না; কারণ সেটা আমার ধাতে নয় না।”

“আচ্ছা দাদা, তোমার রামচন্দ্রজী ত সীতাদেবীকে বিবাহ করেছিলেন।”
বিস্ময়ী বীরের মত গণেশ হরির মুখে দৃষ্টি সংযোগ করিল।

হরি দিব্যি সহজ স্বরে কহিল—“তাই ত প্রভুর আমার জীবনভরা চক্ষের জল শুকাল না। তাঁর জীবনে কি দুঃখের গুর ছিল রে ভাই?”

গণেশ হতাশ ভাবে কহিল—“নিত্য দিন রাঁধা, ছুঁছুঁ হয় না?”

গণেশের কথা শুনিয়া হরি হো হো করিয়া হাসিয়া কহিল—“মেয়েরাও ত রাঁধে।”

গণেশ দুই ঘাট চড়াইয়া কহিল—“মেয়েদের ত নয়—ওইই ত ওদের কাজ। কথায় বলে মেয়ে জন্ম।”

হরি ততক্ষণ গান ধরিয়াকে—

“দিয়ে মায়াবেড়ী পদে ফেলেছ বিপদে”

গণেশ মুগ্ধ হইয়া গান শুনিতে লাগিল। আলোচনা এইখানেই বন্ধ হইয়া গেল।

(৫)

নিরুন্ম দুপুর বেলা, মাঠে মাহুষ নাই! পশুপক্ষী পাতার আঁড়ে চূপ—বাহিরে রোদ্দ্র অগ্নিবৃষ্টি করিতেছে। এ হেন সময় হরি ভাত চড়াইয়া গান ধরিয়াকে—

“প্রাতঃকালে উঠি কতই যে মা খাটা

ছুটাছুটা করি ভূমণ্ডল—”

দুয়ারে দাঁড়াইয়া পটলি জিজ্ঞাসা করিল—“কি গেরস্ত, এখনো খাও নাই?”

“এই হলো আর কি।”

পটলি সহানুভূতির স্বরে কহিল, এই ভয়ানক গরম, সামনে আশুন—বাইরে মাটীপোড়া রোদ্দ—এত কষ্ট কি পুরুষের নয়?”

হরি বিস্ময়ের সহিত কহিল—“বলিস্ কি পটলি—আজ খুব গরম বৃষ্টি,—ইন্স সত্যিই ত গা-ময়, ঘাম ঝরছে।—তা এ সময় রাঁধতে পুরুষের যা কষ্ট মেয়েদেরও ঠিক তেমনই হয়,—না?” এই বলিয়া হরি হো হো করিয়া হাসিয়া উঠিল।

পটলির নিটোল গাল:ছুখানি রাঙ্গা হইয়া উঠিল। সে সামলাইয়া লইয়া কহিল, মেয়েদের ওসব সয়। কারণ মেয়েদের ত এই কাজ। হরি ততক্ষণ ভাতে কাঠি দিয়া ভাত টিপিতে টিপিতে গান ধরিয়াকে,—

“আর, বাঁচিতে সাধ নাই, বাসনা সদাই
ফণী ধরে খাই হলাহল।”

পটলি দরজার পাশে পিঠ ঠেকাইয়া এক দৃষ্টিতে হরির ভাতরাঁধা দেখিতেছিল।

হরি একখানা কাল পাথরের খালায় ভাতগুলি ঢালিয়া লইল। পটলি গালে হাত দিয়া কহিল, “একি করেছ,—মাথা না মুণ্ড। কতকগুলো পুড়ে গেছে কতক গলে গেছে, আর কতকগুলো আধা চাউল। এ নাকি মাছবে খায়?”

প্রসন্ন দৃষ্টিতে পটলির মুখের দিকে চাহিয়া সহজ স্বরে হরি কহিল—“পেটে আগুন থাকলে সব হজম হয় পটলি! আর আমার নিত্য দিন খেয়ে এ রকমটাই অভ্যাস হয়ে গেছে।”

“তরকারী কি রাঁধবে!”

“আজ একটু ছন আর তেল মেখেই এইগুলো উঠাব।”

আবার সেই হাসি হাসিয়া হরি বাম হস্তে তেলের তাড়ি নামাইয়া লইল।

পটলি কহিল “তুমি বারান্দায় বাতাসে একটু বসো, আমি এক লহমার মধ্যে খানিকটা তরকারী রেখে দিই।” পটলি ছ পা অগ্রসর হইয়া আসিল।

হরি ততক্ষণ ভাতের উপর টাটকা তেল খানিকটা ঢালিয়া ছন লক্ষা মাখিতে আরম্ভ করিল এবং আনন্দিত মনে বিব প্রমাণ গ্রাস মুখে তুলিয়া দিল।

পটলি বিরক্ত হইয়া ঘরে ফিরিয়া গেল।

(৬)

তখনো ফরসা হয় নাই। হরি বিছানায় শুইয়া “রামায় রামচন্দ্রায় রামভদ্রায়” ইত্যাদি আবৃত্তি করিতেছিল। সহসা বাহিরে পটলি খুব তাড়ার কণ্ঠে ডাকিল—“ও গেরস্ত, গেরস্ত—ওঠো দিকিন শীগ্গীর!”

“কে, পটলি?”—রঘুনাথায় নাথায়—

“আরে ওঠোই শীগ্গীর! জমিদার বাবুদের বাড়ীর ছোট বউর বায়না আছে, এক্ষণি যেতে হবে—ওঠো শীগ্গীর!”

“উঠি—দাঁড়া—” “রামং লক্ষণং পূর্বজং” পাঠ করিয়া হরি ধীরে স্বস্থে দরজা খুলিল। পটলি ততক্ষণ গুণ্গুণ্ স্বরে গাইতে ছিল—

“তুমি পারের কর্তা জেনে বাস্তা
ডাকি হে তোমারে।”

“কি পটলি এত ভোরে বেসাতি মাথায় চলি কোন দিকে?”

“রায় বাবুদের ছোট বউ যাবেন বাপের বাড়ী! তাঁর ফরমাসি জিনিষগুলি আজই দেবার কথা—তিনি তাড়া দিয়েছেন—তাই।”

“তিন মাইল পথ এই সকাল বেলা যাবি, তোর ঝি কোথা রে?”

“সে খেয়া ঘাটে গিয়ে বসে আছে, চল শীগ্গীর।”

হরি তাড়াতাড়ি হাত মুখ ধুইয়া তুলসী তলা লেপিয়া ফেলিল। তারপর একটু ধূপ জ্বালাইয়া তুলসী প্রণাম করিয়া লগ্নী বৈঠা ঘাড়ে লইল। পটলি আগে আগে গুণ্গুণ্ গাইতে গাইতে চলিল—“বড় দয়ার আধার সে কর্ণধার পারের কড়ি চায় না।”

হরি খাইতে বসিয়াছে—ছপুর উৎরে যায়—সহসা পটলি আসিয়া দাওয়ায় উঠিল। ভিজা কাপড়,—অঞ্চল কোমরে জড়ানো! পিঠে দীর্ঘ কেশদাম বাহিয়া জল ঝরিতেছে। পটলি কাঁপিতেছিল।

বিস্ময়ে শিবনেত্র হইয়া হরি জিজ্ঞাসা করিল, পটলি নৌকা এ পাড়ে যে—
“তুই এলি কি করে?”

“সাঁতার কেটে এসেছি।”

ভয়ে বিস্ময়ে হরির গলা অবধি কাঠ হইয়া গেল। স্মৃতি নদী সাঁতারে পার হইতে সাহস করে, হরি ছাড়া তেমন ব্যক্তি ত এ তলাটে কেউ নাই। “পটলি ভাগ্যিস ডুবে মরিস্ নি!”

ডুবে মরার পথেই গিয়েছিলাম। প্রায় আধমাইল ভাঁটিতে উঠেছি। মর্লেও দুঃখ যেতো না। তোমাকে বলতে বেঁচে এসেছি।”

“এর অর্থ কি পটলি? হয়েছে কি?”

“আমি বাঘের মুখে পড়েছিলাম। দিন রাতের কর্তা, ধর্মের মালীক ঠাকুর আমায় রক্ষা করেছেন! তুমি এখন বিবাহ কর—

“ব্যাপার খানা কি পটলি বাঘ কোথায়!” হরির হাত ভাতেই সংযুক্ত রহিল। তাহার খাওয়া বন্ধ হইয়া গিয়াছিল।

“শোন। আজ ক’দিন থেকে রায়দের বাড়ীর ঝি মেঘার মা আমার জিনিস পত্রের ঘনঘন ফরমাস দেয়। আমি ব্যাপারটা ঠিক বুঝি নি। ছোটবাবু এসে আমার সামনে দাঁড়ান, দর কসাকসি করেন। আজ ছোটবাবুকে দেখিনি।

মেঘার মা অনেক বলেকয়ে আমার তার বাড়ী নিয়ে যায়। সেখানে বলে ছোটবাবু নাকি আমার জন্ম—পটলি আর বলিতে পারিল না। তাহার কণ্ঠ রুদ্ধ হইয়া গেল সে ছুঁ পিয়া কাঁদিয়া উঠিল।

হরির চক্ষু গরম হইয়া উঠিল। সে জিজ্ঞাসা করিল “তারপর তারপর”—

চক্ষু মুছিয়া ভাঙ্গা গলায় পটলি কহিল “আমি ভাবলাম বড়লোকের বাড়ীর কথা—বিপদ ঘটতে বেশী সময় লাগবে না। তাই তাড়াতাড়ি মেঘার মার বাড়ী ছেড়ে চলে এলাম। কদমতলার জঙ্গলের ধারে এসে দেখি ছোটবাবুর ঘোড়া নিয়ে একজন দাঁড়ালো। আমার গা কাঁটা দিয়ে উঠল। আমি সেই পথ ছেড়ে সাহাপুরের পথ ধরলাম। হঠাৎ চেয়ে দেখি জঙ্গলের ধারে ছোটবাবু আর ছোট পেয়াদা। বাবুর হাতে বন্দুক। আমার দিকে আঙ্গুল দিয়ে কি দেখাচ্ছেন। পেয়াদা ছুটা আমার দিকে আসতে লাগল। আমি তখন প্রাণপনে ছুটে ছুটে নদীতীরে এসেছি। আমার জ্ঞান ছিল না। জানি না কোথায় সেই বেসাতি কোথায় বড়ীটা।”

হরি গর্জন করিয়া কহিল “দেশে এ পাপও ঢুকেছে—উচ্ছন্ন যাবেরে সব উচ্ছন্ন যাবে। এ পাপ ত ছনিয়া নয় না! হাঁ—তারপর?”

“তারপর নদীতে পড়ে সাঁতার কেটে এসেছি। ভাবলাম তোমায় বলে এর বিচার করাব। আমি জানি তুমি লাঠী ধরলে এ দেশে এমন লেঠেল নাই যে এসে সাম্নে দাঁড়ায়। তুমি যাও—ইতরের বিচার কর।”

হরি উঠিয়া দাঁড়াইল, অগ্নমনস্ক ভাবে পাতের ভাতগুলি কুকুরের সাম্নে ফেলিয়া দিয়া আঁচাইতে গেল। একাকী কি বিড় বিড় করিয়া বলিতে লাগিল মধ্যে মধ্যে “ছোটবাবু বড় পাপ—সাবধান” শোনা গেল।

ছুরার বন্ধ করিয়া—লগী বৈঠা লইয়া হরি নৌকায় গেল। তাহার মেজাজ ক্রমে একটু নরম হইয়া আসিল। অপরাহ্ন হরি বৈঠায় মাথা রাখিয়া অলস কণ্ঠে গায়িল,

“হরি তুমি বিচারের মালাক

আমি শুধু দেখব লীলাখেলা।”

পরদিন পটলী যখন জিজ্ঞাসা করিল—“কি করলে তবে ঐ পশুটার বিচারের?”

“কি আর করব?”

“একদিন রাতে কেন গুর বাড়ী লুটকরে মাথা ভেঙ্গে দাও না। না হয় যেমন তোমার মতলব ঠাহর হয় তাই কর।”

“আমি কেন পটলি বিচার করে নিজে আর একজনের বিচারের অধীন হতে যাব? বিচার কর্তা ভগবান ছোটবাবুর বিচার করুক—তিনি অতবড় রাজ্যেশ্বর—রাবণের পর্যন্ত বিচার করেছিলেন।”

(৭)

পাড়ায় গুরুদেব আসিয়াছেন। বিকাল বেলায় বাগ্দীরা মেয়ে পুরুষে জমায়েৎ হইয়া তাঁহার শ্রীমুখে কত কাহিনী শুনে। রাম রাবণের কথা, রাধাকৃষ্ণের বৃত্তান্ত, অভিমুখ্যর বীরত্ব—কত গল্প তাহারা শুনিয়া আনন্দ ও পুণ্য লাভ করে। বাগ্দীরা প্রায় সবাই নিরক্ষর। ছই একজন মাত্র ছেলে বেলায় রাজাজী ঠাকুরের আখড়ায় সামান্য লেখাপড়া শিখিয়াছিল। তাহাদের মধ্যে হরিই ছিল সেবা পড়ো। সে রামায়ণ পর্যন্ত স্মরকরিয়া পড়িতে পারিত। কিন্তু নদী পার হইতে লোকের দুঃখ দেখিয়া হরি প্রায় সারাদিন নৌকায় কাটাইত। কাজেই তাহার মুখে রামায়ণ শোনা কদাচিৎ ভাগ্যে ঘটত, গুরুদেব আসায় পাড়ার পিপাসু নরনারী কত পুণ্যকাহিনী শুনিত পাইতেছে। তাহাদের আনন্দের আঁজ: গুর নাই।

সেদিন সকালবেলা পরাণমণ্ডলের আঞ্জিনায় সকলেই গুরুদেবের “ছিচরণ” দর্শন করিতে সমবেত হইয়াছে। পুরুষরা গুরুদেবের সম্মুখে ঘাসের উপর বসিয়াছে, মেয়েরা কেহ রোয়াকে, কেহ বেড়ার সাম্নে বা পাশে দাঁড়াইয়া আছে। এদের তেমন আক্রমণ আটকা নাই! ঘরের মেয়েরা পুরুষদের অনতিদূরেই বসিয়া পুণ্যকথা শুনবার জন্ম আকিঞ্চন করিতেছে।

এমন সময় হরি ভূমিষ্ট হইয়া গুরুদেবকে প্রণাম করিয়া দাঁড়াইল।

“কে, হরি! এসো এসো বসো; তা ঘর সংসার করেছ—না তেমনই আছ?”

নাথু সর্দার কহিল আজ্ঞে কর্তা ঐ আমাগোর দুঃখ। গায়ের মাঝে ঐ একটা মানুষ, তার কি দুর্দান্তি হলো, বিয়েথা কলে না; তবে কর্তা ধুলো দিয়েছেন আপনাগোর আজ্ঞা কেউ না শুনে ত পারবে না—”

গুরুঠাকুর হরিকে ঘর সংসার করিতে আদেশ দিলেন, ভাল পাত্রী দেখার ভার পাড়ার “নাথা উঁচা” সর্দারগণ গ্রহণ করিল। কিন্তু হরি ঘোড় হাতে মিনতির স্বরে কহিল “দোহাই কর্তার শ্রীচরণের। আমি বেশ আছি, আমার দুঃখ

শান্তি নষ্ট করবার আজ্ঞা করবেন না। আমার ছুঃখের বোঝা বইবার মুটে বানাবেন না। আমি বিয়ে কর্তে পারব না স্পষ্ট বলে দিলাম কর্তা দোহাই।”

পাড়ার মেয়ে পুরুষ অনেকেই হৈ চৈ করিয়া উঠিল। আ সর্বনাশ গুরুবাক্য।

হরি সকলকেই মিনতি জানাইল। গুরুর পায়ে কত নিবেদন করিল, কিন্তু কেহ তাহার কাতর প্রার্থনায় কর্ণপাতও করিল না। ঠাকুর আজ্ঞা করিলেন “চতুর্থ দিনে বিবাহের লগ্ন আছে, তোমরা মেয়ে দেখ, আমি বিবাহ দিয়ে তবে যাব।” সকলে জয়বনি করিয়া উঠিল।

হরি অগত্যা কথিয়া দাঁড়াইল। সে দৃঢ়স্বরে কহিল “সেকি কথা! আমার স্বাধীনতার ভার তোমরা ভাগ বাটোয়ারা করে নিছ কেন গো! আমি স্বয়ং রামচন্দ্রজীর হুকুমেও আমার কথার অগ্ৰথা কর্তে রাজী নই—”

গুরুদেব কয়েকঘাট নামিয়া হরিকে বিবাহের আবশ্যকতা বুঝাইতে লাগিলেন। এমন সময় পাড়ার একদল মেয়ে বৌ বি আসিয়া ঠাকুরের পায়ে গড় করিয়া তফাৎ দাঁড়াইল। এই দলে ছিল পটলি।

গুরুজী জিজ্ঞাসা করিলেন এই বিধবা মেয়েটা কার রে—

তোলা ষোড় হাতে নিবেদন করিল—“কর্তা এটা পরাণমণ্ডলের মেয়ে। দশ বছরে নর্গায়ের সাধু সর্দারের ছেলে মাধুর সাথে ওর বিয়ে হয়, দুমাস না যেতে যেতেই তার কপাল পুড়ে গেল! আজ আট বছর ধরে মেয়েটা—আঃ কি কষ্ট কর্তা! মেয়েটা কষ্ট বদলও কলে না আবার বিয়েও কলে না—”

গুরুজী আনন্দে কহিলেন, বেশ এক কাজ কর। দেখে শুনে মেয়েটার বিয়ে দাও। তোমাদের ত বিধবার বিয়ে হচ্ছেই। আহা মেয়ে ত নয় যেন মা দুর্গা। রাজার ঘরে জন্মালে ঠিক হতো। আয় ত মা আমার কাছে—”

পটলি আবার আসিয়া গুরুদেবের পায়ে প্রণিপাত করিল। গুরুজী তাহাৰ মাথায় হাত দিয়া কহিলেন “মা ভগবানের রূপায় তোর ছুঃখ দূর হোক আমি আশীর্বাদ কচ্ছি—”

পটলি নতমুখে দাঁড়াইয়া কাপড়ের যে স্থানটা হাতে উঠিল—তাহাই পাকাইতে লাগিল।

গুরুজী সকলের দিকে চাহিয়া কহিলেন, “ওহে একটা কাজ কেন কর না—হরির সঙ্গেই ত পটলির সম্বন্ধ হতে পারে। বাঃ বেশ হবে। সোণাগা সোহাগা—একেবারে মণিকাঞ্চন যোগ! যেমন বর তেমনি মেয়ে।”

পটলির মুখ কাগ লাল হইয়া উঠিল। সে ধীর পদক্ষেপে কোথায় সরিয়া গেল। উপস্থিত জনগণ একবাক্যে গুরুজীর প্রস্তাব সমর্থন করিল। পরাণ মণ্ডলকে গুরুজী মত জিজ্ঞাসা করিলেন। পরাণ জোড়হাতে কহিল “—কর্তা, হরি আমার ছেলের মত! তাকে মেয়ে দিতে আর কথা কি? আপনি দিন করুন,—আমি হরিকে মেয়ে দিব। কেমন হরি—”

হরি যে কোন সময় উদ্দেশে গুরুদেবকে প্রণাম করিয়া প্রস্থান করিয়াছে, তাহা কেহ জানে না।

(৮)

সেদিন সবাই নিত্যকার মত বেসাতি লইয়া গ্রামে পেল। গেল না কেবল পটলি। তার মনটা আজ ভাল ছিল না; সে তার সুইয়ের ঘরে মটকা মারিয়া পড়িয়া রহিল।

গুরুদেব বাড়ী ফিরিবার পথে হরির নৌকায় অনেকক্ষণ বসিলেন। হরিকে বিবাহ করার জন্ত যথেষ্ট অনুরোধ করিলেন। কহিলেন,—“বাপু, তোমরা শিষ্য—তোমরাই আমাদের ভরসা। তোমরাই আমাদের সম্পত্তি। তোমরা বিয়ে কলে দুটা পয়সা আমাদের হয়—তোমাদের বংশ থাকলে আমাদের আশা—বুঝলে বাপু—”

হরি মাথা নোয়াইয়া নৌকা বাহিতেছিল। তাহার মুখ অপ্রসন্ন! ঠাকুরজী অপর পারে গিয়াও নৌকায় বসিয়া হরিকে বুঝা সাধ্য সাধনা করিতেছেন। এমন সময় রুক্ষদাস বাবাজী খঞ্জনীতে যা দিয়া গান ধরিলেন—

“বুন্দাবনের ধুলোয় কবে গড়াগড়ি দিব—

ব্রজের রঞ্জে লেপি অঙ্গ

যমের আশা করব ভঙ্গ

শ্রাম ত্রিভঙ্গে দিবানিশি মহানন্দে নেহারিব।”

হরি কহিল—কর্তা ও পারে লোক দাঁড়াইয়া—ওঁকে পার কর্তে হবে।

অগত্যা গুরুজী নামিয়া গেলেন। হরি যেন অন্ধকার কারাগৃহ হইতে নিষ্কৃতি পাইয়া মুক্তির আনন্দে নিশ্বাস ফেলিল।

বাবাজী নৌকায় উঠিয়া মধুর কণ্ঠে গান ধরিলেন—

“পরে হবে রে ঘোর অন্ধকার

আয় কে যাবি ভব নদীর পার—

ওরে দিন থাকিতে চল সে পথে
করিগে পারের যোগাড়”

হরি কথা কহিল না—বাবাজী পার হইয়া গেলেন।

পটলি দুই চার বার জল লইতে আসিয়াছিল, বড় অস্থমনস্ক। কাহারো সহিত কথাটাও কহে নাই। কিন্তু লক্ষ্য করিল,—হরি আজ হুপুরে বাড়ী যায় নাই,—রাধাবাড়া হয় নাই,—স্বতবাং আহারাদিও ঘটে নাই। পটলির গা জ্বালা করিতে লাগিল। সন্ধ্যার সময় হরি বাড়ী গিয়া তুলসীতলার কাজ সারিয়া দীপ নিবাইল। পটলি তাহার সহি তুফানীর ঘরে বসিয়া দেখিল হরির ঘরে আলো নহে। তখন সে সহিকে ধরিয় পড়িল—“সই, মাগুঘটা সারাদিন উপোসী—বোধ হয় কিছু খাবে না। তুই যা কিছু খাবার দিয়ে আয় না।”

তুফানী সকালবেলার ঘটনার সময় উপস্থিত ছিল;—সে পটলির গাশ টিপিয়া দিয়া কহিল—“ইস্ ভারী দরদ দেখছি যে! কথায় বলে যে গাছে না উঠতেই এক কাঁদি।”

পটলি তুফানীকে একটা ধাক্কা দিয়া কহিল—“তুই মব্—বান্দী।”

“তাতে তোর লাভ লোকসান কি? আর আমি মলে তোর মনের ঠাকুরকে খাবার দিয়ে আসবে কে?”

“যাঃ—”

“যাব—যাব—যাব—ত্রিসত্ব কল্যাম। বাপরে—একটু তরু সইছে না। যাব ত, কিন্তু ওমে খাবে তার প্রমাণ? খাবারই বা কি নিয়ে যাব?”

“তোর ঘরে চিড়ে টিড়ে নেই কি?”

“হাঁ, চিড়ে আছে আর একছড়া মোটা কলা আছে—তাই নিয়ে যাই। কিন্তু খাবে কি?”

গিয়ে বলিস—“ওগো তোমার তুলসী দেবতার মানস এনেছি—নিবেদন করে দাও।” নিবেদন হয়ে গেলে বলা “প্রসাদ লও,—সে ফেলতে পারবে না।”

তুফানী কলসী হইতে চিড়া বাহির করিতে করিতে কহিল—“তোর এত বুদ্ধিও যোগায়? আচ্ছা সই চল না, তুইও খাবি।”

“না, আমি ওদের বাড়ী রাতকাল কেন যাব? তুই যা। আমায় হয় ত এক্ষুনি মা ডাকবে।”

তুফানী সের তিনেক চিড়া আর গাণ্ডা পাঁচেক কলা লইয়া হরির আঙ্গিনায় গিয়া ডাকিল—“দাদা ও দাদা—ঘুমিয়েছ না কি?”

“কে রে—তুফানী?” হরির স্বর একটু ভার ভার।

“হাঁ দাদা, প্রদীপটা জ্বাল ত দেখি।”

“কেন রে?”

“আর কেন? আজ তোমার তুলসী তলায় কিছু মানত ছিল,—সেটা তুলেই গেছিলাম। হঠাৎ ঘুমিয়ে পড়েছিলাম। স্বপ্নে দেখলাম কি—ইস্ এখনো গা কাঁটা দিয়ে উঠে—”

হরি চকমকি ঠুকিয়া প্রদীপ জ্বালাইয়া বাহিরে আসিল। তুফানী তুলসী তলায় চিড়া কলা রাখিয়া উপুড় হইয়া প্রণাম করিল।

হরি নিবেদন করিলে তুফানী এক চিম্টা চিড়া কপালে ছোঁয়াইয়া কহিল—“দাদা, তুমি তুলসীর প্রসাদ গ্রহণ কর,—আমি চললাম।”

“তুফানী—তুফানী—” তুফানী ততক্ষণ ঘরে চলিয়া গিয়াছে। পটলিও ঘরে গিয়া নিশ্চিন্তে শয়ন করিল।

(৯)

পরদিনও বেলা আড়াই প্রহর উৎরে গেল, হরি ঘাটে নৌকায় বসিয়া ভাঙ্গা স্বরে টানিতেছে—

“আর কি ছার মায়া কাঞ্চন কামা ত রবে না?”

পটলি হু’দিন বেসাতি নিয়া গাঁয় যায় নাই,—তার শরীর নাকি ভাল নয়। কিন্তু দশবার ঘাটে জল নিতে আসিয়াছে। হরির মধুর কণ্ঠ আজ ধরা ধরা—শুনিয়া পটলির কষ্ট হইল। খানিক এদিক সেদিক করিয়া দু একবার কাশিয়া পটলি কহিল—“বলি আজ কি খাওয়া দাওয়া নাই,—বেলা যে যায়।”

“বেলা যায়?—অ্যা!—কি বললি পটলি বেলা যায়? এতক্ষণ আমায় ছুঁস ছিল না—তুই বড় সময় মত এসেছিস্—হাঁ আমিও তৈরি হয়ে নি—বেলা যায় এ খেয়াল ত আমার ছিল না—! এখুনি যাচ্ছি—কি করতে পারি দেখি গিয়ে!”

পটলি কথাগুলো শুনিয়া অপ্রসন্ন মুখে চলিয়া গেল। হরি সন্ধ্যা পর্যন্ত বসিয়া রহিল—যাহারা পারে গিয়াছে, তাহাদের আবার আনিতে হইবে ত?

পটলি সন্ধ্যা বেলায় জল নিতে আসিয়া শুনিল, হরি গলা ছাড়িয়া পাহিতেছিল—

“দিবা অবসান হ’ল কি কর বসিয়ে মন,
উত্তরিতে ভবনদী করেছ কি আয়োজন”

পটলি কলসীতে জল লইতে লইতে কহিল,—“বাড়ী যাবে না?”

“হাঁ—যাব—” হরি ঘাটে নৌকা বাঁধিয়া তীরে উঠিল। পটলি আগে আপে
বাইতেছিল—সে শুনিতে পাইল হরি উচ্চ কণ্ঠে গাহিতেছে,—

“আয়ু সূর্য্য অস্ত যায়, দেখিয়ে না দেখ্ তায়—
ভুলিয়ে মোহমায়ায়—হারিয়েছ—তত্ত্বজ্ঞান।”

পটলি আঙ্গুল মটকাইয়া আপন মনে কহিতে লাগিল ঐ মড়া বাবাজীটা
এই সব বাজে গান শিখায়। যত কুজ্ঞান—ঐ মড়ারই পরামর্শ।

রাত্রিতে হরি পাড়া প্রতিবেশীদের বাড়ী বেড়াইয়া গল্প করিয়া আসিল।
গণেশ কহিল—“হরিদা আজ ত তোমার সেই হাসিটা দেখছি না।” হরি
কোন উত্তর দিল না।

পরদিন সকালে সকলেই শুনিল হরি গৃহত্যাগ করিয়াছে। তাহার দরজার
বেড়ায় একখণ্ড কাগজ পাওয়া গেল, মোটা মোটা হরপে লিখিয়া হরি তাহার
যা কিছু গুরুদেবের শ্রীচরণে উৎসর্গ করিয়া গিয়াছে।

পটলি তুফানীর বিছানায় উপুড় হইয়া পড়িয়া রহিল দেখিয়া তুফানী বড়
উপদ্রব আরম্ভ করিল। পটলি ঠোট উন্টাইয়া ভাঙ্গাস্বরে কহিল মড়া বৃন্দাবনে
গেছে ঠিক। আর যেন কারো সেখানো যাবার সাধ হ’তে নাই। মড়া যাবি
ত আর যে যে যেতে চায় তাদের নিয়েই যা—

ক্রমে প্রকাশ পাইল হরি বৃন্দাবন যাত্রা করিয়াছে। শুনিয়া কৃষ্ণদাস
বাবাজী গান ধরিলেন,—

“আমি আগে এসে, ঘাটে রইলাম বসে

যারা, পিছে এল আগে গেল, আমি রইলাম পড়ে।”

(১০)

কৃষ্ণদাস বাবাজী আর গুরুজীর সঙ্গে গাঁয়ের অনেক স্ত্রী পুরুষ বৃন্দাবনে
চলিয়াছে। নকড়ি, ভোলা, পরাণ, সাধুর মা, গুণী, তুফানী,—পটলি সবাই বৃন্দা-
বনের পথে। কৃষ্ণদাস বাবাজী মনের আনন্দে মধুর হরি নামকীর্তন করিতে করিতে
চলিয়াছেন। রাসপূর্ণিমা উপলক্ষে অসংখ্য যাত্রী বৃন্দাবনের পথে চলিয়াছে।

যমুনার তীরে তীরে অগণিত চটা নির্মিত হইয়াছে। যাত্রীরা—সেই সকল
চটাতে বাসা করিয়া রহিয়াছে। স্নান, দান, গান, গল্প কোলাহলের অবধি নহি।

বিকাল বেলা পটলি আর তুফানী এই সকল চটীর যাত্রীদের মধ্যে
বেড়াইতেছিল। তুফানী নানা গল্প হাস্য পরিহাস করিয়া পটলিকে মধ্যে মধ্যে
চিম্টা কাটা কথাও বলিতেছিল। পটলি একটু চিন্তাশ্রিতা একটু গম্ভীর।
তুফানী কহিল—“সে বৃন্দাবনে কোথাও আছে, এসেছে আট দশদিন আগে,—”

“ওগো ওদিকে যেওনা—ওলাউঠা গো—নিশ্চয় ওলাউঠা! আহা কোন
অভাগীর পুত্র গো, না জানি কোন অভাগীর সোয়ামী! অমন সোনার বরণ
যেন কেমন হয়ে গেছে।—সঙ্গে কেউ নেই গো—”

পটলি কাণ পাতিয়া কথাগুলো শুনিল। তার বৃকের হাড়গুলি যেন খড়্ খড়্
করিয়া নড়িয়া উঠিল—দম আটকিয়া আসিল। তার ইচ্ছা হইল,—তুফানীর
সঙ্গ ছাড়িয়া একবার লোকটাকে দেখিয়া আসে।

সেই জনসমুদ্রের মধ্যে পটলির আশাপূর্ণ হতে বিলম্ব হইল না। সে
কোমরে ঝাঁচল জড়াইয়া—আকুল আগ্রহে সেই কলেবাকান্ত রোগীর চটাতে
প্রবেশ করিল। তখন রোগী অজ্ঞান হইয়া মাটিতে পড়িয়া আছে, পটলি
বাহবেষ্টনে আপন বুক বাঁধিয়া বুঁকিয়া দেখিল হরি।

বড় যোগাড় যন্ত্র করিয়া পটলি গুটা ত্রিশেক টাকা সঙ্গে আনিয়াছিল। সে
তাড়াতাড়ি বাহির হইয়া একটা খাটলী আর একজন চিকিৎসক সংগ্রহ করিয়া
আনিল। তারপর অনন্ত কষ্ট হইয়া রোগীর শুষ্কতা আরম্ভ করিয়া দিল।

এদিকে চটাতে চটাতে কলেরা লাগিল। কে কার সন্ধান লয়। পটলি
রোগীর ঘরে বসিয়া আছে। পরাণ বহু অহুস্কানেও তাহাকে না পাইয়া আছাড়
পড়িয়া কাঁদিয়া উঠিল। তার পর সকলে দেশে যাত্রা করিল। তুফানী দেশে
গিয়া কহিল—যে ভয়ানক মারী লেগেছিল ওর মধ্যেই পটলি মরে গেছে।

হরি আরোগ্য লাভ করিল। কে তাহাকে ঘরের দুয়ার হইতে টানিয়া
আনিয়াছে,—তাহা সে জানিল না। কে তাহাকে বৃন্দাবনে, এই কোঠায় এই
বিছানায় আনিয়াছে, কে তাহাকে পথ্য দিতেছে—কিছুই জানিল না। একটা
কথা শুধু তাহার মনে পড়ে,—কে যেন তাহার মরণশয্যার পাশে বসিয়া মধুর
কণ্ঠে কহিত “শ্রাম ত্রিভঙ্গ না দেখে তুমি মরবে না।” সেই কণ্ঠ যেন পটলির।

(১১)

“বাবাজী! ও বাবাজী!”

“কাঁকে ডাকছেন?”

“আপনাকে।”

“আমাকে? আমি ত বাবাজী নই—তাই উত্তর দিতে গৌণ করেছি। মাফ করবেন। কেন ডাকছেন আমাকে?”

“এই পাশের ঘরে একটা মেয়ে মানুষ রুগ্না—সে আপনাকে একটীবার দেখতে চায়।”

“আমাকে? আপনি ভুল করছেন বাবু।”

“ভুল করিনি গো—ভুল করিনি। উনি আপনাকেই ডাকছেন। আহ্নন একটীবার—লোকটা মরতে যাচ্ছে”—

“শ্রীহরি শ্রীহরি—দেখুন মহাশয়, আমার মাপ করুন আমি যেতে পার্ক না—আমায় ক্ষমা করবেন।”

“সাধু পুরুষ, আমি তোমায় ক্ষমা করতে পারি, কিন্তু শ্যাম ত্রিভঙ্গ তোমায় ক্ষমা করবেন না। পথে চটীতে যখন বিস্মৃচিকায় মৃত্যুর দুয়ারে গিয়েছিলে, তখন কে অনিদ্রায় অনাহারে দিন রাত্রি তোমার শুশ্রূষা করেছিল? কার অর্থে তোমার ঔষধ পথ্য চলছিল? কার অর্থে মানুষ তোমায় মাথায় করে এখানে এনে রেখেছে? কার অর্থে এখানে তোমার খরচ চলছে? সাধু পুরুষ, অনিয়মের সঙ্গে যুদ্ধ করে সপ্তাহ পরে সেই করুণারূপিনী মা আমার মৃত্যু শয্যা! আজ তুমি তাকে একটা বার দেখা দিতেও রাজী নও, অশ্চর্য্য! তোমার এক এক খানা হাড় খুলে দিলেও তাঁর ঋণ শোধ হবে না। আজ দুদিন শ্যাম ত্রিভঙ্গ দেখে জীবন সার্থক করছ কার প্রসাদে? আমি তোমার চিকিৎসা করেছিলাম, বুকেছিলাম করুণাময়ী মা তোমার কেউ হবেন। পরে জানলাম তিনি তোমার কেউ নন! আমার চোখের ঠুলি খুলে গেল। ত্রিশ বৎসর চিকিৎসা করেছি,—অর্থ উপার্জন চের করেছি,—এ পুণ্য দৃশ্য দেখে আমি নূতন মানুষ হয়ে তাকে মা বলে ডেকে পবিত্র হয়ে গেছি। আজ ছ সপ্তাহ যমের সঙ্গে যুদ্ধ করেও মাকে বাঁচাতে পারলাম না। আজ ছ সপ্তাহ প্রতি মুহূর্ত মা তোমার সংবাদ শুনেছি। তুমি নিজে হেঁটে গোবিন্দজী দর্শন করেছ শুনে মা হেসে এক আনন্দের নিশ্বাস ত্যাগ করেন। তার পর হতেই তাঁর জীবনী শক্তি কমে আসছে। সাধু পুরুষ—সেই মাকে দেখা দিতে তোমার আপত্তি?—”

হরি কুণ্ঠিত হইয়া ষোড়হাতে কহিল, “অপরাধ করেছি মহাশয়, চলুন তাঁকে দেখে আসি।”

“আপনি আমার জীবন দিয়েছেন আমার জীবনের সাধ পূর্ণ করেছেন, আপনাকে দেখতে এসেছি—একটীবার চক্ষু—”

রুগ্না চক্ষু মেলিল, তারপর মুহূর্তের কহিল “তোমার পা খুলে আমার মাথায় ঠেকাও—”

হরি জিভকাটিয়া কহিল এমন আদেশ করবেন না। আপনি হয়ত আমার জানেন না। আমি জাতিতে বাগ্দী।

“আমায়, চিনলেনা আমি পটলি। দাও আমার মাথায় তোমার পা, তুমি আমার উপাস্ত দেবতা—দাও তোমার চরণামৃত—একবিন্দু, প্রাণ শীতল করি।”

“পটলি! তুই আমার জীবন দানকরে আজ নিজে মরতে পড়েছিস। একটু থাক—আমার ঘরে গোবিন্দজীর নিশ্বাস, চরণামৃত আছে এনে দিচ্ছি।”

পটলি আবার চক্ষু মুদ্রিত করিল। খানিক পরে হরি চরণামৃত আনিল পটলির মাথায় ও সর্বাঙ্গে দিয়া মধুর কণ্ঠে কহিল “পটলি এমন অপূর্ব মাতৃস্নেহে তোর অন্তর পরিপূর্ণ ছিল? পটলি অন্ধের জননীর মত তুই যে চিরদিনই আমায় সজাগ পাহারা দিয়ে আসছিস তা আজ বুঝতে পেরেছি।

মার কথা মনে বড় পড়ে না! আজ মৃত্যুশয্যার পাশে দাঁড়িয়ে তোকে মা বলে ডাকছি মা—মা—”

পটলি চক্ষু মুদ্রিয়া শুনিল—তারপর কহিল “দাও গোবিন্দজীর চরণামৃত আমার মুখে! খেয়ানী হরি, আজীবন সকাল সন্ধ্যায় খেয়া নৌকায় নদী পার করে দিয়েছো, আজো আমায় পার করে দিচ্ছ। আজীবন তোমার অহ্নসরণ করে

চলেছি! গুরু তুমি আমার! গুরু, আজ বড় আনন্দ বড় শান্তি। এখন নামগান একবার শোনাও যা পথের শেষপর্যন্ত নিয়ে পৌঁছিয়ে দেয়।”

হরি পটলির শয্যাপ্রান্তে বসিয়া প্রেমানন্দে গাইল—
হরে মুরারে মধুকৈটভারে,
গোপালগোবিন্দ মুকুন্দ শৌরে!

হরেকৃষ্ণ হরেকৃষ্ণ কৃষ্ণ কৃষ্ণ হরে হরে,
হরেরাম হরেরাম রাম রাম হরে হরে।

চিকিৎসক হরিকে ডাকিয়া কহিল, “উঠুন, মা চলেগেছেন।” সম্মুখের পথদিয়া কৃষ্ণদাস বাবাজী খঞ্জনীতে ঘা দিয়া গায়িতে গায়িতে চলিয়াছেন—

“এই হরিনাম নিদান ঔষধি
এতে হরে কালভয়, হবি পার ভব জলধি।”

পূর্ণতা

[শ্রীমতী লীলা দেবী]

ঝ'রে গেছে ফুল ধ'রেছে বৃষ্টি ফল
শিখর হইতে নেমেছে নদীতে চল
কুম্বমের প্রেম, ফল-রসে ভরপুর,
বিলাস হলো যে মঙ্গল স্তম্ভুর।
অধীর নিব্বর শাস্ত, তটিনীতে
মায়ের মূর্তি চটুলা নটিনীতে।
ভালবাসা আজ চাহেনাকো সন্তোষ
তুমি যদি আমি—কেমনে কাহাতে যোগ?
শ্রাম ভেবে ভেবে রঞ্ধা হ'য়ে গেছে শ্রাম
প্রেমের মাঝারে হারা হ'য়ে গেছে কাম।

নির্বাসিতের আত্মকথা

[শ্রীউপেন্দ্রনাথ বন্দ্যোপাধ্যায়]

একাদশ পরিচ্ছেদ

ধর্মঘটের ফলে সরকার বাহাদুরের সঙ্গে আমাদের যে রফা হইল তাহার মোট কথা এই যে আমাদের ১৪ বৎসর কালাপানির জেলে বন্ধ থাকিতে হইবে। চৌদ্দ বৎসরের পর আমাদের জেলের বাহিরে ছাড়িয়া দেওয়া হইবে আর তখন আমাদের কয়েদীর মত পরিশ্রম করিতে হইবে না। জেলখানার ভিতরেও আমরা বাহিরের কয়েদীর মত নিজের নিজের আহার রাখিয়া খাইতে পারিব ও বাহিরের কয়েদীর মত পোষাক পরিতে পারিব অর্থাৎ জাম্বিয়া, টুপি ও হাতকাটা কুর্তা না পরিয়া কাপড় ও হাতাওয়ালা কুর্তা পরিতে পাইব আর মাথায় একটা চার হাত লম্বা কাপড়ের পাগড়ী জড়াইবার অধিকার পাইব। অধিকন্তু ১০ বৎসর যদি আমরা ভাল ব্যবহার করি অর্থাৎ ধর্মঘটে

যোগ না দিই বা জেলের কর্তাদের সহিত ঝগড়া না করি তাহা হইলে ১০ বৎসর কয়েদ খাটবার পর সরকার বাহাদুর বিবেচনা করিবেন আমাদের আরও অধিক স্থখে রাখিতে পারেন কি না! জাম্বিয়া ছাড়িয়া ৮ হাতি মোটা কাপড় পরিয়া বা মাথায় পাগড়ী বাঁধিয়া আমাদের স্থখের মাত্রা যে কি বাড়িয়া গেল তাহা বুঝিতে পারিলাম না। তবে নিজের হাতে রাখিবার অধিকার পাইয়া প্রত্যহ কচুপাতা সিদ্ধ খাইবার দায় হইতে কতকটা অব্যাহতি পাইলাম। সঙ্গে সঙ্গে কঠিন পরিশ্রমের হাতও এড়াইলাম। বারীজকে বেতের কারখানার তত্ত্বাবধানের ভার দেওয়া হইল; হেমচন্দ্রকে পুস্তকাগারের অধ্যক্ষ করা হইল আর আমি হইলাম ঘানি-ঘরের মোড়ল। প্রাতঃকালে ১০ হইতে ১২ টার মধ্যে রন্ধন ও আহাৰাদি শেষ করিয়া লইবার কথা; কিন্তু ঐ অল্প সময়ের মধ্যে সব কাজ সারিয়া লওয়া অসম্ভব দেখিয়া আমরা সাধারণ ভাণ্ডার (পাকশালা) হইতে ভাত ও ডাল লইতাম; শুধু তরকারিটা নিজেদের মনোমত রাখিয়া লইতাম। রন্ধন বিছায় হেমচন্দ্রের ওস্তাদ বলিয়া নাম-ডাক ছিল। প্রকৃতপক্ষে মাংস, পোলাও প্রভৃতি নবাবী খানা তিনি বেশ রাখিতে পারিতেন, তবে সোজাস্বজি তরকারি রাখিতে যে আমাদের চেয়ে বেশী পণ্ডিত ছিলেন বলিয়া মনে হয় না। একদিন একটা মোটা পাইয়া বহুকাল পরে মোচার ঘণ্ট খাইবার সাধ হইল। কিন্তু কি করিয়া রাখিতে হয় তাহা ত জানি না। মোচার ঘণ্ট রাখিবার জন্ত যে প্রকাণ্ড কনফারেন্স বসিল তাহাতে রন্ধন প্রণালী সম্বন্ধে কাহারও সহিত কাহারও মত মিলিল না। বারীজ বলিল—“আমার দিদিমা হাটখোলার দস্ত বাড়ীর মেয়ে এবং পাকা রাধুনী, স্বতরাং আমার মতই ঠিক।” হেমচন্দ্র বলিল—“আমি ফ্রান্সে গিয়ে ফরাসী রান্না শিখে এসেছি, স্বতরাং আমার মতই ঠিক।” আমাদের সব স্বদেশী কাজেই যখন বিদেশী ডিপ্লোমার আদর অধিক তখন আমরা স্থির করিলাম যে মোচার ঘণ্ট রান্নাটা হেমদাদার পরামর্শ মতই হওয়া উচিত। আমি গম্ভীর ভাবে রাখিতে বসিলাম, হেমদা কাছে বসিয়া আরও গম্ভীর ভাবে উপদেশ দিতে লাগিলেন। কড়ার উপর তেল চড়াইয়া যখন হেমদা পেঁয়াজের ফোড়ন দিয়া মোটা ছাড়িয়া দিতে বলিলেন তখন তাঁহার রন্ধন বিদ্যার ডিপ্লোমা সম্বন্ধে আমারও একটু সন্দেহ হইল। মোচার ঘণ্টে পেঁয়াজের ফোড়ন কি রে বাবা? এখে বেজায় ফরাসী কাণ্ড! কিন্তু কথা কহিবার উপায় নাই। চূপ করিয়া তাহাই করিলাম। মোচার ঘণ্ট রান্না হইয়া যখন কড়া হইতে নামিল তখন

আর তাহাকে মোচার ঘণ্ট বুলিয়া চিনিবার জ্ঞো নাই। দিব্য তোফা কাল রং আর চমৎকার পেরোজের গন্ধ! খাইবার সময় হাসির ধুম পড়িয়া গেল। বারীজ বজিল—“হাঁ, দাদা একটা ফরাসী chef-de-cuisine বটে!” দিদিমা আমার এমনটা রাঁধিতে পারতেন না।” হেমদা হটিবার পাত্র নহেন। তিনি বলিলেন—“ঐ ত তোমাদের রোগ! তোমরা সবাই দিদিমা-পত্নী। দিদিমা যা করে গেছেন তা আর বদলাতে চাও না।” মোচার ঘণ্ট যে দিন রন্ধনের গুণে মোচার কাবাব হইয়া দাঁড়াইল, তাহার দিন কতক পরে একবার স্ক্রু রাঁধিবার প্রস্তাব উঠিয়াছিল। কিন্তু স্ক্রু রাঁধিবার সময় কি কি মসলা দিতে হয় সে বিষয়ে মতভেদে রহিয়া গেল। হেমদা বলিলেন যে তরকারীর মধ্যে এক আউস্প কুইনাইন মিকচার ফেলিয়া দিলেই তাহা স্ক্রু হইয়া যায়। আমাদের দেশের যে সমস্ত নবীনা গৃহিণীরা পাঁচখণ্ড পাকপ্রণালী কোলে করিয়া রাঁধিতে বসেন তাঁহারা স্ক্রু রাঁধিবার এই অভিনব প্রণালীটা পরীক্ষা করিয়া দেখিতে পারেন। ব্যাপারটা যদি সত্য হয় তাহা হইলে এই ম্যালেরিয়া-প্রসীড়িত দেশে তাঁহারা একাধারে আহাৰ ও পথ্যের আবিষ্কার করিয়া অমর হইয়া যাইতে পারিবেন। দাদারও জয় জয়কার পড়িয়া যাইবে।

রাঁধিবার জন্ত আমরা জেল হইতে কিছু কিছু তরকারী লইতাম, তবে তাহার মধ্যে চুবড়ী আলু ও কচুই প্রধান। কাজে কাজেই বাজার হইতে মাঝে মাঝে অল্প তরকারী আনাইয়া লইতে হইত। সরকার বাহাদুরের নিয়মাত্মক আমরা মাসিক বেতন পাইতাম বারো আনা। আমরা শারীরিক দুর্বল ছিলাম বলিয়া জেলের কর্তৃপক্ষগণ আমাদের প্রত্যেককে বারো আউস্প করিয়া দুধ দিয়া তাহার আংশিক মূল্য স্বরূপ মাসিক আট আনা কাটিয়া লইতেন। বাকি চার আনার উপর নির্ভর করিয়া আমাদের সংসার যাত্রা নির্বাহ করিতে হইত। কিছুদিন পরে জেলের মধ্যে একটা ছাপাখানা স্থাপিত করিয়া বারীজের উপর তাহার তত্ত্বাবধানের ভার দেওয়া হয় আর হেমচন্দ্রকে বই-বাধাই বিভাগের অধ্যক্ষ করিয়া দেওয়া হয়। সেই সময় সুপারিনটেন্ডেন্ট সাহেব উহাদের প্রত্যেককে মাসিক ৫ টাকা করিয়া ভাতা দিবার জন্ত চিফ-কমিশনারের অমুমতি চান। পাঁচ টাকার নাম শুনিয়াই চিফ-কমিশনার লাফাইয়া উঠিলেন। কয়েদীর মাসিক ভাতা পাঁচ-টাকা! আরে বাপ! তাহা হইলে ইংরেজ রাজ যে ফতুর হইয়া যাইবে! অনেক লেখালিখির পর মাসিক একটাকা করিয়া বরাদ্দ হইল। যথা লাভ!

ক্রমে ক্রমে আমাদের রান্নাঘরের পাশে একটা ছোট পুদিনার ক্ষেত দেখা দিল; তাহার পর দুই চারিটা লকা গাছ, এক আধটা বেগুন গাছ ও একটা কুমড়া গাছও আসিয়া জুটিল। এ সমস্ত শাস্ত্রবিরুদ্ধ ব্যাপার ঘটিতে দেখিয়া জেলার মাঝে মাঝে তাড়া করিয়া আসিত; কিন্তু সুপারিনটেন্ডেন্টের মনের এক কোণে আমাদের উপর একটু দয়ার আবির্ভাব হইয়াছিল। তিনি এ সমস্ত ব্যাপার দেখিয়াও দেখিতেন না। জেলারের প্রতিবাদের উত্তরে বলিতেন—“এরা যখন চুপ চাপ করে আছে, তখন এদের আর পিছু লেগো না।” এরূপ দয়া প্রকাশের কারণও ঘটিয়াছিল কর্তৃপক্ষের আটঘাট বন্ধ রাখিবার শত চেষ্টা সত্ত্বেও মাঝে মাঝে দেশের খবরের কাগজে তাঁহাদের কীর্তিকাহিনী প্রকাশ হইয়া পড়িত। তাহাতে তাঁহাদের মেজাজটা প্রথম প্রথম বিলক্ষণই উগ্র হইয়া উঠিত; কিন্তু শেষে অনেকবার ঠেকিয়া ঠেকিয়া তাঁহারাও শিথিয়াছিলেন যে কয়েদীকেও বেশী ঘাঁটাইয়া লাভ নাই।

মেজাজ একটু ঠাণ্ডা হইবার প্রবলতর কারণ জর্মানীর সহিত ইংরেজের যুদ্ধ। যুদ্ধ বাধিবার অল্পদিনের মধ্যে কর্তাদের মুখ যেন শুকাইয়া গেল। কয়েদীদের তাড়া করিবার প্রবৃত্তি আর বড় বেশী রহিল না। অষ্ট্রীয় রাজপুত্রের হত্যাকাণ্ড হইতে আরম্ভ করিয়া প্যারী নগরীর ২০ মাইলের মধ্যে জর্মান সৈন্যের আগমন সংবাদ সবই আমরা জেলের ভিতরে বসিয়া পাইতেছিলাম। শেষে যখন এমডেন আসিয়া মাদ্রাজের উপর গোলা ফেলিয়া চলিয়া গেল তখন ব্যাপারটা আর সাধারণ কয়েদীর নিকট হইতে লুকাইয়া রাখা সম্ভবপর হইল না। ইংরেজের বাণিজ্য ব্যাপারের যে যথেষ্ট ক্ষতি হইতেছে তাহা কয়েদীদেরও বুঝিতে বাকি রহিল না। আগে পিপা পিপা নারিকেল ও সরিসার তৈল পোর্টলেয়ার হইতে রপ্তানী হইত, এখন সে সমস্তই গুদামে পচিতে লাগিল। জেলে ঘানি চালান বন্ধ হইয়া গেল। শেষে কয়েদীর নিকট হইতে নানারূপ প্রলোভন দেখাইয়া যুদ্ধের জন্ত টাকা সংগ্রহ (war loan) করা হইতে লাগিল তখন পোর্টলেয়ারে গুজব রটিয়া গেল যে, ইংরেজের দফা এবার রফা হইয়া গিয়াছে। জেলের দলাদলি ভাঙ্গিয়া গিয়া শক্রমিত্র সবাই মিলিয়া জর্মানীর জয় কামনা করিয়া ঘন ঘন মালা জপিতে আরম্ভ করিল। জর্মানীর বাদসা নাকি হুকুম দিয়াছে যে সব কয়েদীকে ছাড়িয়া দিতে হইবে! সাহেবদের আরদালীরা আসিয়া খবর দিতে লাগিল যে আজ সাহেব সংবাদ পত্র পড়িতে পড়িতে কাঁদিয়া ফেলিয়াছে, কাল সাহেব না খাইয়া বিছানায় মুখ গুঁজিয়া পড়িয়াছিল

ইত্যাদি ইত্যাদি। বাঁকে বাঁকে ভবিষ্যৎ জুটিয়া গেল। কেহ বলিল পীরসাহেব স্বপ্ন দেখিয়াছেন যে ১৯১৪ সালে ইংরেজের ভরা ডুববে, কেহ বলিল এ কথা ত কেতাবে স্পষ্টই লেখা আছে! মোটের উপর সকাল হইতে সন্ধ্যা পর্যন্ত এই একই আলোচনা চলিতে লাগিল।

কয়েদীদের মনের ভাব শেষে কর্তৃপক্ষেরও অগোচর রহিল না। ইংরেজ যে যুদ্ধে হারিতেছে না একথা প্রমাণ করিবার জন্ত জেলের সুপারিন্টেন্ডেন্ট আমাদিগকে বিলাতের টাইমস পত্রের সাপ্তাহিক সংস্করণ পড়িতে দিতেন। কিন্তু টাইমসের কথা বিশ্বাস করাও ক্রমে দায় হইয়া উঠিল। টাইমসের মতে ইংরাজ ও ফরাসী সৈন্য প্রত্যহ যত মাইল করিয়া অগ্রসর হইতেছিল, মাস কতক পরে তাহা যোগ দিয়া দেখা গেল যে তাহা সত্য হইলে ইংরাজ ও ফরাসী সৈন্যের জর্মানী পার হইয়া পোলান্দে গিয়া উপস্থিত হওয়া উচিত ছিল; অথচ, পোলাও ত দূরের কথা, রাইন নদীর কাছাকাছি হওয়ার কোন সংবাদ পাওয়া যাইতেছে না। সাধারণ কয়েদীরা ইংরেজের স্বপক্ষে কোন কথা কহিলে একেবারে খাপ্পা হইয়া উঠিত। কর্তারা যে মিথ্যা খবর ছাপাইয়া তাহাদের পট্ট দিতেছে এ বিষয়ে আর কাহারও সন্দেহ মাত্র ছিল না।

নূতন নূতন যে সমস্ত কয়েদী দেশ হইতে আসিতে লাগিল, তাহারা নানা-প্রকার অদ্ভুত গুজব প্রচার করিয়া চাঞ্চল্য আরও বাড়াইয়া তুলিল। এক দল আসিয়া আমাদের সংবাদ দিল যে তাহারা বিশ্বশুস্রুত্রে দেশ হইতে শুনিয়া আসিয়াছে যে এমডেন পোর্টরেন্নারের জেলখানা ভাঙ্গিয়া দিয়া রাজনৈতিক কয়েদীদের লইয়া চলিয়া গিয়াছে। আমাদিগকে সশরীরে সেখানে উপস্থিত দেখিয়াও তাহারা বিশ্বাস করিতে চাহিল না যে গুজবটা মিথ্যা! তাহারা যে ভাল লোকের কাছে ও কথাটা শুনিয়াছে। ঋতির চেয়ে প্রত্যক্ষতা ত আর বড় প্রমাণ নয়!

ক্রমে পাঠান ও শিখ পন্টনের অনেক লোক বিদ্রোহের অপরাধে পোর্ট-রেন্নারের আসিয়া পৌঁছিল। তাহাদের কেহ কেহ ফ্রান্স, কেহ বা মেসো-পোটোমিয়া হইতে আসিয়াছে। পাঠানদের মুখে মুখে এনভার বের দৈব শক্তি সশব্দে যে সব চমৎকার গল্প প্রচারিত হইতে লাগিল তাহা শুনিয়া কয়েদীদের বুক আশায় দশ হাত হইয়া উঠিল। এনভার বে তোপের সম্মুখে দাঁড়াইলে নাকি খোদার কোদরতে তোপের মুখ বন্ধ হইয়া যায়। তিনি আবার নাকি পক্ষীরাজ ঘোড়ায় চড়িয়া একদিন মূলতান সরিফে আসিয়া

অচিরে জগদ্ব্যাপী মুসলমান সাম্রাজ্য, প্রতিষ্ঠার আশা দিয়া গিয়াছেন। জার্মানীর বাদশাও নাকি কল্মা পড়িয়া মুসলমান ধর্ম গ্রহণ করিয়াছে!

এ সব কথার প্রতিবাদ করিয়া কয়েদীদের বিদ্বেষভাজন হওয়া ছাড়া আর অল্প কোনও ফল নাই দেখিয়া আমরা চূপ করিয়া থাকিতাম। তবে যথাসম্ভব সত্য ব্যাপার জানিবার জন্ত সংবাদ পত্র জোগাড় করিবার চেষ্টায় উঠিয়া পড়িয়া লাগিয়া গেলাম। গদর দলের শিখেরা পোর্টরেন্নারের কয়েদ হইয়া আসিবার পর পাছে জেলের মধ্যে দাঙ্গা-হাঙ্গামা হয়, সেই ভয়ে জেলে পাহারা দিবার জন্ত দেশী ও বিলাতী পন্টন আমদানি করা হইয়াছিল। বিলাতী পন্টনের মধ্যে আইরিস অনেক ছিল। আর তাহারা যে ইংরেজের বিশেষ শুভার্থী ছিল তাহাও নয়। স্তত্রাং সংবাদপত্র সংগ্রহ করা একেবারে অসম্ভব ছিল না। তা' ভিন্ন নূতন নূতন যে সমস্ত রাজনৈতিক কয়েদী আসিতে লাগিল তাহাদের নিকট হইতেও দেশের অবস্থা বুঝিতে পারিতাম। এমডেন ধরা পড়িবার পরে একটা গুজব শুনিয়াছিলাম যে ঐ জাহাজে যে সমস্ত কাগজপত্র পাওয়া গিয়াছিল তাহার মধ্যে পোর্টরেন্নারের একটা প্র্যান ছিল; বোধ হয় ভবিষ্যতে কোনরূপ আক্রমণের ভয় হইতে উদ্ধার পাইবার জন্ত পোর্টরেন্নারের সৈন্যসংখ্যা বৃদ্ধি করা হইয়াছিল ও দুই চারিটা তোপেরও আমদানি করা হইয়াছিল।

পোর্টরেন্নারের মিলিটারী পুলিশের মধ্যে পাঞ্জাবীর সংখ্যাই অধিক, এবং তাহাদের মধ্যে শিখও যথেষ্ট। পাছে গদর দলের শিখেরা মিলিটারী পুলিশের সহিত কোনরূপ ষড়যন্ত্র করিয়া একটা দাঙ্গা হাঙ্গামা বাধায়, এই চিন্তায় পোর্টরেন্নারের কর্তারা যেন একটু চঞ্চল হইয়া পড়িয়াছিলেন বলিয়া মনে হয়। এই ভয়ে জেলের ভিতরকার শিখদিগের উপর তাহাদের ব্যবহার বেশ একটু কঠোর হইয়া দাঁড়াইত। একে ত আমেরিকা প্রত্যাগত শিখদিগের রুটি ও মাংস খাওয়া অভ্যাস; জেলের খোরাক খাইয়া তাহাদের পেটই ভরে না; তাহার উপর মাথায় লম্বা লম্বা চুল ধুইবার জন্ত সাবান বা সাজিমাটা কিছুই পায় না। শেষে যখন তাহাদের উপর ছোট ছোট অত্যাচার স্বরূপ হইল তখন তাহাদের মধ্যে একজন (ছত্র সিং) ক্ষিপ্তপ্রায় হইয়া সুপারিন্টেন্ডেন্টকে আক্রমণ করিবার চেষ্টা করে। বেচারীকে তাহার ফলে দুই বৎসর কাল পিঁজরার মধ্যে জীবন থাকিতে হয়। ধর্মঘটও পুনরায় আরম্ভ হইল। কিন্তু যে সকল নেতারা শিখদিগকে ধর্মঘট করিবার জন্ত উত্তেজিত করিলেন তাহারা ই কার্যকালে সরিয়া দাঁড়াইলেন। শেষে দলাদলির সৃষ্টি হইয়া ধর্মঘট ভাঙ্গিয়া

গেল। যুদ্ধ খামিয়া গেলে আমাদের ভাগ্যবিধাতা আমাদের জন্ত কোন নূতন ব্যবস্থা করেন কিনা তাহাই দেখিবার জন্ত সকলেই উদগ্রীব হইয়া বসিয়া রহিল।

ক্রমশঃ।

অকরণ পিয়া

[কাজী নজরুল ইসলাম]

আমার পিয়াল বনের শামল পিয়ার ঐ বাজে গো বিদায় বাঁশী।
পথ-ঘুরানো সুর হেনে সে আবার হাসে নিদয় হাসি ॥
পথিক ব'লে পথের গেহ
বিলিয়েছিল একটু মেহ,
তাই দেখে তার ঈর্ষাভরা কান্নাতে চোখ গেল ভাসি ॥
তখন মোদের কিশোর বয়েস যেদিন হঠাৎ টুটিলো বাঁধন,
সেই হ'তে কার বিদায়-বেগুর জগৎ-জোড়া শুন্ছি কাঁদন।
সেই কিশোরীর হারা-মায়া
ভুবন ভ'রে নিল কায়া,
হলে আজো তারি ছায়া আমার সকল পথে আসি' ॥

মনস্তত্ত্বের দিক

[শ্রীসত্যবালা দেবী]

স্ত্রী-পুরুষের অবাধ মেলামেশার কথা হচ্ছে—
পশ্চাত্য দেশে যেখানে মুখের বুলি—Perish secrecy! Tear off veils! Banish all reserve between the sexes! সেখানেও কাজের ধারটুকুর বেলায় মেলামেশা অবাধে চলে না। মেলামেশা বারণ নয় এই পর্যন্ত,—না চলবার কারণ যথেষ্ট আছে। সামাজিক বিধি ব্যবস্থা এমন ভাবে

সাজান যে ও জিনিষটা আছে স্থূল চোখে দেখায় মাত্র। স্বল্পদৃষ্টিতে কার্যতঃ নেই। অবশ্য সমাজের নিয়ন্ত্রণের কথা স্বতন্ত্র। সে কোন দেশেই বা নয়! ইংলও জা'গ্রাণী প্রভৃতি দেশের আভিজাত্য শ্রেণীর ঘরে ধরাবাঁধা আমাদের দেশে ভদ্র ঘরেরই মত।

প্রাচ্যের ব্যবস্থাটা অনেকটা যেন পশ্চাত্যের উল্টো। এ দেশের অবস্থাটা যেন কড়ায় কড়ী কাহণে কাণা। মুখের বুলির ভিতরে ছুঁচ গলে না বটে,—ব্যবস্থা এমন জাঁট সাঁট। কাজের বেলায় কিন্তু হাতি গলে যায়,—অভ্যাস এত শিথিল। ধারা জিনিষটা বৃত্তে চান তাঁদের unbiassed হয়ে এই কলিকাতারই গৌড়া ব্রাহ্ম ও গৌড়া হিন্দু পরিবারের অবস্থা পর্যবেক্ষণ কর্তে বলতে পারি।

গৌড়া হিন্দু ও গৌড়া ব্রাহ্মর উদাহরণটা সামাজিক অভিমত হিসাবে দিচ্ছি না। symbol হিসাবেই দিচ্ছি। খুব unbiassed হয়েই দিচ্ছি। একেবারেই উদাহরণ মাত্র।

আমাদের দেশে ত বটেই, পৃথিবীর সকল দেশেই তাই,—মাঝে মাঝে এতদিন যেন পূর্বপুরুষের জমান টাকার মত পূর্ব যুগের সঞ্চিত কর্মে বাঁচছিল,—সে সঞ্চয় এইবার ফুরিয়েছে। এতদিন সত্য সত্যই কোনও দেশে মেয়েদের কর্মক্ষেত্রে এসে দাঁড়াবার কোনও দায় হাজির হয় নি। মেয়েরা অনেক দেশেই বাইরে এসেছে কর্মে ভিড়েছে, হয় সখ নয় ভাবের প্রেরণা, যা হোক এই রকম একটা কিছুতে। এখনকার অবস্থা আর তা নয়। ঠিক আজিকার পৃথিবীতে যদি নিখিলেশকে বিমলার কাছে ঘরে বাইরের হিসাব দিতে হয়, সম্ভবতঃ তাকে বলতে হবে—ঘরে তুমি আমার জন্ত যা করচ এ সামান্য কিছু, আমিও তোমার জন্ত যা করছি যৎসামান্য মাত্র। বাইরে তুমি এর চেয়ে অনেক কিছু কর্তে পারবে,—আমিও পারব। আর পরস্পর তা না করে আমরা বাঁচতেও পারব না। দিনকাল এমন পড়চে।

সংসারটা মেয়ে পুরুষের লেন দেন নিয়ে বাণিজ্যের নিয়মেই চলচে এ কথা অস্বীকার করে তর্ক করা গায়ের জোর ফলানরই সামিল। বাণিজ্যে যারা বিশেষজ্ঞ তাদের বলি বেণিয়া। ইংরাজ যে জাত বেণিয়া সে আমরা হাড়ে হাড়ে বুঝি। সম্প্রতি সংবাদ এসেচে যে “বিলাতে নারী আর একটি নূতন অধিকার লাভ করিলেন। স্থির হইয়াছে, এখন হইতে তিন বৎসর পরে তাঁহারা বিলাতের সিভিল সার্কিসে পুরুষের ত্রায় প্রবেশাধিকার পাইবেন।”

অল্প কিছু দিন পূর্বে তাঁরা সে দেশের পার্লামেন্টে প্রবেশাধিকার পেয়েছিলেন। আরো ঠিক হয়েছিল যে পুরোহিতের কাজ বিচারকের কাজ আর এই সিভিল সার্কিস তিন ছাড়া অপর সকল কাজই তাঁরা কর্তে পারেন। সম্প্রতি সিভিল সার্কিসও মঞ্জুর হয়ে গেল। কালে কালে ও দুটোও মঞ্জুর হবে না কে বলতে পারে? বেণের বুদ্ধি ঠকবার চিহ্ন নয়। ইংরাজ জাতি ভাবোচ্ছাসে কিছু চালাবার বান্দা নয়। ইংরেজের ঘরে যখন চলে গেল তখন বুঝতে হবে ওর ভিতর আঙ্গার নেই ধান্দা নেই আছে খাঁটি নিরেট যোগ্যতা। মেয়েরা উপযুক্ত সে বিষয়ে এতটুকু সন্দেহ থাকতে এ মঞ্জুর হবার কথা নয়, সন্দেহ মিটেই তবে মঞ্জুর হয়েছে। আরো একটা কথা আছে। যোগ্য প্রতিপন্ন হয়েছে, হলেই বা। যোগ্যকে তাঁর উপযুক্ত আসন দিতে সংসার কি হাত ধুয়ে বসে আছে নাকি? কাজের সঙ্গে কাজের একটা বেতন আছে। কাজটা করা যত শক্তই হোক সে লোভটা ছাড়া আরো শক্ত। বেণের লোভও খুব অতিরিক্ত। এই লোভের সঙ্গে সেখানে কি রকমে মিটমাট হল? বেণিয়া কি সেখানে আপনার জাতিধর্ম ছেড়ে হঠাৎ স্ববিচারের অবতার হয়ে উঠেছে! আমাদের ঘরে পুরুষদের কথাটা নিয়ে একটু ভাবতে অনুরোধ করি। মনে থাকে যেন movement এবং agitation এর ক্ষেত্রে এতদিন তাঁরা রূপক হিসাবে মেমসাহেবদের সতীন ছিলেন। কর্তাটা স্ববিচারের কলার কাঁদি কি না তাঁরা ত জানেনই।

সত্য কথা এই এখানেও ব্যবসার কার্য্য নির্বাহ (Transaction) হয়ে গেছে।

কমন্স, না অর্থটা যদি সম্পদ হয় কর্মও একটা সম্পদ। অর্থের মত তারও একটা হিসাব পদ্ধতি (economy) আছে। তারই নীতি অনুসারে সেখানে প্রতিপন্ন হয়ে গেছে যে মেয়েদের কর্মক্ষমতা এই সব কাজে লাগালে Nation এর কর্মক্ষমতা আরো অনেক কুলিয়ে যাবে। যোগ্যতায় গ্রেটব্রিটেন উচিয়ে উঠবে।

এ ব্যাপারটা হঠাৎ এমন পরিষ্কার হয়ে উঠলই বা কেন? হঠাৎ হয় নি। বাইরের বায়ুমণ্ডল উষ্ণতায় ৫০° ডিগ্রি হতে ৪০° ডিগ্রিতে নেমে পড়ে শরীরকে ঐ ১০° ডিগ্রির উপযুক্ত বেশী তাপ সঙ্গে সঙ্গেই উৎপন্ন করে নিতে হয়। এই জ্ঞান ও এই ব্যবস্থা ঠিক এমনি করেই হয়েছে, হঠাৎ হয় নি। ব্যাপার এমনটা দাঁড়িয়ে পড়েছে যে বাইরের জগৎ ডিগ্রি কতক বেকে নির্মম হয়ে গ্রেটব্রিটেনকে চেপে ধরেছে। সেই ডিগ্রিকতকের উপযুক্ত যোগ্যতা সঙ্গে উৎপন্ন করে না নিতে পালে গ্রেটব্রিটেনের জাতীয় স্বাস্থ্য অক্ষুণ্ণ থাকে না।

বিলাতের এই সংবাদটুকু আমি উদ্ধৃত করেছি বাংলা সংবাদপত্র দৈনিক বহুমতী হতে। তার কারণ কাগজটির মন্তব্যটুকু আমার কাজে লাগবে। মন্তব্য এই যে অধিকার টুকুকে নারীর গ্রাঘ্য অধিকার বলে স্বীকার করা হয়েছে। আনন্দের সংবাদ বলেও স্বীকার করা হয়েছে। অবশ্য ভারতের নারীর এতখানি অধিকার গ্রাঘ্য কিনা সে সন্দেহ কোনও উল্লেখ নাই, সে উল্লেখের প্রয়োজনও বুঝি না। এ অধিকার লাভে উপযুক্ত হলে নারীর এ অধিকার লাভ গ্রাঘ্য আর পুরুষের পক্ষেও সেটা আনন্দের সংবাদ এ স্বীকৃতিটুকুও আমাদের পক্ষে আনন্দের বিষয় সন্দেহ নাই। এমন সংবাদ ভারতের নারীকে যোগ্যতা উপার্জনে উৎসাহ দিতে পারে। আমি দৈনিক বহুমতীকে এইটুকুর জন্তই ধন্যবাদ দিচ্ছি। পাটেল-বিল প্রভৃতি ব্যাপারের সময় প্রতিবাদ পক্ষেই দৈনিক বহুমতীর স্থান, সেটা রক্ষণ শীতলার পরিচয়—আবার circulation 16000 Daily এটাও লোক প্রিয়তার পরিচয়। স্বতরাং রক্ষণশীল সমাজের অনেকেরই কল্যাণ কর্ণে নারীর যোগ্যতা উপার্জন চেষ্টা মতের অমূল্য দাঁড়াইয়াছে বহুমতীর মন্তব্যে আমার এইটাই যেন মনে হল।

পৃথিবীর সর্বত্রই মাহুষের সঞ্চিত কর্ম ফুরিয়েছে—বাঁচতে হলে এখন প্রত্যেক জাতিকে নূতন কর্ম সঞ্চয় কর্তে হবে, গ্রেটব্রিটেন উপস্থিত এটা বুঝে এর ব্যবস্থা কর্তে—মেয়েদের নূতন অধিকার দান সেই সন্দেহই হয়ে গেছে। ভারতবর্ষেরও সঞ্চিত কর্ম ফুরিয়েছে তা সত্য—নূতন কর্ম সঞ্চয় কর্তে হবে তাও প্রত্যক্ষ—এখন বোঝা আর ব্যবস্থা করা এইখানটাতেই নাকি ঠেকে গেছে। আমরা বুঝি—বুঝে ত এখনও কিছু ঠাহর কর্তে পারি নি সেটা কি? ব্যবস্থা বড় সোজা ব্যাপার নয়। একবার কবে ব্যবস্থা হয়েছিল সে কত মুনি ঋষি এসে তবে।

গ্রেটব্রিটেনের বোঝা এখনও শেষ হয় নি; কিন্তু ব্যবস্থা হয়ে যাচ্ছে। বোঝার ভুলের দ্রুপ ব্যবস্থার ভুল হয়ে গেলেই যে জাত যাবে এমন ভয় তারা করে না। বলে তখন ঠিক বুঝলে ব্যবস্থাটাও না হয় শুধরে ঠিক করে নোব।

ব্যবস্থা ত হয়ে গেল যে মেয়েরা ঐ সব কাজ কর্তে—কেন?—না তাদের বুদ্ধি ও বৃত্তিতে চমৎকার ও সব কাজ কুলিয়ে গেছে! এখন ও সব কাজ কর্তে হলে ত মেয়েদের অবাধে মেলামেশা কর্তে হবে। পুরুষে পুরুষে যেমন মেয়ে পুরুষেও তেমনি একটা অবাধ অক্ষুণ্ণ স্বাচ্ছন্দ নিয়ে আসতে হবে। মেয়ে পুরুষ উভয়েরই বৃত্তিতে বৃত্তিতে ওটাত বর্তমান মনস্তত্ত্ব চমৎকার কুলিয়ে

যায় নি। সে রকম মন হলে আজ পর্যন্তও সামাজিক বিধিব্যবস্থা কার্যতঃ মেয়ে পুরুষে অবাধ মিলনের অন্তরায় খাড়া রেখেছে কেন? ভবিষ্যতের জ্ঞান কর্ম সঞ্চয়ার্থে যে সব ব্যবস্থার প্রচলন কর্তে হয় তাতে অবাধ মিলন অনিবার্য হয়ে পড়ে—আবার অবাধ মিলন চালাতে গেলে তার উপযুক্ত একটা মনস্তত্ত্ব না হলেও নয়। প্রাণের দায় ঠেকেকে। বিধি ব্যবস্থা চাইই। আবার সেই দায়কে সর্ব্বশ্ব করে মনস্তত্ত্বের উপযোগীতা অস্বীকার কলেও চলে না। সে ভাবে চলতে গেলে সমাজের জোট এমন পাকিয়ে যাবে এমন সব সমস্যার উদয় হবে যে সে সব সামলান অসম্ভব বলেই হয়।

এই যেমন আলোচনা করচি এমন আলোচনা সেখানে হয় নি। সেখানে নূতন কিছু চালিয়ে দেওয়া হয়েছে আর সেই নূতন কিছু চলবার জন্তে নূতন কিছু শেখাবার ব্যবস্থা হচ্ছে। মনে কেমন একটা জোর, হবেই। হা হতোষি ভাব একবারেই নয়। খোঁচ খাঁচ যা দেখতে বীরদত্তে বলচে—ও বৈক কুঁদের মুখে সিধা হবেই। এই সমস্ত কারণে Sex-instruction এখন বিলাতী আসর জমাচ্ছে মন্দ নয়। সেখানে London University Conference on Education বসলেও তাতে এ আলোচনা দৃশ্য নয়। সে আবার আধ্যাত্মিক আলোচনা হলে বাঁচতুম! সম্প্রতি নাকি একটা প্রবল আলোচনায় স্থির হচ্ছিল—early education in Sex-biology and sex-psychology was the child's best and only safeguard. অর্থাৎ যৌন সম্বন্ধীয় মনোবিজ্ঞান ও শরীরবিজ্ঞান ছেলেদের খুব অল্পবয়স থেকে শিখিয়ে রাখলে তাদের বিপদের ভয় সবচেয়ে কেটে থাকে।

অর্থাৎ এ বিষয়ে নিজের ভালমন্দ আর দুনিয়ার কাণ্ড কারখানা জেনে ছেলে মেয়ে বাঁচ হয়ে থাক। মানুষের ইচ্ছাটার স্বাভাবিক গতি ত ভালরই দিকে। সব জিনিষ অবাধে জানিয়ে রাখলে অবাধে ছেড়ে দিতে দোষ কি?

আমরা কিন্তু এ ব্যবস্থায় কিছুতেই কচি প্রকাশ কর্তে পার্ক না! ছেলে মেয়ে গুলোকে এঁচোড়ে পাকিয়ে তুললে তাদের মন্দথেকে রক্ষা করা হবে এ যুক্তি পরিপাক করা আমাদের কর্ম নয়। আমাদের অভিজ্ঞতা আর একরকম বলে। সে যাই হউক, তাঁদের ও কথাটাও তাঁদের দেশে নূতন নয় তাঁদেরও বোঝার একটা স্বাভাবিক ঝোঁক ওই দিকে আছে। মানুষের ইচ্ছার স্বাভাবিক গতি ভালর দিকে। এই জ্ঞানের ওপর ভারা মানুষকে অবাধে ছেড়ে দিয়ে নিশ্চিন্ত থাকে। মানুষও সেখানে খুব সতর্ক, কোন্টা কি বুঝে বুঝে আপনায়

পারের ওপর ভর করে এগোয়ও বৈকি! মন্দকে তারা ভয় করে না, আমরা যে ভাবে ঘৃণা করি তাদের ঘৃণাটাও ঠিক সে ভাবের নয়। তারা সাহসের সঙ্গে জোর করে মন্দকে নিংড়ে তার থেকে ভালকে বারকরে নেয়। তাদের মনস্তত্ত্ব আর আমাদের মনস্তত্ত্ব তফাৎ আছে।

দেখ না কেন আমরা জানি না কি অতি নিকট জাতীয় স্বথ পর্যন্ত সেই ব্রহ্মানন্দেরই আভাষ। কিন্তু কি তাই বলে বলচি যে নিকট স্বথকেই মেনে নাও সেই ক্রমশঃ উৎকৃষ্টে উঠবে। ঠিক ঠিক জেনেও বুঝে চলবার চেষ্টা থাকলে ঐ ভালর দিকে ইচ্ছার যে স্বাভাবিক গতি আছে সে আভাষকে প্রকাশ পর্যন্ত পৌঁছে দেবেই। আমরা ত তা বলি না, আমরা বলি শেষ যখন উৎকৃষ্ট আর নিকটের ভিতর দিয়েই উৎকৃষ্টে পৌঁছাতে হবে এমনও কোনও বাঁধাধরা নিয়ম নেই তখন কিসের জন্ত আমরা নিকটকে স্পর্শ কর্তে যাব। তাকে এড়িয়ে কি উৎকৃষ্টে হাজির হওয়া যায় না? আবার নিকট যখন আছে তাকে এড়িয়ে চলবার মুখে হঠাৎ তার সামনে পড়বারও সম্ভাবনা আছে।

আমরা নিকটকে এড়িয়ে চলি তাই এত ধরা বাঁধা—সে হঠাৎ এসে পড়লে চেপে যাই, চুপে চুপে তাকে বেড়ে ফেলি তাই গেরোর মুখেও ফাঁস রাখতে হয়। ওরা নিকটকে ধরেই তার ভিতর দিয়ে উৎকৃষ্টে পৌঁছাতে চায় তাই নিকট যাতে নিকটই দাঁড়িয়ে না পড়ে তার জন্তে ওদের দিনরাত নিকটকে ঠেলতে হচ্ছে। আমাদের ধরা বাঁধা নিয়মে আছে আবার নিয়মের অনবরত ব্যতিক্রমও আছে। ওদের নিয়মে ধরা বাঁধা নেই কিন্তু কাজে দিনরাত ধর ধর চলেচে। এই জন্তে আমাদের মুখের কঠোরতা কাজের বেলায় শৈথিল্য দাঁড়িয়ে যায়। ওদেরও মুখের উদারতা কাজের সময় বেহদ সক্ষীর্ণতা হয়ে পড়ে। মনের স্তরে দাঁড়িয়ে আমরা পরস্পর স্নেহ করি ঘৃণা করি কিন্তু মনের উপরের যে স্তর—সেখানে উভয়েই একস্থানে দাঁড়িয়ে আছি।

মন একই মানুষের যখন আজ এক, কাল আর হয় অথচ মানুষ সেই মানুষই থাকে তখন মন ছাড়া যে আমাদের মধ্যে আর একটা কিছু আছে—তার ওপরে আর একটা স্তর আছে সে আর বোধ করি বুঝিয়ে বলবার প্রয়োজন নাই। জিনিষটা কি না বুঝলেও জিনিষটা যে আছে তা বেশ বোঝা যায়। যে মেয়ে পুরুষের মিলন নিয়ে পৃথিবীতে এত ধরা বাঁধা এই মনের স্তর ছাড়িয়ে উঠলে সেই মেয়ে পুরুষের মধ্যে অবাধ মিলন ত তুচ্ছ কথা—অভেদ মিলনও

মানিয়ে যায়। মনের স্তরের ওপরের যে জ্ঞানদৃষ্টি তাই বলে দূরদর্শন ভবিষ্যৎ দৃষ্টি বা সূক্ষ্ম দৃষ্টি।

বিলাতে মেয়েদের যতখানি অধিকার দেওয়া হল তাতে তাদের আর্থিক স্বাভাবিক আসবে নিশ্চয় স্তরায় একটা বড় নিকৃষ্টের সম্ভাবনাকে সে বন্ধনমুক্ত করল—আমাদের মনস্তত্ত্বের দিক দিয়ে ভাবলে আমরা তাইই মনে করি বটে কিন্তু তাদের মন দিয়ে তারা নিকৃষ্টের সম্ভাবনাটাকে উৎকৃষ্টের দিকে অগ্রসর হওয়াই মনে কর্চে। জানচে বটে যে নিকৃষ্ট জুড়ে বসবার চেষ্ঠা কর্লে তাকে খুব বড় ধাক্কাই দিতে হবে, সে ধাক্কা দেওয়াও তাদের স্বধর্ম সিদ্ধ। আর যদি প্রয়োজন হয় তার জ্ঞান যা উপকরণ সেও তাদের হাতের কাছে আসবেই। তখন তারা মরবে না বা অধঃপাতেও যাবে না।

বাহিরের জগতের নিশ্চয়তা আমাদের Freezing-point একেবারে নাকি 32. Fahrenheit এ চেপে ধরেচে। এই ইঞ্জিনিয়ার মণিবৎ অবস্থাতেও আমাদের স্নায়ুজাল আন্দোলিত হতে আরম্ভ করেচে। ডিগ্রিকতক যোগ্যতা না উৎপন্ন কর্লে আর চলচে না। অর্থ সম্পদ ত বছদিন হতেই অনর্থ বলে মাটিতে গেড়ে বসেচি তার ওপর দিয়ে এখন বিলেতী exchange এর আদরের জল গড়িয়ে আমাদের মান মর্যাদা সব ধুয়ে নিয়ে চলেচে। দেহে প্রাণটুকু যতক্ষণ ধুক্ ধুক্ কর্চে কর্খ সম্পদ হারাতে হারাতেও যেটুকু বজায় আছে সেটুকুর হিসাব কর্লে বসে ক্ষমতার পরিমাণ খতাবার সময় মেয়েদের দরকার পড়বে কি না কে বলতে পারে? কেন না যোগ্যতা উৎপন্ন কর্কার সময় আমরা যে আমাদের মনস্তত্ত্ব সঙ্গত পদ্ধতি ছেড়ে অল্পপথ বাহুতে যাব তাতে মনে হয় না। অমঙ্গলকে এড়িয়ে চলবার মত অযোগ্যতার হেতু যত কিছু বুঝবো সে গুলোকে কেটে ছেঁটে উড়িয়ে দেবার উৎসাহই আমাদের প্রবল হবে। চলতে চলতে নিকৃষ্টের সঙ্গে মারামারি আমাদের অভ্যাসেই নেই। পথ আগে নিরঙ্কুশ করে নিয়ে তারপর অযোগ্যতাকে এড়িয়ে এড়িয়ে চলতে থাকলেই যোগ্যতা আসবে, এমনি ধারা সনাতন যুক্তি ছাড়া নূতন কিছুই আমরা ভাবতে পারব না।

মেয়েদের মধ্যে যদি অযোগ্যতার হেতু থাকে তাদের ডাক নিশ্চয়ই পড়বে! নিকৃষ্টকে ঠেকিয়ে রেখে অযোগ্যতাকে উড়িয়ে দেবার কড়া তাগাদা—মেয়েদের উপলক্ষ্য করে বেশ একটা সমস্যা নিয়ে আসবে। তখন সেই সমস্যার কারা সমাধান কর্বে—মেয়েরা নিজেরা করে নেবে না পুরুষরা করে দেবে—

নূতন কতকগুলো অধিকার মেয়েরা পাবে কি মেয়েদের চেয়ে পুরুষরা আরো কতকগুলো বেশী অধিকার পাবে—এসব চোখ চেয়ে দেখবার। বুঝে ত সব হবে।

আমাদের দেশে মেয়েরা কোথাও মেশে না, কিছু করে না, কিছু যে পারে তাও সর্ববাদী সম্মত নয়—তারা জানেও না কিছু। সবগুলোই অযোগ্যতার হেতু; স্তরায় তাদের এই সমস্ত গুণ নিরীক্যে যেমন ছিল তা অতঃপর থাকতে পারে না। পথ নিরঙ্কুশ কর্কার জ্ঞান কেবলি কেটে উড়িয়ে দেবার চেষ্ঠা হবে। আবার মেয়েরা যদি হৈ চৈ করে ঘুরে বেড়াতে আরম্ভ করে মর্দানি দেখিয়ে পুরুষের মুখাপেক্ষা ছেড়ে দেয়, সত্যি যদি এজলাসে মেজেষ্টর হয়ে বসে অথবা দারোগা হয়ে তদন্তে যায়, বুদ্ধের কিশোরী বধু তাঁরমুখের বিগত যৌবনের অলৌকিক রূপবৃত্তান্ত অবিশ্বাস কর্লে আরম্ভ করে অথবা কেরাণীর স্ত্রী তিনি সাতটা সাহেবকে ভেড়া করে রেখেচেন সে কথা হেসে উড়িয়ে দিতে থাকে, তা হলেও নিকৃষ্ট এসে পড়ে, এগুলোকে যেমন করে হোক এড়িয়ে যেতেই হবে।

জেঠাই মা দিদি মা বরং কিঞ্চিৎ লজ্জাশীলা হয়ে আধ ঘোমটা টানা অবস্থায় সভা সমিতিতে রীতিমত একপাশে বসে সাহেবদের যেমন করে হোক বুঝিয়ে দেবেন রাজনৈতিক আন্দোলন মেয়েরাই সজাগ রেখেচে, কলকারখানা হাট বাজার প্রভৃতির এক একটা অন্তঃপুর তৈরী হয়ে বিলাতী ও বিদেশী শিল্পের সঙ্গে স্বদেশে বিদেশে প্রবল বেগে প্রতিযোগিতা চলবে, কোলের ছেলটাকে কোলে করে আর তিন চারটার গোলমাল থামিয়ে প্রকাণ্ড সংসারের হেনশেল ঠেলতে ঠেলতে বো ঠাকরুণ একটা রাষ্ট্রীয় সমিতির শাখা গঠন করে ফেলবেন, টনি পুচি খেদি খোকাকে ধরে মায়ের কাজকর্মে যোগাড় দিয়ে পুতুলের বাজ বগলে নিয়েই বারোটা থেকে তিনটে পর্যন্ত বড়ো পণ্ডিতের স্কুলে হাজিরা দিয়ে ন দশ বছর বয়সের মধ্যেই সাক্ষাৎ স্বরস্বতী হয়ে উঠবে ঠিক এমনিটা কে এসে করে দিতে পারে তার অপেক্ষায় পথচেয়ে বসে থাকা অথবা কেমন করে হতে পারে সেই আলোচনায় মাসিক পত্রিকা বোঝাই করে ফেলা যে রাস্তা ধরতে চাইচে তাতে চলে আর আমরা কি কর্লে পারি?

আমাদের বর্তমান মনস্তত্ত্ব এইত ব্যাপার? মনের স্তর ছাপিয়ে ওপরে ওঠা আমার তপস্যা। হয়ত বোঝা ভুলও হতে পারে তা যদি হয় তবে এ প্রবন্ধকে কোতুক বলে ধরে নেবেন। তবে নিবেদন অতি সকাতিরই, জানবেন—আপনাদের মনটা আপনারা বুঝতে চেষ্ঠা করুন।

রাজা-সন্ন্যাসী

[ক্রীসাবিত্রীপ্রসন্ন চট্টোপাধ্যায়]

তুমি যে আসিয়াছিলে বসন্তের ছরস্ত পবনে
ফেলি দীর্ঘশ্বাস,
প্রাণের দারুণ ব্যথা জানাইল অশান্ত স্বননে
সমস্ত আকাশ ;
মুহূর্ছ দিকে দিকে ছড়াইয়া তপ্ত পথধূলি,
আকুলিয়া প্রাণ,
আসন্ন বৈশাখী মাঝে মিলনের বসন্ত-বিলাস,
করি অবসান,
তুমি যে আসিলে দ্বারে রুদ্ররূপে সন্ন্যাসীর বেশে
হে নব-অতিথি,
গৈরিক উত্তরী তব অকস্মাৎ বিতথ পরাণে
জাগাইল ভীতি ;—

তোমার অভয়শঙ্খ বারম্বার অম্বুদ-নিনাদে
গৃহাঙ্গন তলে
আস্থান করিয়া নিল একে একে সর্বহার্য প্রাণ
আপনার বলে,
তোমার পিঙ্গলজটা উন্নমাখা সর্বদেহে দিল
মেঘের আভাস,
অঙ্গে বিচ্ছুরিত তেজ যেন কাল-বৈশাখীর বুকে
বিদ্যুৎ-বিলাস,
কণ্ঠে-তব হাড়মালা দীনতার আতিশয্যে হুলি,
হে রুদ্র ভৈরব,
হুর্কল আখির আগে খুলে দিল আপন গৌরবে
অচিন্ত্য বৈভব !

তোমার নয়ন হ'তে দিব্য দৃষ্টি মেলিয়া চকিতে
করি সাবধানী,
বিলাস-বধির কর্ণে শুনাইলে ওগো মহাপ্রাণ,
কি উদাস্ত বাণী,
ধূলিমান জীবনের স্তরে স্তরে ফুটাইয়া ফুল
করণ ইঙ্গিতে,
হৃদয়ের প্রতি রক্ত ভরি দিলে শুধু আত্মতোলা
মধুর সঙ্গীতে,
মোহাবিষ্ট পরাণের অন্ধরূপে হে সান্ত্বিক ঋষি,
তব মন্ত্র-লিখা
বিস্বহিত সাধনার মহাযজ্ঞে জালি দিল আজ
হোমবহি-শিখা !

তখন বুঝিনি আছে শূন্য এই হৃদয়ের মাঝে
তব প্রয়োজন,
রচি নাই অর্থ্য তাই করি নাই তোমারে বরিতে
কোন আয়োজন !
শত জন্ম বসে বসে গেঁথেছি যে বরমালাখানি
আছে তাহা আছে,
কারে ত পারিনি দিতে বসন্তের আনন্দ-হিল্লো লে
যে এসেছে কাছে,
আমার এ শুক মালা আচম্বিতে পুষ্পে পুষ্পে
উঠিবে বিকাশি
তুমি যদি পর গলে তব মহা-মহিমায় শুধু
হে রাজা-সন্ন্যাসী !

চিঠির গুচ্ছ

[শ্রীশচীন্দ্রনাথ সেন গুপ্ত]

তুই দফা

(৯)

(ইংরাজী চিঠির অমুবাদ)

প্রিয়তমে নীহার,

তোমার অবস্থা জেনে বড়ই ব্যথা পেলুম। সত্যই ত ও রকম জীবন যাপন করা বড়ই শক্ত ; বিশেষতঃ তোমার আমার মত লোকের পক্ষে, যারা জীবনটাকে একটু বড় করে দেখতে চায়। তোমাদের সমাজের মেয়েরা ছেলেবেলা হতেই ওই ধরণে অভ্যস্ত হয়ে যায় বলেই তৈমন কোন অস্ববিধা বোধ কেউ করে না। এ কথা পূর্বে তোমায় বলেছি।

এখন কথা হচ্ছে এই যে, তোমাদের সমাজের মেয়েদের মানসিক অবস্থার পরিবর্তন করবার জন্ত কি উপায় অবলম্বন করা যেতে পারে? আমার মনে হয় সব চাইতে আবশ্যকীয় বিষয় হচ্ছে শিক্ষার প্রসার। এই শিক্ষাপ্রচার কল্পে পুরুষের সহায়তা তোমাদের আবশ্যক, অথচ পুরুষ যদি তোমাদের শিক্ষার সুবন্দোবস্ত না করে, তা' হলে তোমরা কি করবে? অজ্ঞানতার অন্ধকারের মাঝে চুপটি করে বসে থেকে জীবন কাটিয়ে দেবে? তা' যদি কর, তা হলে আত্মহত্যার সমান-ই পাপে তোমরা লিপ্ত থাকবে।

তোমাদের পুরুষেরা যদি তোমাদের মুক্ত করে দিতে না চায়, তা' হলে তোমার মত শিক্ষিতা মেয়েদের নিজে একটা দল গড়তে হবে, যারা আপনাদের ছোট-খাট দাবী-দাওয়া বিসর্জন করে চিন্তের সমস্ত শক্তি প্রয়োগ করবে দেশের ভগ্নীদের হুঃখ দূর করবার জন্ত। তারা নিজেদের উপবাসী রেখেও মুক্তিরবাণী প্রচার করবে, যার উদাত্ত-স্বর গৃহপ্রাচীর ভেদ করে অন্তঃপুরে আবদ্ধ নারীদের প্রাণে মুক্তির আকাজক্ষা জাগিয়ে তুলবে—তাদের টেনে নিয়ে আসবে, আলোর মাঝে, আনন্দের মাঝে, জীবনের সত্য পথের-ই উপর।

তোমাদের এই প্রচেষ্টা, বিদ্রোহের সামিল বলেই, তোমাদের সমাজ ঘোষণা করবে—পারিবারিক শাস্তি ভঙ্গ করচ বলে তোমাদের উদ্দেশ্যে গালি

বর্ষিত হবে। কিন্তু শাস্তির ঘুম-পাড়ান গানে তোমরা মুগ্ধ হয়োনা।—ও শাস্তির যে কোনই মূল্য নেই, তা আগে তোমায় একবার বলেছি।

আমাদের দেশকে ত তোমরা স্বাধীনতার লীলাভূমি বলেই জান। কিন্তু আমাদের দেশের লোকই কি পরের ওপর আধিপত্য স্থাপন করবার বাসনা জন্ম করতে পেরেচে? দাসজাতিকে মুক্ত করে দিয়েচে বলে ব্রিটিশ পুরুষ যখন বিশ্বে আপনার আয়পরায়েনতার পরিচয় দিতে উদ্গ্রীব হয়ে উঠেছিল তখনো আপনার দেশের নারীকে চেপে দাবিয়ে রাখতে সে কিছুমাত্র দ্বিধা বোধ করেছিল না। নারীর বড় হবার পূর্ণ হবার, আকাজক্ষা কোন মতে সইতে না পেরে তাদের নিষাভনই করেছিল। তাই বাধ্য হয়ে জনকত নারীকে পুরুষের আধিপত্য অগ্রাহ্য করতে হয়েছিল। অবিরাম সংগ্রামে তারা সমাজের বন্ধন ছিঁড়ে ফেলবার উপক্রম করেছিল। আপনাদের শক্তি প্রয়োগে তারা পুরুষকে বুঝিয়ে দিয়েছিল যে, নারী উপেক্ষার সামগ্রী নয়,—খেলবার পুতুল নয়—বিশ্বে তার স্থান ঠিক পুরুষেরই পাশে।

সত্যের কাছে অসত্যকে চিরদিনই মাথা নোয়াতে হয়—পুরুষের পৌরুষ-গর্বেও তাই টিকল না;—সে স্থান ছেড়ে দিতে বাধ্য হল। পুরুষ তোমাদের গতির বিষয় ঘটালে তোমাদেরও এই পন্থাই অবলম্বন করতে হবে।

বিবাহের পর প্রথম যে চিঠিখানা তুমি আমায় লিখেছিলে, তাতে তুমি আমায় জানিয়েছিলে যে, তোমার ব্যক্তিত্ব তুমি কখনো বর্জন করবে না। কিন্তু আজ তোমার অজ্ঞাতসারে সে ব্যক্তিত্ব যে চাপা পড়েচে, তা কি বুঝতে পারনি? আজ যে নিজেকে শুকিয়ে মারবার কথা তুমি লিখেচ, ওটা কি তোমার দৈন্তের পরিচায়ক নয়? কেন তুমি স্বামীকে জানাতে সঙ্কোচ বোধ কচ্চ যে, জীবন তোমার দুর্ভাগ্য হয়ে উঠেচে?

অত্যাচার যারা করে, তারা যেমন নিজেদের অন্তর দেবতাকে অগ্রাহ্য করে, তেমনি অত্যাচার যারা সম, তারাও সেই দেবতার অবমাননা করে। এ দুটোই মানুষের মনুষ্যত্ব হরণ করে থাকে। তুমি নিজে যে সত্য উপলব্ধি করেচ, কিসের আশায়, কোন প্রলোভনে তা বর্জন করে নিজেকে ছোট করে রাখবে? নিজেকে ছোট করে রাখাকে আমি মনের দাসত্ব বলি। ও ভাব পরিহার করতে না পারলে অত্মকে ত মুক্ত করতে পারবেই না, নিজেকে পর্যন্ত দুঃশ্চেছত বন্ধনে বেঁধে ফেলবে।

পরিষারের প্রতি তোমার যে কর্তব্য রয়েছে, তা যদি দ্বিধাহীন হয়ে পালন

করতে পারতে, মিশতে যদি সক্ষম হতে কচি-কচি মেয়েদের সঙ্গে ঠিক সম-
বয়সীর প্রাণ নিয়ে, মন খুলে যদি যোগ দিতে পারতে অন্তঃপুরের মহিলা
মঞ্জলিশে—তা' হলে আমি আজ তোমার কাণে বিদ্রোহের মন্ত্র জপে দিতুম না,
কারণ সেইটেই বুঝতুম তোমার সত্যিকার স্থান। কিন্তু তা' না হয়ে তুমি
যখন জানিয়েচ যে তোমার বৃকে ব্যথা পেয়েচ, তোমার অন্তরের করুণ
আর্তনাদ যখন আমার কাণে এসে পৌঁছিয়েচে, তখন আমি মনে করচি,
ওখানে তোমাকে বেশীদিন রাখলে তোমাকে অতি নিষ্ঠুর ভাবে পীড়ন করা
হবে। যে-টা তোমার কাছে মিথ্যা, জোর করে সে-টা চালাতে চাইলে
তোমার জীবনকে ব্যর্থ করে দেওয়া হবে।

বিয়ে করেচ বলেই কেন তুমি অ-কেজো হয়ে যাবে? যে সব মেয়েরা
তোমার কাছে এসে সমর্ষিত হয় তাদেরই শিক্ষিতা করে তোল—তাদের সঙ্গে
বেশ ঘনিষ্ঠভাবে মিশতে চেষ্টা কর। তাদের যা বলবার আছে তা' বলে
নিঃশেষ করতে দাও। ও সম্বন্ধে আলোচনা না করে তারা থাকতে পারে না—
আর কিছুই যে তারা পায়নি! তাদের সঙ্গে ভালো করে পরিচিত হলে, ক্রমে
তারা তোমায় তাদের ব্যথার কথাও জানাবে, তখন তুমি যদি তাদের প্রতি
সহানুভূতি দেখাও, তা' হলেই তাদের হৃদয় জয় করতে পারবে। তাদের
অভাব আছে অনেক, বৃকে সঞ্চিত রয়েছে প্রচুর বেদনা—সে-সব ভুলতে তারা
তোমারই সাহায্য চাইবে। এমনি করে শেষটায় দেখো তোমার কাজের আর
অস্ত থাকবে না এবং সে কাজ সুন্দর ভাবে করতে পারলে তোমাদের নারীর
অবস্থা অনেকটা উন্নত হবে।

সত্যিই ভাই, আমার বড় ইচ্ছা করে তোমাদের দেশের এই সব বাল-
বধুদের সঙ্গে কিছুদিন বাস করি—তাদের হাব-ভাব চাল-চলন নিশ্চই
দেখবার ও জানবার বিষয়।

তোমাদের দেশের যুবকদের সম্বন্ধে আমার বলবার কিছুই নেই। আমি
শুধু বিস্মিত হই এই ভেবে যে, পুতুলের মত পত্নী পেয়ে কি করে তারা তুষ্ট ও
তুষ্ট থাকে? যৌবন কি পূর্ণতার স্বাভাবিক আকাঙ্ক্ষা জাগিয়ে তাদের চিত্ত
নাচিয়ে তোলেনি? সকল রকম বন্ধনের প্রতি কি তাদের আন্তরিক ঘৃণা
নেই? এ-সকলের যদি অভাব থাকে, তা' হলে তোমাদের নারীর অবস্থার
চাইতে পুরুষের অবস্থা কোন মতেই উন্নত বলা যায় না। প্রাণের স্পন্দন যদি
খেমে যায়, তা' হলে সমাজদেহের সর্কাজ পচে উঠবেই।

ফ্যানি চলে গেছে। তাকে বিদায় দেবার দিন যে পাটি দেওয়া হয়েছিল,
তাতে যোগ দিয়ে তেমন আমোদ পাইনি।

বাগানের উত্তর কোণের সেই কুঞ্জটা, যেখানে নিরালী বসে তোমাতে
আমাতে কত রকমের কথা হোত, সেটা এখন একেবারে উপেক্ষিত হয়ে পড়ে
রয়েচে—কেউ সে-দিকে যায় না।

আমি মাঝে মাঝে একা গিয়ে সেখানে বসি, সেখানকার গাছগুলো আর
ফুলগুলো যেন হাওয়ায় তোমার খবর পেয়ে চুপি চুপি আমায় বলে দেয়।
তাদের স্পর্শে আমি আরাম পাই, পুলকিত হই।

আর একটা খবর আছে; সেই যে শুকনো লম্বা পাইন গাছটা, কোনমতে
তার কন্ডাল খাড়া করে করে দাঁড়িয়ে ছিল—যাবার আগের দিন দুপুর বেলায়
সেটাকে দেখিয়ে তুমি বলেছিলে—“বৃকে এক রাশি আশুন নিয়েও বাইরের
সৌন্দর্য উপভোগ করেই বেঁচে আছে—” তারও, শুনে তুমি খুসী হবে, দৃষ্টি-
দেহের সমস্ত করুণাতা দূর হয়ে গেছে ফুলেরা কতগুলি লতার আলিঙ্গনে।
আজ তার বৃক দিয়ে আর নৈরাশ্বের হা-হতাশ বেরুচ্ছে না—আজ সেও হেসে
হেসে কত ভাবে ভঙ্কিতে বাতাসের কাণে কাণে কত কথাই কয়। একা
দাঁড়িয়ে দাঁড়িয়ে আমি বুড়োর এই রঙ্গ দেখি। তোমারই—এতি।

(১০)

স্নেহের ঠাকুর-পো,

সাত বছর পরে বাপের বাড়ী এসেচি, তাই নিয়ম-কানুন ভুলে গিয়ে ছোট
মেয়েটির মত কেবল মা আর ভাই-বোনদের সঙ্গেই ঘুরে বেড়াচ্ছি। তোমার
চিঠির জবাব দিতে সেই জন্মই দেবী হয়ে গেল। নীহারের একা থাকতে হবে
শুনে কনক স্বেচ্ছায় কলকাতায় চলে এসেচে। কাজেই আমি অনেকটা
নিশ্চিন্ত আছি। তুমি নরেশকে অত ভালবাস বলেই নীহারকে কনক এমন
আপন করে নিয়েচে? নীহারের এতটুকু অস্ববিধা যেন কনকের বৃকে শেল-
বেঁধা বেদনার অহুভূতি জাগিয়ে তোলে।

এখানে এসে তিন দিন গৌরীর সঙ্গে দেখা করতে গিয়েচি। তাদের বাড়ী
বসে তার দুঃখ-বেদনার কথা কিছুই শুনতে পারিনি—কারণ, তার ভাই-
বউরা কড়া পাহারায় নিযুক্ত ছিলেন। কাল গৌরী নিজেই এসেছিল—এর
জন্ম গণনা সহিতে হবে জেনেও। তিনটে ঘণ্টা একসঙ্গেই ছিলুম—কেমন
করে যে সময় কেটে গেল, তা বুঝতেই পারলুম না।

ঠাকুরপো, নারীর দুঃখ দূর করবার চেষ্টা করচ, কিন্তু কন্ত গভীর, কি মর্মান্বহী সে দুঃখ তা কি কখনো উপলব্ধি করেচ? গৌরীর কথা শুনতে শুনতে আমার মনে হতে লাগল, সে যেন তার বুকটা চিরে আমার সামনে ধরেচে— আমি যেন স্পষ্ট করে দেখলুম তার সমস্তটা যায়গা, লাঞ্ছনা আর নির্ধ্যাতনের নিষ্ঠুর খোঁচায় ক্ষত-বিক্ষত হয়ে গেছে। আমি তখনই বুঝতে পারলুম, তার মুখখানি কেন সব সময়েই ছাই-এর মত সাদা হয়ে থাকে—কেনই বা তার গুষ্ঠের বর্ণ নীল আর কেনই বা থেকে থেকে তা কেঁপে ওঠে—তার বুকটা কেন যখন তখন ফুলে ওঠে, আর চোখেই বা অশ্রুপ্রহর জল জমে থাকে কেন। সবই আমি এক সঙ্গে বুঝে ফেললুম। শুধু বৈধব্যের বেদনা নয় ঠাকুরপো, তার মনুষ্যত্বের প্রতি নির্মম অবিচার তাকে এমন ধারা জীবনে মরা করে রেখেচে।

এখানে এসে সে তার কোলের ছেলটাকে যমের হাতে তুলে দিয়েচে। দুনিয়ায় এসে সে বেচারী কেবল তাচ্ছিল্যই পেয়েছিল, তাই যমের আগ্রহ দেখে, তার কাছে স্থখে থাকবে মনে করেই, গৌরী তাকে দিয়ে ফেলে স্থির হয়েচে।

এতটুকু কোলের শিশু, তাই দুধ তার রোজই লাগত। গৌরী একবেলা দু গ্রাস যা মুখে দিত, তার ফলে শেষ এই সন্তানটির ক্ষিধে মিটাবার মত দুধ সে নিজে যোগাতে পারত না। সংসারের গো-দুগ্ধের যতটুকু অংশ সে পেত, তাও অতি সামান্য। শেষটায় তাও বন্ধ হয়ে গেল—বুড়ো ছেলেকে আদর করে দুধ খাওয়ালে তার অস্থখ হবে, ভাতই তার পক্ষে প্রশস্ত খাদ্য। ভাইদের উপর তার যে কোনই দাবী নেই, তা গৌরী জানত, তাই চুপটি করেই থাকত। কিন্তু শিশুর শরীরে আহারের এই অনিয়ম সহিবে কেন?—তার যক্ষ্ম নষ্ট হয়ে গেল। শিশুর রোগ যখন ক্রমেই বৃদ্ধিপেতে লাগল, তখন গৌরী একদিন অভিমান ছেড়ে বলে—“একটাবার ডাক্তার দেখালে হয় না?”

তার মধ্যমভ্রাতা বাইরে দাঁড়িয়ে ছিল সে জবাব দিলে—“অত বড়মামুষী আমাদের এখানে চলবে না; ছেলে মেয়ের অস্থখে ডাক্তার কি করবে?”

মায়ের প্রাণ, তোমরা বোঝনা ঠাকুরপো, এতে কি করে ওঠে। পাতা লতা যে যা বলত, গৌরী তারই রস করে ছেলেকে খাওয়াত, ভাবত তাতেই ছেলে ভাল হয়ে উঠবে। তারই জন্ত আবার লাঞ্ছনাও সহিতে হোত।

তারপরের কথা, ঠাকুরপো, কাউকেও বলা যায় না। ছেলটির যখন শেষ মুহূর্ত উপস্থিত, তখনো গৌরী বলে—“দাদা, কি হবে?” সে প্রশ্নের কোন জবাবই পেলেনা। তারপর সবই ফুরিয়ে গেল।

এই সব দেখে শুনে আমরা যে কত অসহায়। তা না ভেবে থাকতে পারিনে। নারীর বৈধব্য কখন উপস্থিত হবে, তা কে বলতে পারে? আর স্বামীর মৃত্যুর পরই সংসারের সকলে তার সঙ্গে এমনধারা অমানুষিক ব্যবহার করলে পরিজনদের শাস্তির জন্ত সে হৃদয় খালি করে স্নেহ বিলিয়ে দেবে কেন? আর কেনই বা অস্বস্তির ব্যাথা বুক চেপে রেখে সে হাসিমুখে সকলের সেবা করবে?

মতি ঠাকুরপো, এইসব কথা যখন মনে করি, তখন তোমাদের প্রতি যে মমতা আছে, তা দূরে চলে যায়। কেন তোমাদের আপন মনে করব? এক মায়ের পেটের ভাই যদি এমনধারা পর হয়ে যায়, নারীর টানই যদি এত সহজে ছিড়ে যায়, তাহলে কেন সবার স্বখ-স্ববিধার জন্য আজন্ম মৃত্যু পর্যন্ত খেটে মরবে? তোমরা খেতে দাও, পরতে দাও বলেই কি এত জোর? সে কি তোমরা অগ্নিই দাও?

গৌরীর জীবনের একটি ঘটনা, যা তোমায় বলুম সেইটেই, একমাত্র ব্যথার কথা নয়; প্রতিদিন, প্রতিমুহূর্তে তাকে কত অবিচারই সহিতে হচ্ছে। সে সব এমনি নির্মম যে, গৌরীর দশবছরের ছেলটাকেও ক্লিষ্ট করে ফেলে। রাতিকালে মাকে জড়িয়ে ধরে সেও ফুলে ফুলে কাঁদে। গৌরী তাকে শান্ত করতে গিয়ে নিজেই কেঁদে ফেলে। মা আর ছেলের মিলিত উষ্ণ অশ্রুধারা কি একদিন গলিত গৈরিক প্রসবণের মত দেশ সমাজ সব পুড়িয়ে দেবে না?

নীহারের চিঠি পেয়েচি। সে লিখেচে, তার কোনই অস্থবিধা হচ্ছে না। কনক আর সে নাকি সারারাত গল্প করেই কাটিয়ে দেয়। আমরা ভাল আছি। তোমাদের খবর লিখো।

আশীর্বাদিকা

তোমার—বৌদিদি।

(১১)

নরেশ,

অনেকদিন তোমায় চিঠি লিখিনি। কনকের চিঠি চারপাঁচদিন হ'ল পেয়েচি। সে ভালই আছে তুমি অবশ্য তা জান।

কনকের চিঠিতে অনেক কথাই জানলুম যা এতদিন আমার অজ্ঞাত ছিল। নীহার যে কলকাতায় থেকে মোটেও আরাম পাচ্ছে না, তা সে নিজে আমায় কোনদিন জানায় নি; তবে তার কোথাও যে ব্যথা জমে উঠছিল, তার

চিঠি পড়ে আমি তা বুঝতে পারতুম, যদিও সে বেদনার কারণটা ঠিক ঠিক ধরতে পারিনি। কনক আমায় তা জানিয়েচে। চোখে আঙ্গুল দিয়ে সে আমায় দেখিয়েচে যে, নীহারের প্রতি কি অবিচার আমি করছি।

তোমার মনে থাকতে পারে একদিন আমি বলেছিলুম, পাত্রী নির্বাচনে সুবুদ্ধির পরিচয় তোমরা দাওনি। নীহারকে যে ভাবে আমার অভিভাবকেরা চালাতে চাইছেন, তাতে করে তাকে পীড়ন করাই হচ্ছে; যদিও আদর যত্নের এতটুকুও জুটি কিছু হচ্ছে না। তাঁরা যে রকম বউ চান, তার জন্ম কশিয়াং-এর কনভেন্টে যাবার কোন প্রয়োজনই ত ছিল না। বাঙালীর ঘরে ঘরে অনেক মোমের পুতুল আছে, যা কিনতে দামত লাগেই না; অধিকন্তু ষোটা হাতে দক্ষিণাও পাওয়া যায়। সেই রকম একটি খুঁজেপেতে নিয়ে এলে, অতি সহজেই সে সংসারের নিয়ম কাছনের সঙ্গে বনিয়ে চলে একেবারে পাকা গিন্নী হয়ে উঠতে পারত।

শুধু গালি দিলে অথবা হব্যবহার করলেই যে নারীর প্রতি অবিচার করা হয়, তা নয়,—তার ব্যক্তিত্বকে উপেক্ষা করলেই অত্যাচার অনুষ্ঠিত হয়। শিক্ষিতা মেয়েদের বধুর আসনে বসাতে যারা ইচ্ছুক, তাদের দেখতে হ'বে যাতে তাদের চিত্তবৃত্তি সম্যক বিকশিত হবার সুযোগ পায়, পরিবারের জমাখরচের খাতা লিখতে শিক্ষিতা বধুর কোন আবশ্যিক নেই।

আমি কালই দাদাকে একখানা চিঠি লিখে জানিয়েছি যে, নীহারকে আমি এখানে নিয়ে আসতে চাই। এ নিয়ে বেশ একটা গোলযোগ বেধে উঠতে পারে; কিন্তু তাই বলে নীহারের জীবন আমি ব্যর্থ করে দিতে পারিনে।

আমি জানি তুমি আমার কাজের সমর্থন করবে না। বেশী একটু ছিজ্রায়েষী যারা, তারা এর মাঝে নানা কদর্যভাবের আরোপ করতেও বিরত হবে না; কিন্তু এও আমি জানি যে বিবাহ বলি নয়, নতুন জীবনের সূত্রপাত। তাই জেনে বুঝে আমি নীহারের জীবনটাকে ব্যর্থ করে দিতে চাইনে। সংসারের কাজ চলা অনেক পরের কথা আগে নীহারের বাঁচা চাই।

এখানে এসেও নীহার যদি আনন্দ না পায়, তাকে আমি সেইখানেই পাঠিয়ে দেব যেখানে গিয়ে সে আরাম পাবে, তার জীবনকে পূর্ণতর করে গড়তে সক্ষম হবে। তার সঙ্গ হতে বঞ্চিত হলে, ব্যথা আমার খুবই লাগবে সন্দেহ নেই; কিন্তু সে বেদনা আমি সয়ে থাকতে পারব।

তুমি বলবে আমার এই স্কন্ধ অত্যন্ত অস্বাভাবিক—কিন্তু যেখানে থেকে সে আনন্দ পাবে না জোর করে সেখানে আবদ্ধ রাখাই কি স্বাভাবিক?

ওপরের ওই কথাগুলি লিখে ফেলে চুপটি করে খানিকটা সময় বসেছিলুম। কি ভাবছিলুম, জান? ভাবছিলুম তোমার সামাজিক অনুশাসনের শক্তির কথা। বাসরে কি প্রবল তার প্রতাপ! আমি যে তা একেবারে অগ্রাহ করতে চাই, তবুও আমার মাঝে এত সঙ্কোচ এনে দেয় যে, তা দূর করতে আমায় জোরের সঙ্গে উপরের কথাগুলো লিখতে হয়েছে। মাঝে মাঝে মনে হচ্ছিল যে, আমি অত্যাচারী কাজ করতেই প্রবৃত্ত হয়েছি। যাক নীহারকে আমি এখানে আনবই।

বউদির সেই গৌরীদেবীর কল্পণ কাহিনী তোমায় আগে জানিয়েছি। সম্প্রতি বউদির একখানা চিঠি পেয়ে তাঁর অবস্থা বিশদভাবে জানতে পারলুম। তোমার সমাজের কি এই সব বিধবাদের প্রতি কোন কর্তব্য নেই—ত্রস্তচর্যের ব্যবস্থা দেওয়া ছাড়া? রয়েসয়ে কাজ করবার ছলে কি ঘুমিয়ে থাকারও প্রশংসনীয়?

তুমি বলবে গৌরী দেবীর ইতিহাস একটা ব্যতিক্রম মাত্র। ওর ওপর এতটা জোর দেওয়া সম্ভব নয়। আমি কিন্তু সে কথা স্বীকার করতে মোটেই রাজী নই। আমি বলতে চাই, এরূপ অত্যাচার ঘরে ঘরে অনুষ্ঠিত হ'লে বলেই, 'ও কিছু নয়' বলে আমরা উড়িয়ে দিতে পারি। দাদা ওই কথা বলেই বউদিকে সাহসনা দিয়েছিলেন।

বিধবাদের সম্বন্ধে কলেজে পড়বার সময়, তোমাতে আমাতে খুব আলোচনা হোত। তুমি বলতে, বিধবা বিবাহ নিষিদ্ধ করে সমাজ এই কথাটাই আমাদের বুঝিয়ে অথবা শিখিয়ে দিতে চায় যে, হুনিয়ায় যোন সধকটাই সব চাইতে বড় নয়—ও সধক ঘুচে গেলেও পৃথিবীতে বেঁচে থাকবার প্রয়োজন আছে। বাংলার বিধবারা ওই সধক তুলে গিয়ে সংসারের শ্রীবুদ্ধি সাধন করচে। জানিনা, এ মত তুমি এখনও পোষণ কর কিনা।

আমি কিন্তু আগের মত এখনও বলব যে, যোন সধকটাই সব চাইতে বড় না হলেও—ওর শক্তি খুবই বড় এবং ওকে উপেক্ষা করা বড়ই কঠিন। প্রাণী-তত্ত্ববিদগণ বলেন যে, আত্মরক্ষা ও বংশ বিস্তারের আকাঙ্ক্ষা প্রাণী মাজেরই আছে। মানুষ যে প্রাণী সে কথা স্বীকার করা যাবে না—যদিও আমরা

প্রাণী কিনা, প্রাণের পরিচয় পাইনে বলে, সে সশব্দে সন্দেহ করবার বিশেষ কারণ আছে। আমরা জড়ের সামিলই হয়ে পড়েছি, তাই আমরা মনে করতে পারি যে, পতির মৃত্যুর সঙ্গে সঙ্গেই নারীর প্রাণ-পদার্থটাও পাথরে পরিণত হয়—না হওয়াটাই অস্বাভাবিক, গুরুতর অপরাধ।

বাসনা-কামনা প্রভৃতি বর্জন করতে শুধু বিধবাদেরই উপদেশ দাও কেন? তাঁরা ত তোমাদের মতে অবলা—তাদের ত কেবল পয়ের গলগ্রহ করেই রেখেচ; এমন অবস্থায় সংঘমে শক্তিশালিনী হয়ে, তারা তোমাদের কতটুকুই বা হিতসাধন করবে? আর নারীকে কি কাজ করবার অধিকার কিছু তোমরা দিয়েচ?

তোমরা, পুরুষেরা, যাদের শক্তি-সামর্থ্য আছে, বিবেক বুদ্ধি জাগ্রত রয়েছে, তারা কেন সংঘমে শক্তিমান হয়ে বিশ্ব-মানবের মুক্তিদান করতে যত্নবান হও না? তাহলে কাজ ত অনেক সহজ-সাধ্য হয়ে ওঠে।

তোমরা তা পার না এবং পার না বলেই সংঘমের সবটা বোঝা বিধবাদের ঘাড়ে চাপিয়ে দায় এড়িয়ে বসেচ—আর নিজেদের বেলায় বিবাহটা করেচ পুত্রার্থে।

একটা গল্প তোমায় বলিনি—আজ মনে পড়ে গেল। প্রথম চাকরী পেয়ে যখন লাহোরে আসছিলুম, সেই সময়ের কথা। তোমরা ত হওড়া টেশনে আমায় গাড়ীতে তুলে দিয়ে পেলেন। ট্রেন ছেড়ে দিলে মনটা ভারি খারাপ বোধ হচ্ছিল—অমন যে তুর্গিনেভের গল্প-কাব্য তাতেও মন বসছিল না। বইখানা হাতে করে বাইরের দিকে চেয়ে বসেছিলুম। পাশে উপবিষ্ট একটি ভদ্রলোকের কাশির আওয়াজে ফিরে চেয়ে দেখলুম যে বাতাস পেয়ে তার লম্বা পাকা দাড়ি, তাকে ভারি বিব্রত করে তুলেচে। আমি ফিরতেই তিনি উড়ন্ত দাড়ী-গুচ্ছ বা হাতে গুছিয়ে নিয়ে সামনের দিকে খানিকটা ঝুঁকে পড়ে আমায় জিজ্ঞাসা করলেন—“মশাই, কোথায় যাবেন?” জবাব দিতেই তার প্রশ্নের বান ছুটল। শেষটায় তিনি জিজ্ঞাসা করলেন—“বিবাহ হয়েছে?”

আমার একটু ভয় হোল। এতদিন ফাঁকি দিয়ে অবশেষে দেশ ছেড়ে যাবার পথে একটা ঘটক এসে তেড়ে ধরল! একটু অস্বাভাবিক কল্পনায় আমি বল্লুম—“আপাততঃ ও দিকে খেয়াল নেই—বেশ আছি।”

ভদ্রলোকের চোখ-চুটো যেন জ্বলে উঠল। তিনি আমার ডানহাতের

পাতা ধরে খুব খানিকটা ঝাঁকিয়ে নিয়ে বলেন—“এই ত চাই—ব্রহ্মচর্য ছাড়া জীবনে কি সিদ্ধিলাভ করা যায়?”

আমি একটু শুভিত হয়ে তাঁর উত্তেজনাপূর্ণ মুখের দিকে চেয়ে রইলুম। তিনি এমন একটি বক্তৃতা জুড়ে দিলেন, যা শুনলে তোমরা তাঁকে অতি সম্মানের সঙ্গে নিয়ে তোমাদের ধর্মসভার আসনে বসাবার জন্ত ব্যগ্র হয়ে উঠতে।

গাড়ী বন্ধমানে পৌঁছলে আমি কিছু খাবার কিনতে নেমে পড়লুম। ফিরে গিয়ে দেখি সেই ব্রহ্মচর্যের পাণ্ডাকে ঘিরে জনকত নতুন যাত্রী বসেছেন—তাঁর বক্তৃতা তখনো থামেনি। টিকিন কারিয়ারে খাবার গুলো পুরে রেখে আমি আবার যখন তুর্গিনেভ খুলে বসলুম, তখন ভদ্রলোকটি অজুলি নির্দেশে আমাকে দেখিয়ে বলেন—“এই দেখচেন একজন কলেজের অধ্যাপক—এ পর্যন্ত বিবাহ করেন নি এবং করবেনও না। এঁর মত সংঘমী, ত্যাগী শত শত যুবক না হলে আমাদের দেশের দৈন্ত ঘুচবে না—হিন্দুর সেই গৌরবের দিন আর কখনো ফিরে আসবে না।”

তিনি থামতেই আমি বল্লুম—“আপনি ভুল বুঝেচেন—বিয়ে কখনো করব না, এমন কথা ত আমি বলিনি।”

তবুও নিষ্ফলি নেই। তিনি অগ্নি জবাব দিলেন—“তা কি আমি বুঝিনি? বিয়ে আপনাকে করতেই হবে, নইলে আপনার পূর্বপুরুষদের যে পিণ্ডলোপ হবে। আপনার চরিত্রে এইটেই শিখবার বিষয় যে লালসার বশবর্তী হয়ে আপনি বিবাহ করবেন না—করবেন কর্তব্যের অহুরোধে।”

তাঁর বক্তৃতা সমানই চলতে লাগল। আমার সশব্দে তাঁর ধারণাটা যে আগাগোড়া ভুল তা আমি তাঁকে বোঝাবার জন্ত হুঁএকবার চেষ্টা করলুম; কিন্তু তা তাঁর কাণেই পৌঁছিল না; অগত্যা আমি নিরস্ত হলুম।

তিনি অপর একটি ভদ্রলোককে সংক্ষেপে নিজের পরিচয় দিয়ে বলেন—“মশাই, ত্রিশ বৎসর যাবত স্থলে শিক্ষাদান করবার সঙ্গে সঙ্গে ছাত্রদের ব্রহ্মচর্য শিক্ষা দেবার চেষ্টা সব সময়েই করেছি; কিন্তু ছুঁখের কথা কি বলব মশাই, কত ছেলে পাশ করে বেরিয়ে কত উচ্চ রাজকার্যে নিযুক্ত হয়েছে—কিন্তু মাহুষ হলো না একটিও! হবে কি করে মশাই?—ব্রহ্মচর্যের অভাব।”

যাঁকে এ সব বলা হচ্ছিল তিনি জিজ্ঞাসা করলেন—“আপনার যাওয়া হচ্ছে কোথায়?”

“আজ্ঞে, রাণীগঞ্জে।”

“রাণীগঞ্জ কোথায় যাবেন বলুন ত?” অপর একজনে জানতে চাইলেন।

“হরনাথ চাটুজের বাড়ী।”

“বটে! তিনি আর আমি-বে এক আফিসেই চাকরী করি। তাঁর সঙ্গে আত্মীয়তা আছে বুঝি?”

“আজ্ঞে আমি তাঁর কন্যাকে বিবাহ করেছি।”

“বটে, বটে!” রাণীগঞ্জের ভদ্রলোকটি কিছুকাল চুপ করে থেকে বক্তা মহাশয়ের আপাদ মস্তক বার বার করে দেখতে লাগলেন। তারপর সহসা বলে ফেলেন—“আপনার এটি দ্বিতীয় পক্ষ না?”

“আজ্ঞে হাঁ।”

“বলেন কি মশাই, ব্রহ্মচর্য নিয়ে এতটা বক্তৃতা করলেন আপনি!” পার্শ্বের আর একটি ভদ্রলোক একটু মুচকি হেসে বলেন।

বক্তাটি তাঁর লম্বা দাড়ীর মধ্যে হস্তচালনা করতে করতে বলেন—
“বলেছিইত মশাই, লালসার জন্তু বিবাহ, আর পূর্বপুরুষদের প্রতি কর্তব্যবোধে বিবাহ, সম্পূর্ণ ভিন্ন ধরণের—”

তাঁকে শেষ করতে না দিয়ে রাণীগঞ্জের ভদ্রলোকটি বলেন—“কিন্তু শুনেছি মশাই, প্রথম পক্ষের ছেলে-মেয়েও আপনার আছে?”

“আজ্ঞে, দুটি কন্যার বিবাহ দিয়ে অব্যাহতি পেয়েছি। একটিমাত্র ছেলে, যদি কোন অমঙ্গল হয়, তাহলে পূর্বপুরুষদের পিণ্ডলোপ হবে না? আপনারাই বিচার করুন, একটি মাত্র গুঁড়ো বহুত নয়—তার ভরসায় কি থাকা যায়?” সকলে হো হো করে হেসে উঠল। আমি বইপড়ায় মন দিলুম। ঐশ্বর কখন রাণীগঞ্জ পিছনে ফেলে এসেছিল, তা টেরও পেয়েছিলুম না।

তুমি ভাবচ তোমাকে চটাবার জন্তুই আমি এই গল্প লিখলুম। তা কিন্তু মনে করোনা—আমি নিজে দেখেছি, শুনেছি।

আশা করি ভাল আছ।

তোমাদেরই—মোহিত।

(১২)

(ইংরাজী চিঠির অম্ববাদ)

প্রিয়তমে এতি,

ছিঃ! ছিঃ! কি লজ্জা; এতি! স্বামী আমায় কি লজ্জায়ই না কেলেচেল। তিনি তাঁর দাশাকে লিখেচেন যে আমাকে তিনি লাহোর নিয়ে যেতে চান।

তুমি বলবে, বেশ করেচেন। তুমি বোঝনা, তোমাদের সমাজ অল্প ধরণের—আমাদের অভিভাকেরা একে বিষম বেয়াদবী বলে মনে করেন। আমি আশ্চর্যের মুখের দিকে চাইতে পারচিনে।

এ সব অনর্থের মূল হচ্ছে কনক—স্বামীর বন্ধু-পত্নী। এমন একটা কাজ করে ফেলেচে আমাকে না জানিয়ে। আগে বুঝতে পারলে আমি তাঁকে আমার অন্তরের ব্যথার কথা বলতুম না। আমার মোটেই মনে হয়নি যে, সে স্বামীকে জানাবে। আমার এখানে একা থাকতে কষ্ট হবে বলে, সে বর্জনমান হতে এসেছিল। এখন দেখছি তার না আসাই ছিল ভাল। এর জন্তু তাঁকে আমি সহজে ক্ষমা করতে পারচিনে। আজ সারাদিন তার সঙ্গে আমি কথা কইনি—কেবল একটু আগে রাগ করে তার চোঁট দুটো চেপে ধরেছিলুম—এমন লাল হয়ে উঠেছিল যে, আমার ভয় হচ্ছিল পাছে আমার হাতশুদ্ধ রাঙিয়ে দেয়। সে কিন্তু তবুও আমার গলা জড়িয়েই দাঁড়িয়ে রইল। আর কঠোর হতে পারলুম না—বুকে চেপে ধরলুম। কিন্তু কি কাণ্ডই সে ঘটিয়েচে।

দিদিই বা শুনে কি মনে করবেন। সাত বছর পর একটি মাসের জন্তু বাপের বাড়ী গিয়েছেন, আর তাতেই এত সব। কনককে দিয়ে আমি চিঠি লিখিয়ে ছেড়েছি যে, এসব তারই দুষ্ট বুদ্ধির ফল—আমিও তাই লিখেছি।

আর কনকের-ই বা কি দোষ? সে আমায় খুব বেশী ভালবাসে বলেই না আমার ব্যথায় ব্যথিতা হয়েছে এবং তারই জন্তু স্বামীকেও জানিয়েচে। সে কি করে বুঝবে যে, এতেই হিতাহিত জ্ঞানশূন্য হয়ে, তিনি জ্যেষ্ঠভ্রাতার ওপর তাগিদ ওয়ারেন্ট জারি করে বসবেন, তাঁর স্ত্রীকে অবিলম্বে পাঠিয়ে দেবার জন্তু। স্ত্রীটি যেন তাঁর অস্থাবর সম্পত্তি। আমাকে একবার জিজ্ঞাসা করাও প্রয়োজন বোধ করলেন না।

এই দেখনা ব্যাপার! নারীর অধিকারের জন্তু যারা মাথায় পাগড়ী বেঁধে লাফিয়ে বেড়ায়, তারা নিজেরাই নারীর মর্যাদা বোঝে না। এদের ক বিশ্বাস করে, এদের প্রদর্শিত পথে এগিয়ে চলে, শেষটায় কি ভয়ানক পরিণতি হবে বলত?

তোমার কথাই ঠিক, এতি! পুরুষের মুখের দিকে চেয়ে থেকে আমাদের লাভ নেই। পুরুষের চোখ দিয়ে আমরা নিজেরদের অভাব দেখতে চাইব না। আমাদের বৃকের ব্যথা তারা কি করে জানবে, বুঝবে? আমাদের অন্তর দেবতারই আদেশে আমরা পরিচালিত হব।

আমি আজ স্বামীকে লিখে দিয়েছি যে, আমি লাহোর যাবনা। সঙ্কল্প করেছি, এখানে থেকেই, যে সব মেয়েরা প্রায় রোজই আমার কাছে আসে, তাদের শিক্ষার বন্দোবস্ত করব। আমার শোবার ঘরটাকে একেবারে ক্লাসরুমের মত করে সাজিয়ে ফেলেছি—মেয়েরা এসে দেখে অবাক হয়ে যাবে।

বুড়ো পাইন গাছটার নব-যৌবন প্রাপ্তির সংবাদ পেয়ে সত্যিই বড় খুসী হয়েছি। আকাশে বাতাসে সে জীবনের আনন্দ-সংবাদ পেয়েছিল বলেই ত নৈরাশ্রের জড়তাকে দূরে রাখতে পেরেছিল। আজ যে তরুণ-ব্রততীর সংস্পর্শে সে আনন্দে মেতে উঠেছে, তার কারণ হচ্ছে, বার্কেক্যের ভয়ে সে আত্মহত্যা করেছিলনা। জীবনের গুট রহস্য ওর যেন জানা ছিল।

আমি ভাবি মানুষের সঙ্গে এদের কি আশ্চর্য পার্থক্য। মানুষ কেবল জড়তাকেই খুঁজে বেড়ায়, ছঃখ-দৈন্যকে বড় করে দেখে দেখে নিজেকেই ছোট করে ফেলে, মৃত্যুকে সর্বদাই আসন্ন জেনে অতি সহজেই তাকে বরণ করে নেয়—অথচ এই মানুষই নাকি ভূমার পরিচয় পেয়েচে—বিশ্বের মূল সত্য উপলব্ধি করেছে।

আমি কত শুষ্ক তরু মুঞ্জরিত হতে দেখেছি, কত শীর্ণা শ্রোতস্বিনীর বুকে তরঙ্গের চাকল্য লক্ষ্য করেছি, ছিন্ন মেঘ-খণ্ডের চটুল নৃত্য-ভঙ্গিতে বিস্মিত মুগ্ধ হয়েছি—কিন্তু কখনো পঙ্ককেশ লোকের অধরে হাসির মাধুরী দেখিনি, কোর্টারগত চক্ষুর দৃষ্টিতে তেজের পরিচয় পাইনি, শুকনো বক্ষপঞ্জরের ভিতর জীবনের রাগিনী শুনিনি। পক্ষান্তরে উপলব্ধি করেছি, বাইরে বিরাট সাজ-সজ্জার ভিতরে দারুণ দৈহ্য, মোহন আঁধি-তারকায় বেদনার ব্যঞ্জনা, স্ফীত বক্ষের মাঝে নৈরাশ্রের হাহারব।

তুমি যাই বল এভি, আমার বিশ্বাস, মানুষ প্রাণকে খুঁজে পায়নি। যদি পেত, তা' হলে এত সহজে ও-পদার্থকে তারা হারিয়ে বোসত না—ও-কে বেশ করে, আরামের সঙ্গে, ও-র সবটুকু আনন্দ নিংড়ে উপভোগ করে তবে ছাড়ত।

আমরা, মানুষেরা, কিছুতেই তা পারচিনে। আঘাতের বাথা ভুলতে আমাদের বড্ড বেশী সময় লাগে। অনেক সময় আঘাত-জনিত ক্ষতটাকে বাড়িয়ে তুলেই আমরা নিজেদের মৃত্যুকে কাছে টেনে আনি, আর মৃত্যু যতদিন না এসে পড়ে, ততদিন জীবনের আনন্দকে দূরে রাখবারই চেষ্টা করি। জীবনের এই নিরানন্দই আমাদের বুকের মাঝে নৈরাশ্র্য জন্মিয়ে তোলে—তাই অ-কাজ

যে যৌবন চলে যায় জ্ঞকে আর কিরে পাইনে। জীবনে নব-বসন্ত এসে আর কখনো আমাদের পুনর্জিত উন্নত করে তোলেনা, অস্তরের শুকনো কুঞ্জে কোকিল দোয়েল স্বরের ঢেউ খেলিয়ে দেয় না।

এ সব কথা যে আজই কেবল আমার মনে হচ্ছে, তা নয়—ছুটির দিনে নিস্তরু হৃৎপুরে জানালার ধারে বসে যখন বুড়ো পাইন গাছটা আর তার জাতি-গোষ্ঠীদের দিকে চেয়ে দেখতুম, তখন আমার কেবল এই-সব কথাই মনে হোত।

বাড়ীতে, শুনিচি, আমাকে লাহোর পাঠাবার কথা নিয়ে খুবই আলোচনা চলচে। দেখি কি হয়! খুব লক্ষ্য চিঠি দিয়ে। ইতি

ভোমায়ই—নীহার।

নারায়ণের-পঞ্চপ্রদীপ

সহজিন্দা

[শ্রীবিভূতিভূষণ ভট্ট]

চতুর্থ অধ্যায়

(জিবেরী কথ্য)

সরস্বতী

হাসির আমার এ কি হল! সে এই মাস-খানেকের মধ্যে এমন হয়ে গেল কেন? মা ভাবছেন, দিদিমা কাঁদছেন, এমন কি বোধ হচ্ছে যেন বাড়ীসুদ্ধ সবাই ভাবছে যে এই সারা গ্রামখানার হাসিখানি এমন হয়ে একটা ছোট্ট ঘরের কোণে মিলিয়ে যাচ্ছে কেন? এমন কি এই হতভাগিনী বাকশক্তিহীন মানুষটাও যে মুক দৃষ্টিতে জানাচ্ছে যে তার করুণাময়ী হঠাৎ তার প্রতি এমন অকরণ হয়ে উঠল কেন? কেবল ঘরের কোণে বসে একটা ছবি নিয়েই ভাবছে, না হয় তুলি বুলুচ্ছে, না হয় হাঁ করে তার দিকে চেয়ে আছে।

ছবিখানা দেখছি—একটা তিথারী মূর্তি। সেই মূর্তির চতুর্দিকে কত ফুল, কত শোভা, কত হীরে মণিকের রাশি হেলা ফেলা করে সাজান। কিন্তু তার মাঝখানে গৈরিক বসনে তিস্তাপাত্র হাতে একজন তিথারী। এ যেন সেই তার পূর্বের আঁকা বুদ্ধদেবের ছবিখানার নতুন সংস্করণ। সেই বুদ্ধের ছবিখানা কোথায় সরিয়ে ফেলেছে, আর দেখতে পাই নে। কিন্তু তার স্থানে এ কার মূর্তি সে আঁকছে। এ মুখখানার সঙ্গে ধীর সাদৃশ্য রয়েছে তাঁকে এমন সন্ন্যাসীর বেসে সাজিয়ে দেবার কি কারণ যে আছে তাও ত' খুঁজে পাই নি। প্রিয় বাবুর চেহারার মধ্যে কোন স্থানেও ত' সন্ন্যাসীর লক্ষণ আমি দেখতে পাই নি। তবে আমি তাঁকে অধিকাংশ সময় দূর হ'তে না হয়, আড়াল থেকে দেখছি, তাই জোর করে বলতে পারি নে বটে, কিন্তু কৈ আর কাউকেও ত' এ রকমের কোনো কথা বলতে শুনি নি। তবে শুনিছি বটে ইনি খুব জ্ঞানী, বুদ্ধিমান, বিদ্বান লোক। তাই বলে এ'র মধ্যে সন্ন্যাসীর ভাব কি করে হাসি দেখলে ?

প্রিয়ব্রত বাবু যে খুব ভাল লোক তা' সবারই মুখে শুনিছি। শুনিছি তিনি আসাতে গ্রামের শ্রী ফিরে গেছে। সারা দেশের লোক এ'র প্রশংসা করছে—সমস্ত গ্রামের হেন কাজ নেই যাতে নাকি এ'র হাত নেই। গ্রামের ছুখী দরিদ্ররাও নাকি বেশ ছ'পয়সা রোজগার করে এ'র সাহায্যে সুখ স্বাস্থ্যের উপায় করে নিচ্ছে। 'ভবু কেউ ত' বলেনা যে ইনি সন্ন্যাসী। মা বলেন বটে, যে ম্যানেজার বাবু খুব ধার্মিক, শুদ্ধাচারী, স্বল্পভাষী, স্বল্পব্যয়ী মানুষ। বিষয় বুদ্ধিও শুনিছি তাঁর যথেষ্ট আছে—বিষয়ের আয়ও বেড়েছে। কিন্তু কেউ ত' তাঁকে কৈ সন্ন্যাসী বলে না, বা সন্ন্যাসী বলে ভুল করে না? তবে সেই বিষয়ী মানুষটির মধ্যে এই অভূত মেয়ে মানুষটা সন্ন্যাসীকে কোথায় দেখতে পেলে ?

সন্ন্যাসী? সন্ন্যাসী—কেবল দেখেছিলাম সেই এক দিন, আর দেখছি এই এতকাল পরে আমার ঘরের দ্বারেরই কাছে। জানি না আমার কি সৌভাগ্য যে আমাদের সেই কতদিনের হারাণো চাঁদ আবার আমারই অদৃষ্টে দয়া করে উদয় হয়েছেন, দয়া করে ধরা দিতে এসেছেন।

ধরা দিতে? হায় রে মেয়ে মানুষের প্রাণ! এ কথা কেমন করে, কোন্ সাহসে তুই বলি? কৈ তিনি ধরা দিলেন? সেই যেমন প্রথম ধরা দিতে এসে ধরা না দিয়ে সরে গিয়েছিলেন, ঠিক তেমনি করেই ত' আজও আছে

এসে ধরা নিয়ে আসছে হয়ে বসে আছেন। এখন যে ইনি আরও দূরে—বহু দূরে কোন সপ্তর্ষি লোকের ধ্রুবতারার মধ্যে লীন হয়ে আছেন। আমার যোগী যে ধ্রুবলোক হতে নামতেই পারেন না। না—না—নেমে কাজ নেই। তুমি অমনি ধ্রুবলোকেই থাক, আমিও এই অধ্রুবের জগৎ হতে তোমার ঐ দুটা বিশাল কোমল নয়নের মধ্য দিয়ে আমার ধ্রুব ভক্তিকে সেই লোকে পাঠিয়ে দিই।

কিন্তু হাসিই বা এ কি করে বসল? হাসি এ কোন্ অপরিচিতকে এনে আমাদের ছই বোনের মাঝখানে দাঁড় করালে। একে কে চায়? আমি? কৈ একদিনও ত' এ'র শুভাশুভ কোন কর্মের দিকে ফিরে চাইবার কোনো অবসর পাই নি, তবে কেন আমার এত কাছে, আমার হাসির হাসিটুকুর অন্তরে এ'র স্থান হল? হাসি এ কি করে বসল?

তাকে মানা করবার জো নেই। মানা করলে বলে, 'আমার বাবা ক্রিস্টান হয়ে বেরিয়ে গেছেন, কিন্তু আমি ঘরে থেকেই ক্রিস্টান। আমি তোমাদের এই সব বাজে লোকাচার মানি নে।' সে বাস্তবিকই কোন দিন কোন মিথ্যে সংকোচ রাখে নি, যখন যেখানে যাবার দরকার বোধ করেছে সেখানে গিয়েছে, যে কাজ করবার দরকার বোধ করেছে তাই করেছে। কেউ তাকে বাধা দেয় নি, দিতে পারে নি। সে তার হাসির জোরে সমস্ত বাধাই উড়িয়ে দিয়েছে। আজ তাকে কে ঠেকাবে? আমি? আমার সে সময় কৈ? ইচ্ছে কৈ? শক্তি কৈ? আমার সমস্ত শক্তিই যে এক আয়পায় আটকে গিয়ে শিবের জটায় গঙ্গার মত পাক খাচ্ছে। কোন্ ভগ্নীরথ তাকে আরাধনা করে নামিয়ে আনবে?

আজ প্রভাতে আমার সন্ন্যাসীর পাশে এ কাকে দেখে এলাম! একে—এ কে—এ কে গো! একে দেখলাম যেন আমার হোমশিল্পির পাশে শান্তিঙ্গলের কলসের মত চূপ করে শেষের অপেক্ষায় দাঁড়িয়ে আছে! কে ইনি যাকে আমার সন্ন্যাসী এত আগ্রহে নিজের বুকের মধ্যেই টেনে নিচ্ছিলেন? কে তুমি এত দিন আপনাকে এমন ভাবে গোপন করে রেখেছ? তোমার ভ' চিনতে পারলাম না। তুমি আমাদের দাসত্ব করতে এসেছ, কিন্তু তোমার ঐ দাস ভাবের আধরণের মধ্যে যে মহাপ্রভুদের আভাস হঠাৎ বিহ্যাতের মত ঝলক মায়লে তা কি সত্য, না তাও একটা মিথ্যা আলেয়ার আলো? যদি ঐ

আলেয়া হয় তা হলে অভাগিনী হাসি মরেছে, আর যদি আলেয়া না হয়ে ধ্রুব জ্যোতিঃ হয় তা হলে? তা হলেও না জানি তার কি হবে?

যা ভয় করছি, যদি তাই হয়; তা হলেও ত তুমি সহজলভ্য নও। হে অপরিচিত, হে আবৃত জ্যোতিঃ, তোমার সত্য মূর্তি প্রকাশ কর, নইলে যে আমরা ভয়ে মরি। নইলে অভাগিনী হাসির হাসি যে আর দেখতে পাব না।

কথা কও—কথা কও! আজ আমার শুধু কথা শুনবার ইচ্ছে করছে—কথা কও! হে চিরমৌন, আর কত কাল এমনি ভাবে শুধু একটা কথার আশায় বসিয়ে রাখবে, কথা কও। এত কথার জগতে, এত কোলাহলের হাটে, শুধু সেই একটা কথাই কি কেবল শুনতে পাব না। আর সবই শুনতে পাব কেবল সে একটা কথা হ'তে তুমি আমায় বঞ্চিত রাখবে? প্রভাত হ'তে সন্ধ্যা সন্ধ্যা হ'তে প্রভাত—এমনি করে কত রাত্রি, কত দিন কেটে গেল, কত কথা তুমি কইলে, কেবল সেই একটা কথা হ'তেই বঞ্চিত রাখলে! বঞ্চিত রাখবে বলেই কি আগে হ'তে এই বাক্যহারা মেয়েটিকে আমাদের মাঝে রেখে দিয়েছ? তাই সেই প্রথম দর্শনের দিনই তোমার চিরমৌন ভাষার প্রতিনিধি করে এই বাক্য পাঠিয়েছ তাকে বুঝি কথা কহাতে পারলাম না।

কিন্তু আমিও ছাড়ব না, আমি একেও কথা কহাব। একেও একদিন তোমার সামনে নিয়ে গিয়ে বসিয়ে দেখাব যে আমি কহাতে জানি, মৌনতার মধ্যে মুখরতার জন্ম দিতে পারি। চির স্তব্ধ আকাশেও ধ্বনি জাগাতে পারি। ব্যথা আমার কথা কইবে এবং সেই সঙ্গে তুমিও কইবে—নিশ্চয়ই কইবে। যে কথার জন্ম আমি আমার জন্ম হ'তে প্রতীক্ষা করে আছি, যে কথার জন্ম আমার জনক ঋষি সারা জীবন অপেক্ষা করে গেছেন, সে কথা যে চিরদিন অকথিত থাকবে এ হ'তেই পারে না। তাঁর সাধনা ব্যর্থ হ'তে পারে না—তাঁরই আশা আমার মধ্যে জলন্ত হয়ে জেগে আছে। সেই অমর অর্ধাঙ্গীর অমর আশা অমর সাফল্যকে টেনে আনবেই। আমি তার সূচনা দেখতে পেয়েছি।

আমার 'ব্যথা' আমার হাসির ব্যথা, এই মুখর সংসারের মৌন মুক 'ব্যথা'ও যেন চঞ্চল হয়ে উঠেছে। যেন তার মৌনতার মধ্যে একটা অক্ষুট গুঞ্জম ধ্বনি জেগে উঠেছে। কেন উঠেছে তাও ধরতে পেরেছি, কারণ তার হাসি আর তাকে স্তম্ভন করে প্রাণভরা হাসি দিয়ে বাঁচিয়ে তুলছে না। কিন্তু তার

চোখে এত দিন পরে জল দেখতে আরম্ভ করিছি—সে কেঁদেছে। আমি তাকে ভাষা শেখাবার বিফল চেষ্টায় যতই ব্যস্ত হয়ে উঠেছি, সে ততই মৌন অশ্রুভরা চোখে তার হাসির জন্ম মিনতি জানাতে আরম্ভ করেছে। যদি এই মৌন ভাষা ক্ষুট হয়—এই এত দিনকার চেষ্টার ফল দেখা দেয়, যদি সে হঠাৎ তার ক্ষুট ভাষা খুঁজে পায়, তা হলে কি সে যার মৌনতার প্রতিনিধি, সে কথা কইবে না?

কিন্তু তুমি ত' কথা কইতে পার, তোমার বন্ধুর কাছে ত' দূর হ'তে দেখলাম কত কথাই না কইছ! কেবল আমিই বঞ্চিত থাকব? আমার কাছে কি কেবল শুধু উজ্জল তত্ত্বকথা ছাড়া অথ কোনো কথা বলবার নেই তোমার? যে কথা বলবার জন্ম তোমার সমস্ত দেহ মন আত্মা ছুটফট করছে—ই্যা করছে, নিশ্চয় করছে—সেই কথাটাই কেবল বাদ থেকে যাবে? তুমি কি মনে করছ আমার কেবল কাণ দুটোই আছে, চোখ নেই, মন নেই, আর কোনো ইন্দ্রিয় নেই? আমি যে তোমার কতখানি দেখে নিয়েছি, তাই যে তুমি ধরতে পারছ না। তোমার যোগযুক্ত মন যেখানেই যুক্ত থাক, তোমার মনের মন যে কোথায় ধীরে ধীরে যুক্ত হচ্ছে তা তোমার চোখে পড়ছে না, এইটাই আশ্চর্য্য!

কিন্তু আমার যোগীর এই ভোগী বন্ধুটিকে কেমন যেন একটু ভয় করছে। কি যে কথা হয় এঁদের মধ্যে তা যে কোন দিন সাহস করে আড়াল থেকে শুনতে পারলাম না! আড়াল থেকে শোনা! ছি ছি, তা কেমন করে পারব? তা যেদিন পারব সেদিন কি আর আমার সন্ন্যাসীর কাছে আমার চির-প্রার্থিত রঘুনাথজীর কাছে যেতে পারব না? না—না, তা পারব না। যদি চিরদিন এই দু'জনের পরিচয় গোপন থাকে, তবু তা পারব না।

কিন্তু এক একদিন ইচ্ছা হয় প্রিয়ব্রত বাবুর মার কাছ থেকে, আর যদি সম্ভব হয় অবিলাশ বাবু উকিলের কাছ থেকে এঁর পরিচয় আদায় করতে যাই। কিন্তু পারি না যে। কে যেন বাধা দেয়। তাই হাসির কাছেও এ কথা পাড়তে পারি না। লজ্জা করে—লজ্জা! আমার আবার এ উৎপাত কোথা হতে জুটল! যে কোন দিন কোন লজ্জা ভয়ের ধার ধারেনি, তার আবার লজ্জা!

কিন্তু তবু সেই লজ্জাও ত' আমার মধ্যে লুকিয়ে এসেছিল। এতদিনকার অব্যবহারেও ত' সে মরে নি।

বুঝি কিছুই মরে না; এই অমরতার জগতে কিছুই মরে না। কালে সবই ফুটে ওঠে, সময় হলে সবই আবার ফুলে পাতায় সজীব হয়ে ওঠে। ওরে মন! ভয় নেই, সময়ের অপেক্ষা কর, তোর সাধনাও সফল হবে। (ক্রমশঃ)
(উপাসনা, শ্রাবণ।)

তুমি

[শ্রীচারুবালা দত্তগুপ্তা ।]

তুমি শাস্তি আমার তাপিত পরাণে
শয়নে স্বপ্ন স্থখ ।
তুমি হৃদয়-কুসুমের ম্লিষ্ট মধুর
অমিয়-সুরভি টুক ॥
তুমি মলয় আমার প্রথর নিদাঘে
মধুমাসে পিকবর ।
তুমি তরুণ তপন প্রভাতে আমার
সন্ধ্যায় স্বধাকর ॥
তুমি জ্যোছনা আমার জাঁধার হৃদয়ে
অন্ধের হাতে নড়ি ।
তুমি নিরাশ জীবনে আশাটী আমার
অকুল পাথারে তরী ॥
তুমি হৃদয় সাগরে লহরী আমার
বিষাদের মাঝে হাসি ।
তুমি স্থপ্ত জীবনে বাঁশরী আমার
নিয়ত জাগাও আসি' ॥
তুমি ক্লান্ত হৃদয়ে আরাম আমার
প্রেমের মধুর স্মৃতি ।
তুমি উদাস জীবন-প্রান্তরে মোর
অস্তুর-ভরা গীতি ॥

আগমনী

[রচনা—শ্রীকালিদাস রায়]

সুর ও সুরলিপি

[শ্রীমতী মোহিনী সেন গুপ্তা]

ভৈরবী—জলদ একতাল

II	দা	সী	সী	।	গা	সী	গা	I	দা	গা	দা	পা	দা	পা	।
	এ	স	মা		ন	ব	নী		হ	দ	য়া	জ	ন	নী	
	।	মা	জা	জা	।	মা	সা	সা	I	দা	-পা	সা	সা	-।	-।
		ম	নি	ম		এ	জ	বা-		ক	।	।	রে	।	।
	।	সা	সা	সা	।	জা	জা	জা	I	জা	জা	মা	মা	মা	মা
		হ	র	য		ধা	রা	য়		স	র	স	ক	রি	য়া
	।	জা	মা	পা	।	দা	দা	গা	I	দা	-পা	-সী	সী	-।	-।II
		এ	স	মা		ব	র	ষ		প	।	।	রে	।	।
	{	স	সা	II	গা	সা	সা	।	জা	জা	জা	I	মা	মা	মা
	(১)	এ	স	শা	র	দ	গ	গ		ন	ম	গ	ন	ক	রি
	(৫)	এ	স	প	য়	স্বি	নী	।	।	র	আ	পী	ম	ও	রি
	(ন)	এ	স	ন	দ	ন	দী	।	।	উ	রি	মী	।	ম	বৈ
	(১৩)	এ	স	শি	উ	র	আ	।	।	।	জ	হা	।	জ	উ
		।	জা	মা	পা	।	পা	দা	I	মা	-পা	-দা	।	দা	-।
	(১ক)	ও	চি	জ্যো	ছ	না	র	বা	।	।	।	।	মে	।	।
	(২ক)	ম	ধু	র	গো	র	স	র	।	।	।	।	সে	।	।
	(নক)	কান	তা	র	ড	।	রি	কা	।	।	।	।	সে	।	।
	(১৩ক)	লা	।	সে	আ	উ	না	জ	।	।	।	।	সে	।	।

(২) দা দা সা ১ সা সা I দা দা গা ১ গা গা ১
 (৬) নিঃ শ্বে র ০ গৃ হ শ ০ ত্রে ত্রে ত্রে ত্রে ত্রে
 (১০) ত ক ল ০ তা ত রি ফ ব গৌ র
 (১৪) ম ব স্বা স্ থো ত রি যা শ্রী ক ঞ্ ঞ্

(২ক) জা জা মা ১ মা জা মা I জা ১ -খা ১ সা ১ } I
 (৩ক) য ম ত ক নি মা দা ০ ০ ০ ০ ০ ০
 (৫ক) বি ঞ্ ০ তে নি মা য ০ ০ ০ ০ ০ ০
 (১০ক) ত ডা গ ত রি যা জা ০ ০ ০ ০ ০ ০
 (১৪ক) জী ব গ জ ড তা হ ০ ০ ০ ০ ০ ০

(৩) এ স প্র ক টি যা তা গা I দা -গা -সা ১ সা ১ সা ১
 (৭) এ স পুষ্ প ত রি যা গ ০ ০ ০ ০ ০ ০
 (১১) ভ রি শা লি সম্ প দে ক্ষে ০ ০ ০ ০ ০ ০
 (১৫) মা গো বি ত রি অন্ ন- শু ০ ০ ০ ০ ০ ০

(৬ক) জা জা জা ১ দা দা -১ I মা -দা -গা ১ সা ১ সা ১
 (৭ক) গুঞ জ্ নে ত রি ০ কু ০ ০ ০ ০ ০ ০
 (১১ক) মঞ জ্ তা ম ক ০ র ০ ০ ০ ০ ০ ০
 (১৫ক) ক ক্ গা য ত ০ রি নে ০ ০ ০ ০ ০ ০
 (১৯ক) সন্ তা ন গ গে ০ ধ ০ ০ ০ ০ ০ ০

(৪) সা সা জা ১ জা ১ সা সা I জা ১ জা ১ সা ১ সা ১
 (৮) কু জ্ নে ত রি যা ন মে ক কু লা য
 (১২) জ্ দ স রো ব র ড রি কো ক ম দে
 (১৬) মু খ রি ত ক রি গি রি কন্ দ র নি
 (২০) বি ঞ্ জ্ যা ০ স ন্ তা প হ রা ০

(৪ক) মা গা গা ১ দা -১ পা I মা -দা -দা ১ } II
 (৮ক) রঞ জি যা জ ০ ল ধ ০ ০ ০ ০ ০ ০
 (১২ক) কু মু দে ঞ্ ম্ দী ব ০ ০ ০ ০ ০ ০
 (১৬ক) ব় বা র ক ০ র ০ ০ ০ ০ ০ ০
 (২০ক) বঙ্ গে র ষ ০ রে ষ ০ ০ ০ ০ ০ ০

পতিতার সিদ্ধি

(উপস্থাস)

[শ্রীক্ষীরোদপ্রসাদ বিছাবিনোদ]

(পূর্বপ্রকাশিতের পর)

২০

চারুর এত ঐশ্বর্যের সম্মুখে রাখুর দারিদ্র্য তাহাকে এমন জড়বৎ করিয়া তুলিয়াছিল যে, চারুর সঙ্গে অতগুলো কথাবার্তার পরেও তাহাকে রাখী অহুমান করিতে তাহার সাহস হইল না। চারু ফিরিয়া আসিলে, দেখিতে সে অবিকল রাখীর মত, কেবল এই কথা বলিবার জন্ত আপনাকে রাখী সাহসী করিতে লাগিল।

কিন্তু সত্য সত্যই চারু যদি রাখী হয়? এক রাজির দেখা-শুনায় একটা জ্বীলোকের এতই কি সে আপনার হইয়া গেল যে, তার সমস্ত ঐশ্বর্যের উপায়ন এত আগ্রহের সহিত তার সম্মুখে উপস্থিত করিতে সে ছুটিয়া আসিল? একবার সে মনে করিয়া দেখিল, সত্য সত্যই এই ঐশ্বর্যময়ী যদি তার জ্বী রাখীই হয়?

সেই যুগ পূর্বের বাল-দম্পতির ভিতরে যৌনসম্বন্ধ না থাকিলেও, সুভরাং সম্বন্ধের অপব্যবহারে পক্ষীর উপর ঈর্ষার কোনও কারণ না থাকিলেও চারুকে রাখী মনে করিতে কেমন তার একটা কষ্টবোধ হইতে লাগিল। সঙ্গে সঙ্গে তার দারিদ্র্য চারুর নিবেদিত সমস্ত ঐশ্বর্য হইতে অধিক প্রীতিকর বোধ হইল।

যাহা বিশ্বাস করিবার নয়, তাহা বিশ্বাস করিয়া আত্মপ্রসাদ ক্ষুণ্ণ করিতে যাওয়া নিতান্ত মূর্থতা। রাখী আবার সোফায় হেলান দিয়া মুদ্রিত চক্ষে তার চিরনিশ্চয় হ্রবস্থা নিঙাড়িয়া যেটুকু মধু সংগ্রহ করিতে পারিল, তাহাতেই এমন তার তৃপ্তি আসিল যে, চারুর ঘরের দৌলদর্য আর তার দৃষ্টিকে মধুরতায় আকৃষ্ট করিতে পারিল না। তৃপ্তির গাঢ়তায় সে ঘুমাইয়া পড়িল।

“ওরে বিশেষ, আ মব এখনও পড়ে পড়ে ঘুমুচ্ছিস? সকাল হয়েছে, উঠে পড়।”

রাখী এমন ঘুমাইয়া পড়িয়াছিল যে, ঝির কথা তার কাণে না গেলে আরও

কতক্ষণ পরে যে তার নিজা ভঙ্গ হইত, তার কিছুমাত্র স্থিরতা ছিল না। ঘুম ভাঙিতেই সে ব্যস্ততার সহিত উঠিয়া বসিল। উঠিবামাত্র সে বুঝিতে পারিল—রাত্রি শেষ হইয়া গিয়াছে।

তখন ঘরের দোর খুলিয়া বাহির না হইয়াই সে ডাকিল—

“চাক্র!”

চাক্রকে ডাকিতে বি আসিল। সে উপস্থিত হইয়াই বলিল—

“হাত-মুখ ধুয়ে ফেলুন। আমি গড়গড়ায় জল ফিরিয়ে তামাক ঠিক করে রেখেছি।”

“চাক্র?”

“গঙ্গাস্নানে গিয়েছে।”

“কতক্ষণ?”

“অনেকক্ষণ—তখন বেশ ঘোর ছিল।”

বলিয়া সে গাড়ু হাতে লইয়া তার মুখ প্রক্ষালনের সাহায্য করিতে আসিল।

কক্ষণ গীতে রাত্রির স্বপ্নবৎ জাগরণটাকে ঘুমন্ত করিবার জন্ত প্রভাতী আলো মেঘের ফাঁকে ফাঁকে এক একবার রাখুকে দেখা দিয়া চলিয়া গেল।

“আমাকে তুলে দিলে না কেন?”

“দিদিমণি ঘুম ভাঙাতে নিবেদন করে’ গেছে।”

আলোকের জাগরণের সঙ্গে সঙ্গে রাখুর মনোভাবের পরিবর্তন ঘটিল। ঘুমিয়ে পড়াটা তার বড়ই অন্য় হইয়া গিয়াছে। অল্প অল্প দিন অতি প্রত্যাশেই সে শয্যা ত্যাগ করে। সূর্যোদয়ের পূর্বেই সে গঙ্গাস্নান করিতে যায়। স্নানান্তে কাপড় ছাড়িয়া একখানি নামাবলী গায়ে গঙ্গাজলেই সে তার নিত্যকর্ম পূজালিক সারিয়া লয়, তারপর বাসায় আসিয়া সিন্ধু বস্ত্র রক্ষা করিয়া যজমান-ঘের বাড়ীতে পূজায় বাহির হয়। অত প্রাতঃকালে বাহির হইয়াও পূজা সারিয়া তার বাসায় ফিরিতে দ্বিপ্রহর অতীত হইয়া যায়।

পূর্বদিনে পূজার জন্ত একজন প্রতিনিধি রাখিয়া রাখু শ্রাদ্ধবাড়ীতে গিয়াছিল। আজ ত আর সে ব্যক্তি তাহার অবর্তমানে কাজ করিবে না। রাখু এইবারে আপনাকে বিপন্ন বোধ করিল।

“বি, তামাক খাবার দেয়ী সহবে মা, ঐ দোরের কাছে আমি কাল কাপড় চাদর রেখেছি, এসে দাও—এখন আমাকে যেতে হবে।”

“সেকি দিদিমণির ফেরবার অপেক্ষা করবেন না?”

“অপেক্ষা করবার আমার সময় নেই।”

“তা কি হয়?”

“আমার বিশেষ কাজ আছে।”

“কি এমন কাজ? সে আপনাকে অপেক্ষা করতে বলে গেছে।”

“না বি, আমি এখনি যাব। তোমার দিদিমণি এলে বলো, পারি ত আমি আর একদিন এসে তার সঙ্গে দেখা করবো। তুমি কাপড়খানা এনে দাও।”

“তাইত, আমাকে যে তার কাছে মুখনাড়া খেতে হবে, ঠাকুরমশাই।”

“খাকতে পারলে আমি থাকতুম বি, আমাকে পাঁচ যজমানের বাড়ী পূজো করতে হয়।”

বি মুহূর্তের জন্ত বিস্মিতনেত্রে একবার রাখুর মুখের পানে চাহিল। এ ত ট্যানাপরা লক্ষপতি নয়—সত্য সত্যই গরীব ব্রাহ্মণ! সে ভূমিষ্ট হইয়া রাখুকে প্রণাম করিল—বুঝিল, সত্য সত্যই বাড়ে বিপন্ন হইয়া নারায়ণ গতরাজে বেষ্ঠার বাড়ীতে অতিথি হইয়াছিল। উঠিয়া সে আর কোন কথা না কহিয়া রাখুর কাপড় আনিতে গেল।

“কই বাবাঠাকুর, কাপড় যে দেখতে পাচ্ছি না!”

তার কথায় প্রত্যয় না করিয়া রাখু নিজে বারান্দায় গিয়া দেখিল, কাপড় নাই। কাপড় খুঁজিতে সে পূর্বোক্ত ঘরের মধ্যে প্রবিষ্ট হইল। সেখানে তার পরিধেয় ত দেখিলই না, যে গরদখানা সে ছাড়িয়াছিল, সেখানাও সে দেখিতে পাইল না।

“তাইত বি, আমি যে বিষম বিপদে পড়লুম।”

বি বলিল—“আপনি ততক্ষণ তামাক খান, আমি কাপড় খুঁজে দেখি।”

“তুমি গড়গড়া এই ঘরে এনে দাও।”

“কেন, ঐ ঘরে সোফার উপরে বসুন।”

তখন-পর্যন্ত-পাতা সেই গালিচার উপরে বসিয়া রাখু বলিল—

“না!”

বি তামাক দিয়া কাপড় খুঁজিতে গেল। চারিদিক খুঁজিয়া যখন উপর নীচে কোথাও সে দেখিতে পাইল না, তখন কলতলায় শেষ অল্পসন্ধানে সে দেখিতে পাইল, ব্রাহ্মণের সেই মলিন বস্ত্র কর্দমাক্ত হইয়া সেখানে পড়িয়া

আছে। তুলিয়া পরীক্ষা করিতে সে দেখিল—দিদিমণির অলঙ্কক-রঞ্জিত পদচিহ্ন তাহাতে পূর্ণভাবেই অঙ্কিত হইয়াছে। সে-কাপড় সে ব্রাহ্মণের কাছে আনিতে সাহস করিল না। রাখুর কাছে ফিরিয়া ঝি মিথ্যা বলিল—

“কাপড় পেলাম না। দিদিমণি অন্ধকারে মাড়িয়েছিল বলে’ গলায় বোধ হয় কাচতে নিয়ে গেছে।”

রাখু প্রমাদ গণিল। একবার পরিধেয় বস্ত্রের দিকে চাহিল। দেখিবা-মাত্রই বুঝিল, রাত্রিকালের দীপালোকে অগ্রমনস্কের চোখে কাপড়ের সৌন্দর্য্য সে সম্যক বুঝিতে পারে নাই। এ কাপড় পরিয়া কেমন করিয়া সে পথে বাহির হইবে? শুধু-পায়ে-পথ-চলা বামুনের এই কি-জানি-কত-টাকা মূল্যের বিচিত্র পরিধেয় দেখিয়া যদি পথের মাঝে কেহ তাহাকে কাপড়ের কথা জিজ্ঞাসা করে! যদি এ চিরদরিদ্র ব্রাহ্মণ কোন পরিচিত লোকের সন্মুখে পড়ে?

এতক্ষণ পর্য্যন্ত বাসার কথা তার মনে উঠে নাই। মনে মনে সারা পথ চলিয়া পথের শেষে বাসার কাছে যেমন সে উপস্থিত হইল, অমনি সে যেন দেখিতে পাইল, প্রতিবেশী হইতে আরম্ভ করিয়া বাসার সঙ্গীসকল এমন কি গৃহস্থামী পর্য্যন্ত তাহার চলিবার পথের দুইপাশে দাঁড়াইয়া, তার এই বিচিত্র পাড়-ওয়াল কাপড়ের প্রতি চাহিয়া আছে। বাজীর গিন্নী বাহিরে হাঁ করিয়া দাঁড়াইয়াছে, আর বৌগুলা কপাটের ফাঁক দিয়া উঁকি দিতেছে।

সে সকল চাহনির ভিতরে কত প্রশ্ন, প্রতি প্রশ্নের ভিতরে কত রহস্য, প্রতি রহস্যের মাথায় চড়িয়া কত বিজ্ঞপের হাসি! সেগুলা স্থানটাকে যেন এক বিষাক্ত কোলাহলে পূর্ণ করিয়া তাহার সমস্ত যজ্ঞমানদের গুনাইবার জন্ত আকাশ-মার্গে উড়িতেছে।

চিন্তার প্রহारेই রাখু ভয়ে বিহ্বল হইয়া পড়িল।

“ঝি আমাকে যে একখানা কাপড় দিতে হবে?”

“কি রকম কাপড়?”

“থান হ’লেই ভাল হয়।”

“মাসী থাকলে থান কাপড় মিলতে পারতো। তা পোড়া মাসী যে গুরুকেও বিশ্বাস করে না। সে সমস্ত কাপড় সিন্দুকে পূরে চলে গেছে।”

“তোমার কাছেও কি আমার পরবার মত একখানা কাপড় নেই?”

“আমার ব্যবহার করা কাপড় তোমাকে কেমন করে দেবো ঠাকুর-মশাই?”

রাখু সেই পট্টবস্ত্র পরিয়াই যাইবার জন্ত প্রস্তুত হইল। সিঁড়ির দিকে দুইপদ যাইতেই ঝি বলিল—

“একান্তই যদি তোমার না গেলে চলবে না, তবে আর একটু দাঁড়াও। আমি আর একবার খুঁজে দেখি। কলতলায় কাদামাখা একখানি কাপড় দেখেছি।”

বলিয়া সে আবার নীচে চলিয়া গেল এবং রাখুর কাপড় চাদর যথাসম্ভব জল-কাচা করিয়া তাহার সন্মুখে উপস্থিত করিল।

“তুমি আমাকে বাঁচালে ঝি।”

বলিয়া ঝিকে কাপড় দিবার অবসর না দিয়া নিজেই তাহার হাত হইতে বস্ত্র যেন কাড়িয়া লইল।

“তুমি ত বাঁচলে ঠাকুর, আমাকে যেন গাল খাইয়ে মেয়ে ফেলোনা। কখন আবার আসবে বল।”

বস্ত্র পরিবর্তন করিয়া আবার যেমনি রাখু ভিখারী-বেশী হইল, তখন সে মুহু হাসিয়া উত্তর দিতে ঝিকে বলিল:—

“এখানে আর কি আমার আসা উচিত গা?”

ঝি দেখিল, দিদিমণির দেওয়া সেই দামী-বেনারসী, ব্রাহ্মণের গায়ে জড়ান ময়লা কাপড় চাদরের পায়ে পড়িয়া যেন অতি দীনভাবে তাদের কাছে পবিত্রতা ভিক্ষা করিতেছে। সে বলিল—

“যদি ধর্ম বজায় রাখতে চাও বাবা, তা’ হলে তোমায় আর আসতে বলতে পারি না।”

“ঠিক বলেছ মা, এদিকে ত আসবই না—শুধু তাই নয়, এ কলকাতাতেও আর থাকবো না।”

“আবাগী পূর্ব জন্মে কি পুণ্য করেছিল।”

বলিয়া ঝি রাখুর চরণে আবার প্রণত হইল।

স্বপ্নাবৃত ঐশ্বর্যের বোঝা মন হইতে ফেলিয়া আবার রাখু পথে তার চির-স্বহৃৎ দারিদ্র্যের সঙ্গে কথা কহিতে কহিতে বাসায় ফিরিয়া চলিল।

সারা পথের ভিতর আর কেহ কারুর সঙ্গে কথা কহিল না। অবগুণ্ঠনবতী চাক অন্ধা, আর পূর্বমত তাহারই স্বন্ধে হাত রাখিয়া তার গুরু পশ্চাতে। তাঁর

পূহ-প্রবেশের সাহায্য করিতে চারু যখন অবগুঠন ঈষৎকৃত করিয়া দাঁড়াইল তখন গৌসাইজী বলিলেন—“তোমাকে একটা কথা এই সময় বলা কর্তব্য বলে বলে রাখি।”

“বলুন।”

“শুনে বুঝে তার উত্তর দাও।”

গৌসাইজীর কথার গুরুগাভীরো চারু কোন কথা কহিতে পারিল না।

“চুপ করে রইলে কেন সরস্বতী।”

“বলুন।”

“সেই বেড়াটা গঙ্গায় ডুবে মরেছে, মনে কর।—মনে করেছ।”

“করেছি।”

“তা হলে তার স্বামীর কি হবে না হবে, সে আবাগী আর জানতে আসছে না, কি বল? চুপ করলে চলবে না, শীঘ্র বল, গুলি দিয়ে লোকজন চলতে আরম্ভ করেছে, এরপর কথা কবার আর সুবিধা হবে না।”

“বাড়ীর ভিতর গিয়ে বললে চলবে না?”

“না, বললে তোমাকে বাড়ীর ভিতর নিয়ে যাব।”

গৌসাইজীর কথা কোথায় গিয়া কি ভাবে দাঁড়াইবে, বুঝিতে না পারিয়া যা'হোক একটা উত্তর দেওয়ার মত করিয়া চারু বলিল—

“যখন মরে গেছে, তখন সে আবাগী আর কেমন করে জানতে আসবে!”

“তা হলে সেই নিরীহ পাড়াগৈয়ে বামুন যদি সেই বেড়াটার খুনের দায়ে বাধা পড়ে, তাকে কে রক্ষা করবে সরস্বতী?”

“ভগবান।”

“বুঝেছ?”

“বুঝেছি।”

“সত্যি সত্যি, কোমরটায় মন্দ লাগেনি রে!”

চারু প্রথমে বুদ্ধকে বাড়ীর ভিতরে প্রবেশের সাহায্য করিল। পরে নিজে প্রবেশ করিল। বুঝিল, বুঝি জগতের নিকট হইতে চিরদিনের জ্ঞান লুকাইতে সে গুরুগৃহে প্রবেশ করিতেছে। মনে করিতেই তাহার মাথাটা কেমন আপনা আপনি ঘুরিয়া গেল। সে দোরের উপর উঠিয়াই গুরুর দেহের উপরেই ঢলিয়া পড়িল।

ব্রাহ্মণ বুঝিয়াও যেন বুঝিলেন না, একহস্তে চারুকে ধরিয়া অগ্র হস্তে

বহির্দ্বার বন্ধ করিলেন। তারপর চারু তাঁহাকে আবার ঘরে লইয়া যাইতে যেমন তাঁহার হাত নিজ স্বন্ধের উপর স্থাপিত করিল, অমনি সে গুরুর মুখ হইতে শুনিল কি কল্পণামাথা কোমল স্বর।—

“হাঁ মা, এ বুড়ো ছেলের ভার নেওয়াটা কি তোর ভাল লাগছে না?”

“ওকথা আর বলবেন না বাবা, বললে আমি মরে যাব।”

“তাই বল, আমার শেষ বয়সের যষ্টি, তোর কথা শুনে আশ্বাস পাই।” বলিয়াই গুরুগভীর স্বরে তিনি ভৃত্যকে ডাকিলেন “দামোদর, আরে মর—এখনও যুমুচ্ছিস্ না কি—দামু!”

ভৃত্যের পরিবর্তে তাঁহার গলার আওয়াজ শুনিবামাত্র বাড়ীর ভিতর হইতে গৌসাই-গৃহিণী ছুটিয়া আসিলেন।

“কোথায় গিয়েছিলে?”

আরও অনেক কথা ব্রাহ্মণী বলিতে যাইতেছিলেন, স্বামীর সঙ্গে একটা জীলোককে দেখিয়া তাঁর আর বলা হইল না।

“সঙ্গে মেয়েটি কে?”

“কাছে এসে দেখো।”

“কে গো, চারু? তুই এমন সময় কোথা থেকে উপস্থিত হলি?”

গৌসাইজীকে ছাড়িয়া চারু গুরুগভীর পদতলে প্রণত হইল। গৌসাই-গিণী চারুকে সে সময়ে দেখিয়াই যে বিস্মিত হইলেন, এমন নহে। তাহার নীরবতা, তাহার মুখ চেখের ভাব বিশেষতঃ পশ্চাতে অবনত মস্তকে চারুর পানে চোখ রাখিয়া ঈষৎ বক্রভাবে দণ্ডায়মান স্বামীর কেমন এক রকম নতন-তর মধুর গভীর মুক্তি দেখিয়া এমন একটা গভীর বিশ্বাস তাঁহাকে মুহূর্ত্তে আচ্ছন্ন করিয়া ফেলিল, যে যতপি গৌসাইজী ভৃত্য দামুকে আবার ডাকিয়া স্থানের নীরবতা না ভঙ্গ করিতেন, তাহা হইলে বোধ হয় অনেকক্ষণ তাঁহার মুখ হইতে কথা বাহির হইত না।

“দামোদর কি বাড়ীতে নেই গিণী?”

“থাকলে কি সে উত্তর দিত না। তিনটে দোর হাট করা খোলা, অথচ তুমি নেই, সে ব্যাকুল হয়ে তোমাকে খুঁজতে গেছে। আমিও এতক্ষণ পথের পানে চেয়ে দোরের দাঁড়িয়ে ছিলাম।”

“ভালই হয়েছে, এখন তুমি আমি ছাড়া আর এখানে কারো থাকবার প্রয়োজন নেই। মেয়েটাকে চিনতে পারছ ব্রাহ্মণী?”

“আমার চোখে ছানি পড়েছে না ভীমরতি হয়েছে—আজ এমন দুর্ভোগে, এমন অসময়ে ওঁর কাছে কি জন্ত এসেছিলি ভাই চারু?”

“ভুল করে ফেলে ব্রাহ্মণী, ও চারু নয়।”

চারু এখন দাঁড়াইয়াছে। ব্রাহ্মণকথা স্বামীর এ কথার পর খতমত খাওয়ার মত চারুর মুখের দিকে চাহিলেন।

ব্রাহ্মণ এবার চারুকে বলিলেন—

“কি গো মা, তুই কি চারু?”

চারু গোসাই-গৃহিণীর মুখের পানে চাহিয়া কাঁদিয়া ফেলিল, গোসাইজীর কথার উত্তর দিতে পারিল না।

ব্রাহ্মণ বলিতে লাগিলেন—

“সেই পাপিষ্ঠা বেণী আজ গঙ্গায় ডুবে মরেছে। আমি তাকে তুলতে গিয়ে গঙ্গাগর্ভ থেকে এই কণ্ডারভটী কুড়িয়ে পেয়েছি। কাঠামো দেখে ভয় পেয়ো না। আচার্য্য গোস্বামীর কুলবধু। তোমার পূর্বপুরুষ ত্রিনিবাস আচার্য্যকে স্মরণ কর। তিনি কাঠামো দেখে ভয় পান নি, জাতির নীচতা দেখে ভীত হন নি, সমাজের যে স্তরেই হোক না কেন, যে লক্ষণযুক্ত রত্ন দেখেছিলেন, সেখান থেকেই তাকে তুলে এনে নিজের পরিবারভুক্ত করেছিলেন। চারু নয়, গঙ্গার ভিতর থেকে সেই মরা অভাগীর মূর্তি ধরে মা-সরস্বতী কুলে উঠেছে। উঠেছে কণ্ডা হতে,—তোমাকে আমাকে কৃতার্থ করতে।”

বলিয়া ব্রাহ্মণ চারুর চিবুক ধরিয়া পত্নীর দিকে তার মুখ তুলিয়া বলিলেন—

“নাও চুমো খেয়ে মাকে আমার ঘরে নিয়ে যাও।”

ব্রাহ্মণ কণ্ডা স্বামীর কথার এই অদৃষ্টপূর্ব আবরণের অর্থ বুঝিতে ত পারিলেনই না, চারুকে লইয়া কি যে করিবেন, তাহাও বুঝিতে না পারিয়া তিনি কেবল তাকে ধরিয়া দাঁড়াইয়া রহিলেন। দেখিয়া গোসাইজী বলিলেন—

“নিতে সন্ধ্যা হলে ব্রাহ্মণী?”

“না না, সত্যি কি চারু—”

“চারু নয় গো, সরস্বতী”

“সত্যি কি মা সরস্বতী, তুই বুড়ো-বুড়ীর ঘর আলো করে থাকতে এসেছিস?”

“আমাকে থাকতে দেবে মা?”

চারুর চিবুক করস্পর্শে চুপিত করিয়া দুই হাতে তাহাকে বেড়িয়া গঙ্গা-নারায়ণ-পত্নী তাহাকে ঘরে লইয়া গেলেন।

ঘরে লইয়া যখন ব্রাহ্মণ-কণ্ডা চারুর মুখ হইতে সমস্ত ইতিহাস শুনিলেন, তখন তাহার গলা দুই হাতে জড়াইয়া মুখচুষন করিতে করিতে তিনি বলিয়া উঠিলেন—

“এস মা, তোমার ঘরে যেখানে যা আছে, সব বুঝে পড়ে নেবে এসো। বুড়ো তোমাকে সরস্বতী বললে কেন, আমি বলবো গঙ্গা। আমাকে মা বলে ডাকতে উল্লে আমার কোলে এসেছে?”

এক মুহূর্তে একটা বার বছর ধরে ভুল করা মেয়ে এক সাধুদম্পতীর রূপায় তাহাদের পরিবার-ভুক্ত হইয়া গেল।

(ক্রমশঃ)

নারায়ণের নিকষমণি।

ইস্রাণী উপকথা।—শ্রীস্বরেশচন্দ্র চক্রবর্তী প্রণীত। আর্ধ্য পাবলিশিং হাউস, কলিকাতা। মূল্য ১।০।

বাংলা সাহিত্যে একখানা আসল সৃষ্টি, খাঁটি প্রতিভার দান। স্বরেশ-চন্দ্রের এক একটি গল্প, এক একটি সজীব ভাবমূর্তি—চলনের চাতুর্য্যে, বলনের বৈদগ্ধ্য, একটা অনাস্বাদিতের ব্যঙ্গনায় তাহা ভরপুর। স্বরেশচন্দ্র সেই একজন শিল্পী যিনি তাঁর যাহুবিচার্য্য আমাদিগকে যেন আবার ফিরাইয়া লইয়া গিয়াছেন বহুদিনের হারান অথচ গোপনে নিত্য অলুভূত একটা জগতের মাঝে, আমরা পাই এমন একটা জগৎ যাহা শৈশবের জগতের মত তরুণ সবুজ কল্পনাময়, হাস্যময়, সেই সাথেই আবার যাহার মধ্যে মিশিয়া আছে কি একটা সত্যিকার জ্ঞানের নিরেট জগৎ, প্রৌঢ়ের দৃঢ় উপলব্ধি তত্ত্বরাজ্য।

মানুষ আজকাল যেমন স্থূলচক্ষু হইয়াছে, এমন বোধ হয় সে কোন দিনই ছিল না। তাহার শিল্পে সাহিত্যে তাই দেখিতে পাই বেশীর ভাগ বাহিরের জীবনের কথা, সাধারণ ইঞ্জিয়-সৃষ্ট জগতের কথা। দৈনন্দিন জীবনের মধ্যে, ব্যবহারের জগতের মধ্যে যে সব শক্তির বা সত্যের খেলা চলিয়াছে লব্ধ তাহাকে ফলাইয়া বা কল্পনায় তাহাকে রঙাইয়া দেখাই বহু শিল্পীর ধর্ম হইয়াছে। এই ঘোর বাস্তবিকতা যতই কেন আমাদের প্রয়োজনের বা লাভের বস্তু হউক

না, প্রাণ সময়ে সময়ে সত্যই ইহাতে হাঁপাইয়া উঠে। আমরা চাই আলোর হাসির অপ্রয়োজনের অসম্ভবের কথা। কিন্তু নিছক রূপকথার যে সহজ ছেলেমানুষী তাহাতে বাস্তবিকই আমাদের তৃপ্তি হইতে পারে না, এমন কঠিন যুক্তির যুগে আমাদের মনের ছাঁচে সে রকম সৃষ্টি ধরা পড়িবেই না। তাছাড়া রূপকথা বা উপকথার গল্প—আরব্যউপাখ্যান হউক আর ঠাকুরমার গল্প হউক—তলাইয়া দেখিলে, বাস্তবিকতাই রূপান্তর মাত্র, বাস্তবিকতাকে একটু টানিয়া বাড়াইয়া বলা মাত্র।

স্বরেশচন্দ্র তত্ত্বের সঙ্গে কল্পনা মিশাইয়া একটা তৃতীয় লোক সৃষ্টি করিয়াছেন। তিনি দিয়াছেন একটা কামলোকের চিত্র, মানুষ যেখানে মানুষই আছে কিন্তু এই স্থলদেহের খোলস ফেলিয়া দিয়া আছে নিবিড় গোপন মৌলিক কতকগুলি আশা আকাঙ্ক্ষা ও প্রেরণা লইয়া, ইহাদের অবাধ নীলাঙ্গ ও চরিতার্থতা, অন্ততঃ চরিতার্থতার সম্ভাবনা লইয়া। ইহা একটা সূক্ষ্ম জগৎ, বাস্তব অবাস্তবের কঠিন ব্যবধান যেখানে নাই—সূক্ষ্মের ভাবের শক্তি যেখানে স্থূল উপকরণ লইয়া যথেষ্ট খেলিতে পারে—ছবির মানুষ যে প্রাণশক্তি নিখর জমাট তাহাই আর এক প্রাণের টানে ছলিয়া উঠিতে পারে, ছবির মানুষ জীবন্ত মানুষকে অনুসরণ করিয়া চলিয়া যাইতে পারে (ইরাণী উপকথা); অন্তরে আমার যে মানুষ ভাবে মূর্ত, ভাবের শক্তিতে বাহিরেও তাহা ভিন্ন মানুষকে ধরিয়া রূপান্তরিত করিয়া তুলিতে পারে (একটি অসম্ভব গল্প)। মানুষের কামলোকের মূক্তসত্তা, পার্থিবলোকের বদ্ধ রক্তমাংসের শরীরের মধ্যে পড়িয়া কেমন ব্যহত হইতেছে, ফুটি ফুটি করিয়া ফুটিয়া উঠিতে পাড়িতেছে না, এই নিবিড় দ্বন্দ্ব বা টাঁজেডিটেও আমাদের শিল্পী কেমন করণ অথচ কোমল মুহূর্ত অবলেপে—আঁকিয়া দিয়াছেন (একটি সত্য গল্প, একটি আঘাতে গল্প)। এই সূক্ষ্ম কামলোকেরই একটা নিছক তত্ত্ব ইহলোকের আবরণে আবেষ্টনে মুড়িয়া, রূপকে ঢালিয়া তিনি দিয়াছেন তাঁহার “ছোট উপকথায়।

জড়ের কঠিনের নিয়মের সত্যকে ভাঙিয়া যিনি নীচের টানা শ্রোতের মূক্তগতির খোঁজ পাইয়াছেন, ষাঁহার অহুভাবে জাগিয়াছে মিলের যতি অপেক্ষা ছন্দের স্বর, তাঁহার মধ্যে পাইব যে একটা অনির্দেশ্যের রেশ, শেষ-না-হওয়ার জের তাহাও খুব স্বাভাবিক। অন্তরীক্ষবাসী শিল্পীর দৃষ্টি যেন আরও উপরে কোথায় উধাও হইয়া চলিয়া গিয়াছে—তাই স্বরেশচন্দ্রের প্রত্যেক আধ্যাত্মিক আশা আমাদের লইয়া ছাড়িয়া দেয় এমন একটি যায়গায় যেখানে গল্প শেষ

হইলেও কথা শেষ হয় নাই। “সমুদ্রের ডাকে” মানুষের এই রকম একটা কামনা মুক্তিমান হইয়া উঠিয়াছে, যাহা লক্ষ্যহীন অর্থাৎ কামনাহীন কামনা, অহেতুক কামনা—কাম লোকের চরম কথা; মানুষের মানবীয় কামনা যেখানে নাই, বিশ্বসৃষ্টির তরঙ্গে তরঙ্গীভূত হইয়া যাওয়াই যেখানে মানুষের চূড়ান্ত সার্থকতা। আমরা পঞ্চেন্দ্রের সহিত খুবই পরিচিত। অতীন্দ্রের আত্মার কথাও যথেষ্ট জানি। কিন্তু স্বরেশচন্দ্র বলিয়াছেন, আমাদের কাছে জানাইয়াছেন একটা অন্তর্কর্তী লোকের তথ্য, একটা সূক্ষ্ম ইন্দ্রিয়ের তত্ত্ব (psychic sensibility)। স্বরেশ চন্দ্রের কথা পড়িতে পড়িতে আমাদের মনে উঠিয়াছে পাশ্চাত্যের একজন শিল্পীর কথা। Oscar Wilde এর প্রাণের অল্পরূপ ধাতু, সৃষ্টির অল্পরূপ ভঙ্গীই দেখাইয়াছে। শুধু তাই নয়, রচনা-প্রণালীর সম্বন্ধেও একটা সাদৃশ্য যে পাওয়া যায় না তাহা নয়; যাহাকে বলে jewelled style ফরাসী সাহিত্যের যাহা অতি স্থূল ও সহজ বস্তু, ইংরাজীতে তাহা চমৎকার ভাবে দিয়াছেন Oscar Wilde—বাংলায় স্বরেশ চন্দ্র সেই ভঙ্গীমায় দেখাইয়াছেন তাঁহার কৃতিত্ব।

বীরবলের টিপ্পনী।—শ্রীপ্রমথ চৌধুরী কৃত—শ্রীগৌরাদ প্রেস। প্রিন্টার ও প্রকাশক স্বরেশ চন্দ্র মজুমদার—দায় আট আনা। সেদিন ইউনিভারসিটি ইনস্টিটিউটে রবীন্দ্রনাথ “সত্যের আত্মান” নাম দিয়ে এক বক্তৃতা পড়েছেন—বক্তৃতাটা কতকটা রাজনীতির আর কতকটা চিরন্তন রীতির। ঐ বক্তৃতায় কবি বাঙালীকে কতকগুলো ছাপ ছাপ কথা শুনিয়াছেন। ঐ বক্তৃতার দিন চারি পর এক বন্ধুর মুখে; ওর একটা টিপ্পনী শোনা গেল। টিপ্পনীর ভাষা হচ্ছে—কবি মানুষ কবিতা নিয়ে থাকুন রাজনীতিতে তার কথা বলার কি প্রয়োজন—আর তার ভাব হচ্ছে কবি বা সাহিত্যিকের রাজনীতি নিয়ে আলোচনা করা হচ্ছে অনধিকার চর্চা করা।

আমাদের কিন্তু ধারণা উল্টো। সাহিত্যিকের অধিকার কলম চালানো। এবং তা কোন বিষয়ের ওপর তার কোন সীমা নেই। প্রাচীন মিশরের “মিমি” থেকে আরম্ভ করে আধুনিক Mount Everest এর expedition পর্যন্ত যে কোন বিষয়ে সাহিত্যিকের কথা বলবার অধিকার আছে। এ দুয়ের মধ্যে অবশ্য রাজনীতি সমাজনীতি বাদ পড়ে না। এটা সম্পূর্ণরূপে নির্ভর করে তার মজির উপরে এবং সে কথায় যদি ভাব ও রস থাকে তবে তা সাহিত্য হবে আর তা যদি না থাকে তবে তা waste paper basket এ যাবে। দেশের লোকে তা শোনে শুধু না শোনে না শুধু না। তাই বলে সাহিত্যিকের কলমকে পাঠকরা ধরে রাখতে পারে না—কেন না সাহিত্যিকের মনটা ও মজ্জিটা তার নিজস্ব জিনিস।

ওপরে এত কথা বলবার মানে “বীরবলের টিপ্পনী” হচ্ছে অধিকাংশই আমাদের বর্তমান রাজনৈতিক প্রচেষ্টার ওপরে টীকা ও ভাষ্য, স্থানে স্থানে

অবশ্য নূতন সূত্রও আছে—অথচ প্রমথবাবুর নাম আমরা কোন রাজনৈতিক আড়তার খাতায়ই দেখতে পাই নে। তবুও যে আমরা এ বই খানিকে অনধিকার চর্চা বলছি নে তার কারণ আমাদের ঐ উপরিউক্ত মনোভাব। আর প্রমথবাবু যে একজন সাহিত্যিক এ বিষয়ে অন্ততঃ সাহিত্যিকদের মহলে ছুঁমত নেই।

বীরবলের লিখবার ষ্টাইল বাংলা সাহিত্যে একটা একেবারে নতুন জিনিস। বীরবলের কথায় সাঁয় না দিলেও তাঁর লেখায় যে একটা রস আছে তা কারো অস্বীকার করবার উপায় নেই। অবশ্য নিতান্ত অরসিকের সম্বন্ধে আলাদা কথা। বীরবল দেশের মডারেটে ও extremistদের এই ব্যাখ্যা দিচ্ছেন—“যারা নিজেদের মডারেট বলেন তাঁদের বাক্য প্রধানত কল্পনরসাত্মক, আর যারা নিজেদের extremist বলেন তাঁদের বাক্য বীররসাত্মক। এত হবারই কথা, কেন না মডারেটরা উদ্ধারের সেরা উপায় বের করেছেন ব্যুরোক্রাসির সঙ্গে গলাগলি করা, আর extremistরা সেরা উপায় স্থির করেছেন ব্যুরোক্রাসিকে, গলাগলি করা।” উপরের ঐ কথার ভঙ্গী দেখে কেউ স্থির না করেন যে বীরবল একজন পলিটিক্যাল নাস্তিক। আসলে তাঁর আন্তিক্য ছুঁদিকেই। কেননা ওর পরেই বলছেন—“পলিটিক্সএ উভয় রীতির যে কোনই সার্থকতা নেই, এমন কথা আমি বলি নে” তবে তিনি যে কথাটা বলতে চান সেটা হচ্ছে এই যে “নাকি-কল্পণ ও খেঁকি-বীর এ দুই আমার কানে সমান বেহুরো লাগে।”

বীরবলের লেখার একটা বিশেষ ধর্ম হচ্ছে ঠাট্টা করতে করতে ছুঁঠাট্টার মাঝখান দিয়ে কতগুলো সত্য কথা বলে নেওয়া। এ বইখানাতেও তার প্রচুর প্রমাণ আছে। সাহিত্য ও পলিটিক্সের বিচার করতে গিয়ে তিনি বলছেন—“সাহিত্যের ধর্ম ও পলিটিক্সের ধর্ম এক নয়। কবি দার্শনিক প্রভৃতির কাজ হচ্ছে মানুষের মন গড়ে তোলা আর পলিটিক্সের কাজ লোকের মত গড়ে তোলা। বলা বাহুল্য মন ও মত এক বস্তু নয়। • • • এবং • • • যে ক্ষেত্রে প্রথমটির মত অভাব সে ক্ষেত্রে দ্বিতীয়টির তত প্রভাব।”

রাজনৈতিক হেঁচতে যে সব ভিতরের কথা চাপা পড়ে যায় ভিতরের সেই সব অনেক কথা এই ষ্টিল্পনীতে টেনে বের করা হয়েছে—কোথাও রহস্যের আবরণে কোথাও বা সহজ সোজা ইঙ্গিতে। যিনিই এটা হাতে নেবেন তিনিই দেখবেন যে এই সওয়া শ’ পৃষ্ঠার বইখানি বিদ্রূপ ও কৌতুক, satire ও সত্য কথা, ভাবুকতা ও চিন্তাশীলতায় মিলে একটা পরম উপভোগের সামগ্রী হয়ে উঠেছে। আমাদের বিশ্বাস এ বই যিনি পড়বেন তাঁর মূল্য ও মজুরি দুই পুষিয়ে যাবে। হাতে ফাউ স্বরূপ থেকে যাবে দেশের সম্বন্ধে কিঞ্চিৎ জ্ঞান সঞ্চয়।